

水城廳採訪冊複製說明

水城廳採訪冊，民國貴州通志稱：「水城廳志」，全書十卷，清光緒二年大定府分駐水城廳通判陳昌言纂修，無敘跋。今據上海圖書館藏鈔本複製，鈔本每冊封面左下角均蓋有「大定府分駐水城通判之關防」印。

原書計六冊，每面九行，為節省篇幅，複製時將每面調整為十行，改裝為五冊。並據民國水城縣志對有關文字進行校對，改正部分錯誤，詳書末所附校勘記。

承上海圖書館借給藏本，謹此致謝。

貴州省圖書館

水城廳採訪冊

複製說明

一九六五年六月

水城廳採訪冊

目錄

卷之一

天文門

星野 氣候

卷之二

地理門

建置沿革 輿圖 山川 勝蹟 關隘 津梁

原隰

邱墓

卷之三

水城廳採訪冊

目錄

一

營建門

城池 公署 壇廟 街坊 場寨 村寨

卷之四

食貨門

戶口 族姓 方言土俗附 賦稅 倉儲經費附 物產

卷之五

秩官門

文武職官

卷之六

學校門

教典

卷之七

武備門

兵制

塘汛附

軍役

卷之八

人物門

選舉

仕官

忠義

封蔭

耆耆

議敘錄附

孝友

潛德

列女

藝術

仙釋漢附

卷之九

藝文門

水城廳株訪冊

目錄

二

各體文

各體詩

卷之十

雜類門

傳聞

祥異

水城廳採訪冊卷之一

天文門

星野

天道高遠難測然歲時休咎人事吉凶恒於星象徵之故政有七詳於虞典紀有五衍於箕疇從古帝王所以敬天勤民者胥於是乎在水城雖僻在要荒而垂象示儆如詩所云敬天之怒無敢戲豫敬天之渝無敢馳驅者豈有異歟况春秋傳所載若宋之火火晉之實沈皆祀典所關而陰陽順逆又繫乎政治得失歟按水城屬賈西近西蜀南大抵在鷄首之次因集古今異同而以

水城廳採訪冊

卷之一 天文

一

大清一統志為斷焉

井鬼為水城分野

周禮保章氏以星土辨九州之地所分封域皆有分星以觀妖祥此言分野之始也據賈州大勢言下游近楚應為荊州分野上游近蜀應為梁州分野明矣水城隸賈西而在蜀西南徼外皆古益州地今按貴州通志謂大定府為參井之次四川遵

大清一統志謂敘州府為井鬼之次何去何從不能不辨然兩省志即各異其說而皆有所本主參井之說者本史記天官書而春秋元命苞因之周禮注因之前漢書天文志亦因之

蜀記晉書隋書皆因之晉天文志謂陳卓范蠡鬼谷張良諸葛亮譙周京房張衡並云犍為入參三度牂柯入參五度唐李淳風亦云自畢十二度至井十五度屬益州凡此皆主參井之說也主井鬼之說者本河圖括地象及洛書甄曜度而前漢書地理志蜀志及左思蜀都賦皆因之新唐書天文志謂東井居兩河之陰當地脈之西北與鬼居兩河之陽當地脈之東南鶉首之外雲漢潛流而未達故狼星在江河上源之西西羌吐蕃吐谷渾及西南徼外夷皆占狼星新唐書地理志五代史宋史明史皆因之凡此皆主井鬼之說也華陽志則兼參井鬼而言夫參井鬼三星原相連屬第雍梁為井

晉魏為參幽燕為尾青兗為奎婁宋陳為大火揚為斗牛荆為翼軫昂為外夷乃分野大概也四川志云言蜀分者莫先於史記然考其文與總論內分野之占不盡合意者古九州分野之書不傳當時或有所沿誤歟又云天有歲差之殊地有里差之別不因地以測差因差以測度難與言分野也黃鼎分野更變議謂有因天運而變者有因地勢而變者有因人事而變者天運宿度分於黃道遷於歲差則有宿度屬斗未變而為牛者矣川有壅決河有遷徙則有隨遷徙壅決而變者矣又如魏徙大梁則西河合於東井秦拔宜陽則上黨入於輿鬼則有昨屬荆豫今隸司兗朝為零桂夕為廬九者

矣黔省志據陳卓謂牂柯入參五度且謂漢武所設益州乃越舊燧為牂柯三郡遂定為參井分野然沈思充通志已定為井鬼郭子章黔記亦云不出鶉火之次一統志謂晉安州并鬼分野水城與普安疆域固相接矣新唐書謂西南徼外皆占狼星狼在井星下近於參則以為參鬼分者固非無因

明萬曆間狼星入東井占者以為滅播之象

國朝康熙間熒惑犯鬼御史奏為滅吳逆之象既而皆驗則水城為井鬼分野較然矣

分野占候

春秋緯文耀鉤梁州屬開星

水城廳株訪冊

卷之一 天文

三

後漢書天文志註玉衡第二星主益州常以五亥日候之己亥為牂柯癸亥為犍為

宋史天文志中台上星主梁雍

黃帝經興鬼中如粉絮為變害或以病亡或以誅斬

觀象玩占興鬼一名天目主視明察奸偽

晉書天文志孤九星在狼東南天弓也主備盜賊常向於狼
史記天官書狼北地有大星曰南極老人見則治安

宋史天文志狼去極一百七度半入井宿十二度

觀象玩占狼主殺掠一曰夷將一曰天陵主南夷主盜賊金

官也

晉書天文志野雞一星主變怪在軍市中

觀象玩占野雞大將也主屯營軍之號令警急設備

宋史天文志軍市十三星狀為天錢

觀象玩占軍市天軍貨物之市水官也

圖書編北河為陰國主攻伐之政南河為陽國主禮樂之政

晉書天文志水位在積薪東主水衡積薪在積水東北供庖

廚之正也積水在北河西北供酒食之正也

羣芳譜積水在北河上明則天下大安宴享行

晉書天文志五諸侯在東井北主刺舉戒不虞又曰理陰陽

察得失

水城廳株訪冊

卷之一 天文

四

圖書編五諸侯決疑斷獄

宋史天文志水府四星主堤塘道路梁溝以設隄防之備

圖書編鉞附於井所以斷也晉書天文志主伺淫奢而斬之

圖書編井主水衡物之平者莫如水故營國制城畫野分州

皆取象焉晉書王者用法平則井星明而端

水城廳採訪冊卷之一

天文門

氣候

水城雖僻在偏隅而縱橫亘三百里其間雨暘寒燠固地氣使然然平秩平在以授人時極備極無以徵主德可視為遞嬗之常耶

聖天子贊化調元固合僻壤遐陬咸登衽席而作息有常起居有節於以百穀成羣生豫則皆守土責也

水城地分五里曰永順曰常平曰崇信曰時豐曰歲稔永順里附城常平里在城西北崇信里在城東北地勢高多寒省

水城廳採訪冊

卷之一

天文

五

志云山高氣寒霧勝騰隴四時皆然又云五六月無酷暑著

林樹木經冬不凋者是也府志引元和郡縣志云窮年密霧

樹木皆衣毛深厚又云山陵崇比川谷陷深陰澗寒洹故天

恒雨電池饒奇阻而民多產女皆坤氣積陰所致者是也每

歲立春月餘桃李始葩夏多雨雨即寒恒衣綿秋多陰冬多

積雪田功則二月動犂三月播種四月插禾八九月納稼而

田無膏腴土多磽确故收穫恒遲黔南識畧曰黔稱漏天威

寧尤甚水城西北固皆連威寧界也時豐里在城東南歲稔

里在城西南地勢稍卑多煖然山嵐鬱蒸夏亦多雨晴則酷

熱河外地為尤甚收穫較早並可種綿花若秋秒多陰雨則

花不熟

水城廳採訪冊

卷之一

天文

六

水城廳採訪冊卷之二

地理門

建置沿革

建置水城廳自

國朝雍正十一年始省府志謂於是年設大定府通判分駐其地轄府之永順常平二里乾隆四十一年撥平遠州之崇信時豐歲稔三里益之與黔西平遠威寧畢節俱隸大定府其所為因地制宜者洵莫安疆圉和輯民苗之至計而歷代沿革豈以僻在遐方遂置之不論不議歟

水城廳採訪冊

卷之二 地理

水城廳沿革表

唐虞夏

梁州荒裔

商

鬼方地

周

雍州荒裔

秦

夜郎國地

漢

益州郡牂柯郡地

蜀漢

牂柯屬國羅甸地

晉

寧州所領牂柯郡地

宋齊

寧州平蠻郡地

梁·隋

爨蠻盧鹿部地

唐

羅甸國地隸黔中道

宋

羅甸部羅施鬼國地

元

順元路宣慰司地

明

貴州宣慰司地隸貴州布政使司

水城廳株訪冊

卷之二

地理

二

水城廳沿革說

水城隸賈西而在蜀西南徼外其為雍州荒裔明矣然在殷則鬼方振旅在周則牧野從戎要皆凜聲靈赫濯而莫敢不來享莫敢不來王者矣秦時且蘭之屬君長以十數獨夜郎最大漢武帝建元六年遣唐蒙通夜郎置犍為郡於犍水城其屬地也元鼎六年平且蘭置牂柯郡以犍及平夷改屬牂柯始元二年分天下為十三部牂柯隸益州公孫述時牂柯大姓龍傳尹董氏與功曹謝暹為漢保境後漢因之蜀漢諸葛南征牂柯帥濟濟火佐擒孟獲有功封羅甸國王其時庾降都督治平夷羅甸其屬國也羅甸居水西水城在水西之

西蓋其地之一隅耳晉泰始七年分益州置寧州統郡八牂柯屬焉永嘉二年分牂柯立平夷夜郎二郡咸康四年置安州分牂柯夜郎屬焉八年罷以所屬郡並入寧州劉宋改平夷為平蠻水城蓋平蠻屬地也蕭齊因之梁沒於蠻蠻則水西地為昆明有矣號虛鹿部後訛虛鹿為樸樺俗尚鬼又曰羅鬼本烏蠻一十八種之一所謂大姓黑虛鹿者唐開元時羅羅鬼主普露率其九部入貢元和六年鬼主上表請盡歸牂柯地開成九年鬼主阿珮內附會昌中封其別帥為羅甸國王世襲爵乾寧時牂柯諸州為蠻酋所分據晉天福五年附於馬希範宋開寶中普貴納土襲封如故為羅甸部元至

水城廳採訪冊

卷之二

地理

三

元十五年羅施鬼主河桿內附詔授安撫使十七年旋叛李德輝諭降改為順元路以其酋長為宣撫司後改為宣慰司領貴州等處長官司凡四十九有八其長官所有曰潛泥及市比洞者今水城所屬地也隸亦莫不薛及竿籠路二十六斗以羅甸隸四川尋改隸湖廣二十八年復改隸四川尋復隸湖廣二十九年又改隸雲南至阿畫以軍功授大將軍佩三虎符順元路等處宣慰司加羅甸侯雷翠即其子也明洪武四年翠歸附授貴州宣撫司六年陞為宣慰司隸四川翠死其妻奢香襲入朝賜姓安氏香歸率諸羅開赤水烏撒道通烏蒙並開偏橋東水以達烏蒙烏撒及容山草堂諸境立龍

湯九驛世承襲永樂十一年改隸貴州迨安貴榮從征香爐山有功加貴州布政司叅政既而誘水東宣慰司宋然作亂討平時榮已死坐追奪萬曆時安疆臣助討楊應龍進秩天啟時安邦彥因永寧奢崇明反挾其主安位以叛位弱不能制彥遂稱羅甸王崇禎二年彥伏誅位乞降受約位死無子各目請改土歸流因建大方城即今本府水西地有中水下水底水之分水城即底水也其土自四十有八隸水城者五曰務卜者在水城東曰以個者在水城東北曰得素者在水城東南夷書注得素即黑騰曰扒瓦者在水城北曰歸集者在水城西南

水城廳株訪冊

卷之二 地理

四

國朝順治十五年大兵取滇安坤為嚮道滇平仍授水西宣慰使司康熙三年安坤叛討平之以水西十一以溪設三府則溪者猶言罩州也木跨犬着架勒化谷四則溪屬大定的獨桑你要架隴跨四則溪屬平遠餘屬威寧雍正十一年建水城撥本府里二屬之乾隆四十一年撥平遠里三蓋之架勒要架隴跨今水城屬地也所撥本府里二曰永順曰常平所撥平遠里三曰崇信曰時豐曰歲稔

水城沿革辨

職方爾雅無梁州先儒謂周成王合梁於雍林少穎曰江漢發源梁州而職方為荊州則荆亦兼梁州地此省志所以謂

大定地為荆西裔也然以黔下游屬荆固確矣元時順元路隸四川旋隸湖廣旋復隸四川卒隸雲南蓋以隸四川近隸雲南尤近隸湖廣則較遠矣成周之初牧野誓師微盧與馬括地志云戎府之南古微盧彭三國地水城在今大定北毗連益州大抵古盧夷所屬地楚威王時遣將莊蹻從沅水伐夜郎滅之遂至滇池秦昭王二十七年置黔中郡蹻以道不通遂不得歸則黔之上游為成周時雍州南裔明矣府志謂後漢犍為郡所領之漢陽縣即今水城地因史記漢書言夜郎牂柯諸國秦頗置吏遂謂秦收夜郎地已置夜郎漢陽二縣並因漢武建元六年置犍為於犍遂謂漢陽諸縣應亦同

置又因唐戎府所領有湯望州謂當以西南水城地當之按漢書地理志洪亮吉補三國疆域俱言漢陽為犍為所領縣晉書地理志洪亮吉東晉疆域志十六國疆域志俱言漢陽為朱提所領縣四川志謂漢陽即今慶符縣若水城既為漢陽縣蜀漢時何始招牂柯帥濟濟火乎府志又謂漢水即今且水普察以個二汎皆居古漢水北普察尤近去松瓦僅十里按漢書漢陽都尉治山關谷漢水所出東至犍入延華陽國志漢陽有漢水延江府志謂以且海出威寧東南二百里其南山即山關谷今稱其流為思臘河即山關之轉語均聽斷又漢書地理志牂柯所領縣十有七其十二曰漏江華

陽志漏江九十里出蟻口。水經注葉榆水東邊漏江縣狀流復出蟻口。謂之漏江。方輿紀要盤江府西北五十里出亂山中流。逕府南九十五里。謂之可渡河。明初傅友德征雲南。駐師於此。鄭收曰。河之南露蓋境。河之北烏撒境也。河源在衛西百里。道壑而出。盤江實導流於此。今其上有可渡橋。黔南識畧。水城東南三十五里。為黑跨關。路通平遠。西聯歸集山。腰懸壁數十丈。以木架路。容一人行。下有天生橋。險窄。倍於蜀核府志。謂水城之歸集汛。即古漏江地。謂蟻口。即可渡河。再出天生橋之口。是則常平里之扒瓦河。即古之漢江。歸集汛之黃河。即古之漏江。水城而果若此。豈不足為種園生色。

哉甚矣。文獻無徵。茫若煙海。亦惟疑者闕焉已也。

水城廳採訪冊卷之二

地理門

輿圖

大禹鑄九鼎而九州物形離奇光怪悉燦然在目輿地有圖其防此歟周禮職方氏掌天下之圖辨其邦國都鄙人民歷代因之凡山澤道路關隘莫不臚列而知其利害我

聖朝統一寰宇恩光所被羌戎苗獯悉隸版圖水城地屬彈丸而山嶺削水縈環芳塍井井繡壤鱗鱗固非徒為訪勝者壯其登臨已也

五里

水城廳採訪冊

卷之二

地理

七

永順里

常平里

雍正十一年自本府大定撥

崇信里

時豐里

歲愁里


乾隆四十一年自平遠州撥

水城廳
輿地全圖

水城廳方冊

卷之二

地理



水城廳全圖說

皇朝輿地圖每一方格二百里謹遵體式每方格約為二十里
城池不在此例山用△或山或山水用〰分里用〰沉地用

△塘用○關隘用□道路用 橋梁用▯里名用□其中有

不盡詳者皆挈其要東西計二百八十里南北計二百六十

里北界本府距府城百八十里有距府城七十里者東界同

府之平遠州距州城八十里東南界善安直隸廳距廳城百

二十里又界興義府之普安縣距縣城百八十里又界安南

縣距縣城百五十里東南界安順之郎岱廳距廳城百二十

里有距廳城三十里者西南界雲南之宣威州距州城百二

十里西界同屬之威寧州距州城百四十里由廳城東至平

遠界百四十里南至普安及安南界均百八十里西至威寧

界三十五里北至大定界一百里西南至宣威界百五十里

東南至郎岱界百四十里由郎岱下省計四百有十里
遠京師凡八千一百二十里

四界有華雜窩遠皆以里數遠近為圖之曲折收放觀於此

而疆域形勢亦可得其大概云

論曰水城本羅甸屬地自漢迄明千有餘年長其子孫而世

守其疆圉安民可云久矣其祖濟濟火史書曰大濟今從
土語曰濟濟火當

雍閩高定叛漢附吳之日獨能規順逆晰大義毅然積糧通

道以佐武鄉侯非卓然人傑歟厥後承承繼繼皆知率乃祖

水坡原在言子
一
改行內附宣力不失人臣禮以綿延於勿替其諸部落亦習於尊君親上黔書云羅羅之俗愚而戀主即虐之至死猶率其子姓若妻妾戴之不敢戴蓋忠誠之性人所同具也自安邦彥挾其主叛始極猖獗終至覆滅我

朝柔輯黔滇羅甸之裔不絕如線而安坤復叛當其時豈無以濟濟火為坤陳說者卒悍然不顧以自取滅亡順則興逆則廢固有昭然不爽者矣

聖德涵宏將所部地散其種類以耕以獲而除其虐政誠不忍一民一物置之化外矣天啟壬戌之役說者謂詠求暴虐有以激而成之夫苛虐其下以致民不堪命激而成變守土者固不能辭其責然殊風異俗民為要荒之民士為郊遂之士恢恢乎光天化日下而獨令其向隅哉今廳屬既百里分符矣苟為之興學校拔俊髦俾家誦戶絃禮讓成風愛戴成俗匪第夷漢並居相安無事行見漸仁摩義食德飲和之眾鑿軒鼓舞翔洽


隆平而魚魚雅雅皆可發為黼黻文章矣豈不煒歟是在乎以實心行實政者

永順里圖

船境永順昌中
轉入大足舟中
九龍瓜
保公辰

永順昌中
轉境轉入大
足舟中
九龍瓜

阿達河
普察汛
阿勒河
亥什汛



地理

永順里圖說


廳屬五里惟永順望附城而分甲最為插花插入本府界者
二一為暑仲寨在城之北離城九十里曰七甲一為樛公底
九隴底在城之東北離城二百二十里曰九甲插入本屬常
平里界者有亥仲晉察二汛並阿達河渤河地在城之西北
離城七十里其附城者東至白草河本屬五里地俱插入其
中東南至阿札空已浪河通仲河連時豐里界南至濫垵鴉
洲界西至落飛夏連向府屬寧州界西北至得烏塘界牌北
至三塊田東北至小壘塘落水河小寨塘俱連常平里界東
西計百二十里南北計七十里插入常平里者縱橫計四十
里插入本府界者暑仲寨縱橫計一十七里樛公底九隴底
縱橫計二十七里

論曰永順附城而西連威寧僅三十有五里東北插入大定
界者至二百里有奇凡界連之處政事每多阻滯奸民恃歧
界而觀望差役亦乘間竊藉怨以情而不可懲以法而不能
將受權于土目保正而肆其恣睢飽其吞噬者又往往有之
夫養癰遺患庸醫亦知無如元氣不充血脈不調遂至根深
蒂固而不能拔其毒是必儉以持身寬以蓄眾果以任事明
以察幾由是庭無苞苴案無留牘訟無偏聽獄無含冤庶幾

鼓舞歡忻民情豫順微論奸邪斂跡如蝗越境如虎渡河即
偶有跳梁於其間者亦可嚴為緝力為擒蓋好惡本大公有
必欲急正典刑而後快人心者矣有分土無分民不信然歟
若雅管風琴之士固皆慕義懷仁仰承

道一風同之盛即乘乘扶犁以及持籌握算列闈闈而居者亦
將積達箸之蓄洞明湖之水而吹不勞鄒衍富不羨陶公矣
蕩蕩平平如砥如矢又何慮阿札有壘險阻可憑也哉

常平里圖




常平里圖說

常平里在廳治之北離城二十里內界附城之永順里北界
本府西界威寧東界本屬崇信里東南至白草河縱計九十
里橫計百七十里嶺曰老傑嶺曰馬繫管曰九里河曰八瓦
勝曰馬隴多崇巒層嶂深澗幽澗焉

論曰常平西北界本府屬及威寧屬多崇山峻嶺深菁茂林
今即蔚然深秀者渺不復覩而苗變時恒據險自衛伏莽賊
亦出入荆棘中以肆其搶掠頑匪尤負固不服雖曰常平豈
常無反無側哉然亦視時勢為升降因理亂為轉移耳大易
曰無平不陂無往不復泣斯土者誠思威兼濟信義交乎靜
慎嚴明不以貨利昏其智不為近習蔽其聰俾芸芸之眾各
遂其生各復其性將熙熙然共登春臺矣即有欲乘間竊發
者又誰為發繼於中彌縫於外以致跋扈飛揚而不可復制
哉蓋苗盜之患多起於漢奸差役兵弁以及土豪鄉棍皆聯
為指臂而寄以腹心羽翼既成爪牙復銳遂以為莫我若何
然即敢於鴟張亦僅同於鼠竊當事者或諱而容忍或畏而
偷安或借以養重或利以邀功其流毒遂蔓延於不可測夫
泉名瀑布偕銀燭以常流營號鐵絲與銅山而並啟地原不
愛寶囊豈或憂貧果能防於未萌治於未亂土皆鄰魯之土
民皆晉魏之民掉尾斷頭化為揖讓募施抹色變為詩書與

眾庶共樂夫安平自與眾庶同歸於厚實已矣

崇信里圖



崇信里圖說


崇信里在廳治之東北離城四十里內界常平北界本府及同府之平遠州自以箇汎北為本府界自梅兒關北為平遠界自桃玉跨北又為本府界自核桃園北又為平遠界自熊家場北又為本府界自務卜汎東又為平遠界離城有百八十里之遙多崇山峻嶺高其插入平遠界者為崇信里六甲曰得羊曰狗場曰下坝其插入本屬時豐里界者曰打野溝打野巖而平遠州突插入崇信里界者曰那巴獨曰阿義縱橫計十有七里中有手爬巖路出兩界間巖以東曰吹隴曰白泥塘曰鮓瓦雞場連平遠界巖以南由黃家場至兩路口塘連郎岫廳插入界南北計四十里東西計百五十里

論曰信義行於君子刑戮施於小人固已然乎以信義而小人益深其愧感揚以刑戮而君子益勵其敏皇故小人者不可以情恕而亦難盡以威服若崇信里者平遠舊屬也插入平遠界者有之而平遠插入崇信里界者亦有之其間鼠牙雀角訟獄者恒以輕報重以偽報真即此一端已覺詐虞成習矣嗚乎信夫燒殺劫搶案情之最重者也而呈詞往往近是豈非是不足駭聽聞歟受詞時未始不察然乍其虛誣反多因羞成憤退而械鬪釀成命件抑難靖矣若姑准集訊籤票一下而原告遠颺徒使被告株連者傾篋倒囊以供貪役

之一飽及案懸難結閱數月復遣人乘間催控矣甚或串合
差役勒索以遂其私案雖寢而是非曲折莫由伸辨流弊至
此馴良憊甚有不啻變為奸匿乎浸假而仇殺浸假而嘯聚
則代為指使者彌縫者皆至矣此醜虜之所由作也又每歲
丁糧設積繳納糧者竟寂無一至里差派甲差往徵即加徵
數倍亦所然完納殷實家尤宰殺烹調以伸其款敬嗚呼積
習累人愚而無識竟為蠹役誘嚇至於此極也誘嚇奈何曰
官猶水也差猶石也今任設糧徵收固得其使設或後任不
然恐加償十倍猶少也由是相率逡巡而不敢納差竊官之
勢視民為魚肉其罪不容誅民忘官之尊畏差若虎狼其情
實可憫故即奴顏婢膝而不以為辱者亦出於莫可如何嗚
呼差氣強民氣弱已難堪矣况尤矯矯然與文人學士相抗
衡差風熾而士風尚可問哉苟有人心者莫不疾首痛心曠
目怒髮於不自安彼差役者亦自知不容於公憤而陰與草
竊者流結為狼狽有時身居民上者亦俯首帖耳降以相從
而侵漁不敢問積壓不敢追吁受制家奴古今同慨非有不
敵之精神不滿之志氣以改絃易轍馬不可挽也夫小民易
化也有以畏服其心志則無情者自不得盡其辭若蠹役則
喪盡天良逆情背理相沿相習愈變愈厲而勢難以猝勝惟
本慈祥惻怛之心以發為剛斷明察毅然不敢犯嚙然不可

欺庶幾扶偏救弊不至茫無底止乎然此弊非獨水城為然也水城亦非獨崇信里為然也噫

時豐里圖



過瓦

天生橋

花地

紅岩

漢克

八寨

老婆場

箭胎黑
公胎汎

夏阿

泥鐸

河香底

打把河

榮信里
插入地

廠黃雄

箭靶

龍九

石欄

猪場

山鷓公

梧桐樹

米箱

阿女
猴場

阿志河

山鷓公

發泥

石鋼

廠子

河裡

阿志河

槽社法

坳場

時豐里圖說

時豐里在城之東其近者離城二十有五里其遠者離城二百有十里自白車河以東曰阿佐者連常平呈猪場塘界由箬口至天生橋連郎岱插入界由過瓦至雄黃廠皆界郎岱由阿志河至草坵其間曰雜場坳曰法社槽曰銅廠坡曰公難山曰九龍洞者界本屬之歲稔里由草坵至公河阿裏界本屬之永順里東西計百八十里南北計九十里

論曰民生在勤第令賣力買犢賣劍買牛而一家八口即可免枵腹之虞樹桑植麻則所縲有絲所績有縷所織有布即可為冠裳衣履以章身而禮逾屬福並可為煖榻之資大利

歸農誠不謬也時豐里雖非膏沃而歲獲山糧田穀弗下數
十萬石不通舟楫民率背負以售於鄰種年慶屢豐則斗米
百錢即不胥手販足以致力於田間者仰事俯畜亦易易耳
有識者嘗以逸居無教為憂則孝弟忠信急宜講也夫深化
導於詩書大陶成於禮樂固非淫濡浸漬不為功誠使漢夷
中端方謹厚者咸曉乎尊親大義而持身涉世毅然有所不
為則足為里黨樹儀型舉凡辱身喪名敗壞倫常之事羣皆
以為可恥而誘以利則夷然不屑沐以威則屹然不搖端風
化正人心此其所維持者大而其所濯磨滄汰者深且切矣
若聰明穎異之士更薰香摘艷含和吐雅以發為文章則材

水城廳採訪冊

卷之二

地理

五

儲積幹器貢璫璵又不獨為宗族交遊增光寵而標觚有素
負笈參遊者亦莫不觀感奮興而化及狂榛風行任昧將見
跳花跳月俱詠桃夭吹角吹笙亦賡棠蒂也此其效雖非一
軌一夕所能致然有志者未嘗不毅然任之且夫席珍貴矣
而蓬巷堪虞道味腴矣而菜根難咬倘復令室家交謫馬能
與詩書為緣則膏火宜增也既公評於月旦益袒錢於雲程
則賓興宜重也且身遊璧水共切瞻韓而望重斗山獨難御
李則束脩宜厚也至於觀光禮部効駕公車方宴鹿鳴旋占
鴻漸壯行旌之色典重升三深推轂之情朋廣錫百若此者
要皆豐於德而非豐於財豐於學而非豐於穀矣夫心傾葵

肇臣方從猷歎而來幹挺稷播士尚帶山林之氣誠本生平
所蘊蓄以播為偉績豐功將令景慕遺徽者欣欣然若觀豐
年之玉而時述其鄉里於勿置也

歲稔里圖

水城廳株訪冊

卷之二

地理

二十六

歲稔里圖說

歲稔里在水城之東南近者離城四十里連永順里界遠者離城二百有十里皆連時豐里界由清水河至大小博古過黃河上流至都格皆連雲南之宣威州界黃河中流西至八角山至界牌埡口過烏都河曰鴉博埡口曰黃昏箐曰古克埡口曰蘭花箐曰八大山曰脚泥皆連普安廳界黃河下流至皮古龍場連安南縣普安縣界汎曰歸集壘曰馬龍在黃河北阿德難場大小鴨場營盤山棋盤壘安探壘在黃河南南北計八十里東西計二百六十里

論曰廳屬五里惟歲稔里最寬亦最遠嘗訪之墟落凡指其

以稱其地之人者皆目之曰河外蜀言乎河外外之之詞以
其地為櫛櫛藪也蜀言乎櫛櫛自苗變後居民集縛丁扎營
空其始未可厚非及其繼也譏言構嫌隙起爭端而燒殺劫
搶之風熾于是禦盜而轉自為盜矣夫戕人命奪人財者適
足以殺其身而殃其子孫故以盜攻盜以盜滅盜日相尋於
兵刃而不能自己其狡智異常者自知情無可恕理無可解
為法所不能逃或樹黨援或樂禍變非不顧盼自雄也曾柳
計及將暴乎易曰積善之家必有余慶積不善之家必有余
殃詩曰既克有定靡人弗勝有皇上帝伊誰云憎苟自能悔
悟大改其所為向化輸誠急公赴義以期免於刑戮未始不

水城廳株訪冊

卷之二

地理

六

予以自新之路乃梗化者竟日起而不知或者天地鬼神使
之厚釀其毒禍緩愈烈未可知也至魚有網鴻反投之免有
羅雉反覆之者未嘗不歎歎息以大鳴夫造物之不平然
則極必復否極必泰其根深者即斬其幹焉而萌芽必茂其
源遠者即遏其流焉而習坎必亨語有之禍福無門惟人自
召天心可問即人事可憑賢有司宣化承流亦本禮樂兵刑
並行不悖之意而彰善癉惡以樹其風聲則得矣

地理門

山川

水城之山川見於寰宇記一統志水經注括地志名勝志者雖不數數觀而磅礴鬱積之氣即枝牽蔓壑未始不懷珠蘊玉發為榮光美氣以呈祥於

盛世況出雲降雨不崇朝而遍者惠澤尤遠夫芸生職方氏所云山鎮澤藪川漫就九州大勢言之也而一邱一壑紀輿圖者亦備載不遺蓋形勢之秀頑夷險闢乎運會而生人稟賦即因為轉移其潺湲峭削者俗多躁切而武健之風以熾其

水城廳採訪冊

卷之二

地理

完

潯洄俊麗者俗多和緩而文明之運以開則輔相裁成以變化其氣質者責端在於良司牧井泉附於川廠壘附於山其即此意也夫

城內

之星山 石小阜七如列星狀

見龍井 在廳署西北石山峭峻下有泉清冽漚為小方塘汲之者往來井井焉

蓮塘 在小瀛洲下有泉從石隙出漚為池寬三文餘長二十餘丈種蓮其中葉田田花灼灼恍如天孫雲錦段焉

菱塘 在南城照磨署內形如半月種菱及蒲隔鳳池河止

垣耳堪有魚嘗越城垣飛入河

城外

鳳凰山 在城西南五里許下有小阜如澤島從府志云在城南十五里

天生池 在鳳凰山頂

鳴崴山 在鳳凰山前

翻羽山 端秀圓潤在鳴崴山旁自小瀛洲望之如柱笏然

同文山 逼近南城其下如屏其巔則兩峯並峙在新建文

廟向之右俗呼曰馬鞍府志云在城南十里

獅子山 峭拔凌空勢如起舞新建文廟向之

水城廳採訪冊

卷之二

地理

三

帽盒山 在新建文廟向之左

興文山 山多古木十圍者數十株經冬不彫屢遭兵燹

無敢犯者氣佳哉或或葱葱然在新建文廟向之左俗呼

大箐

雞心山 在城東二里許羣山高峙纒小而秀

乘風山 在興文山右上出雲霄俗呼為轎子山

天柱山 在乘風山右立羣山中獨端正不欹

凌雲山 在天柱山右羣峯聳立令人作巫峽千尋凌雲連

風想

三台山 三山相連中畧高在天柱山前

玉和山 在城東十里許下有玉和洞即清華洞

雙甌岩 在城東三里許較場之左兩石山參差峙徑盤旋險窄各因磴為椅角勢賊屢圍撲不敢近遂為城東保障奠安岩 在雙甌岩後高岡上

崇文山 新建文廟之後山也自三畝田蜿蜒而來跌落平地突起土山與羣峰異而羣峰左右侍其側如班聯玉筍望氣者謂靈秀所鍾云

文筆山 在城北二里許自城上望之獨聳峙超羣府志云在城東十里

筆架山 崇文山右層疊諸峰也由城北望之在文筆山後

水城廳採訪冊

卷之二

地理

三

故名府志云在城東十五里

王筍山 在城東二里許有石如柱峭立丈餘

麒麟山 在城西一里餘土色如硃砂與鳳凰山對峙府志云在城北五里

眾笏山 在鳳凰山下羣阜林立俗呼為十八羅漢

將軍山 城外諸峯皆平地突起此尤四面臨水高矗雲表依傍一空狀如盃鐘稟令森嚴侍立新建文廟向之右與

城西鐘山對峙俗呼為下鐘山

鐘山 在城西十里許與東城將軍山對峙俗呼為上鐘山

金匱山 在眾笏山之西形頗方離鳳凰山二里許

洛山 在城西三里許橫水田中台城望之如舟浮水面故名

雁行山 玉和洞以下諸峯次第立秩然有序

青蛙泉 在城東一里許水田中小石山下山形如蛙有洞餘筭曲折人棲宿其中可蔽風雨候聞水乳聲驚而出則水湧至洞口與水田平中多怪魚其大者長可四五尺俗呼小石山為青蛙聽雨

躍沙井 泉從下出湧沙如霧宛轉騰躍無一息止在青蛙泉右城外泉水多如是俗呼曰冒沙井

四方井 在城東三里許四面皆田溢為池縱橫數十丈皆

水城廳採訪冊

卷之二

地理

三

種菱

七曲河 鳳池河繞出將軍山前回旋周折俗傳為七曲云

冬青井 在城東大道旁砌為方池其上則捲石穹窿旁植冬青兩株與泉色相掩映

白沙洞 城東北居民因寇至避其中曲折數層窄處僅容人寬處則洞宇廓然秉燭遊約二十里許出文筆山後春夏間水從洞口出流為澗多白沙與他泉異當避亂時賊不敢近以北城破子能至洞前也

滌筆泉 出文筆山麓小石山下居民常以灌田

印月潭 在滌筆泉左匯為池流為澗由水田出城東入鳳

池河

鼓眼潭 中多鯉在印月潭右相傳有金銀氣居民於黑夜
遙見之光芒高數十丈如珠如花紛紛四墜

葡萄泉 在鼓眼潭右泉從下湧出累累然如葡萄一名珍
珠泉

湧珠泉 在麒麟山下井可五尺餘由地中噴水上浮聯絡
不絕如珠走盤中坐觀之清氣逼人取水煎茶覺心脾俱

沁

掛龍潭 在鐘山下當於雲氣滃然上下騰接中見龍掛尾
鳳池河 環城西南滌洄而東源從得烏繞鳳凰山下故名

水城廳株訪冊

卷之二

地理

三

府志云水城溪自城西東分為二渠環城流至東南復合
為一流入亂山中

永順里

高瞻嶺 在城南三十里外

白龍山 踞高瞻嶺上蜿蜒天橋上矗重霄登其巔必至即
岱南至普安西至度寧北至大定俱在一覽中矣境內山
無出其右者

觀音廠 在城東十里因鑿銀鑛山空將陷有美女至廠前
冬賣桃衆出觀山遂陷女忽不見衆得無恙故名

塔坪 在城東十里塔基尚存山之麓有海眼蓋頭塘海落

水處也

一字河 在城東三十里源自界木至以梁行八里許橫如一字

滴水巖 由一字河行八里許流至巖跌數十丈若垂簾下
澗天生橋至白車河

苦李埡 坡脚即通眾河

通眾河 在城南五十里水源二一自以舍至新橋匯馬尾
河一自磨石溝至夾溝匯馬尾河同匯已渡河環繞阿札
壘至通眾塘又行十餘里河內石有馬蹄跡

穿洞 通眾河由穿洞出下匯白車河至時豐里落水硎狀

水城廳株訪冊

卷之二

地理

五

馬尾河 在城南四十里匯流浪花如絲囊

紀波河 在城南六十里水陡無橋踏水渡有小路上阿札

壘

雙龍溝 在城南十五里如一山壁為二至晉安路出其中

上透天光僅一線下有泉漣漪可掬

大坡頂 在城南二十里山高多虎豹

白車河 在城東南七十里

赫明湖 在城南二十里即萬福廠一名巴都道光間廠極

盛硎內忽出水匯為湖不能洩廠遂廢

夾溝 距城二十里舊有銅廠

碑封洞 在城南二十餘里巖高十餘丈峭拔壁立洞有碑
頭圓脚方厚尺許封其口相傳洞出銀鑪寶氣極重道光
間石工懸藤巖頭攀藤下至碑際欲鑿之雷忽震藤斷而
墜

夾耳巖 在城南十餘里兩山夾峙半里許遠至普安路出
其中

駐馬巖 離夾耳巖十五里路極陡下巖脚過新橋至社家
店

天池山 在城南五十里清溪場側四面峭壁頂有池常清
煤洞山 離社家店八里許地名濫坎所出煤無烟舊開洞

水城廳採訪冊

卷之二 地理

五

陷

石龍岡 在城南十五里其龍身忽隱忽見直至安順始止

烏鴉巖 在城南五里普安路出其下俗呼烏鴉巖

蟾蜍石 在城南五十里草木底路旁形酷肖

革達箐 在城西三十里山極高僅出蒼

馬戛砦 在城西二十五里得馬場石

盤龍砦 古名隴補

馬鞍營 在城西三十里與斗關對峙同治間防苗賊札營

於此

飛戛山 山下塘名落飛戛離城三十五里

紫燕巖

在城西十里燕多巖巖隙間

頭塘海

水發時縱橫半里許鉛廠即臨此海也

雙水井

在城東十五里嚴家寨路旁一供烹飪一供盥濯

連山河

源自威寧七股水下匯扒瓦

山窰洞

在城西松樹坪山脚洞內常聞鼓樂聲外現紅練

氣人莫敢入

媽隴騰

在城西三十五里聖路險窄四面石壁壘口有石

峯峭峙咸豐十一年苗叛分股入壘以石峯為礮臺威屬

逃配土目安域臣分布所招猪拱箐餘黨於壘而苗匪始

被猖同治二年攻城急城中新桂米珠人相食時全黔軍

水城廳株訪冊

卷之二

地理

五

務劇無援兵至惟求救於威寧圍數十日貴西道以練勇

至圍始解餉費無措遍索簪釧以足千金數練去賊仍退

據空因札各土目以團練圍攻各土目知練弱不能勝不

得已求助於安域臣許以重賞域臣者素擁衆自衛及招

猪拱箐餘黨遂為八大槓匪之首乘變亂自署其門曰羅

甸國王因各土目之請欲挾以為利領其衆至不攻擊而

苗匪奔米羅域臣遂至城索三千金賞民不能給域臣遂

恃功抽釐爭各土目地搶各客商貨設枷鎖牢獄理詞訟

擅殺無辜以數千計嘗率衆至威寧城逼文武官殺武舉

安某乃退其跋扈不馴取殺身禍蓋自媽隴騰始也

仙鶴林 在城西五十里

花魚井 在城東南十五里魚多五色

落水洞 在城北二十里鳳池河水狀於此

阿達河 在城六十里上流阿勒下流扒瓦

九龍岡 插入大定界中離城百二十里

常平里

觀音山 在城東北七十里舊出銀鑛今出鐵鑛

人和廠 在觀音山後舊出銀鑛

瀑布泉 在城東北六十里源自觀音山小黃河至猴兒巖

墜下水 小時懸危掛橋內若素練水漲時則飛越橋上人

水城廳採訪冊

卷之二

地理

三七

不敢行

陵箐 在城東北七十里山高箐密多猛獸

鸚嘴巖 在城東北五十里離茨冲八里

大埡口 在城北二十里陵險異常

鐵絲營 在城東北三十里俗呼平街大營兩山峭立營札

山埡前山為峭後山兩旁有洞可容人數百苗匪攻之不能近居民鑿鐵絲於營中蓋其恆業也

平街廠 在城東北三十里近鐵絲營

福集廠 在城東北三十五里產鉛

關鷹山 在福集廠後

字庫營 在城東四十里

交趾壘 在城東四十五里壘脚名野姑地極險咸豐十一年苗變據以為巢同治六年始招安

野姑洞 咸豐十一年花苗婦入洞妖言惑諸苗據交趾壘為亂分股據媽隴勝

跳花坡 在城北十七里羣苗恒於此嬉嬉

牛鼻洞 在城北二十里兩洞相並內極寬通陰河苗變時人多避其中

扒瓦河 離城四十里發源鎮雄匯威寧海子至媽隴河入境

水城廳株訪冊

卷之二 地理

一六

方山砦 近扒瓦河

犀牛潭 在城北六十里

列筍箐 在城北八十里羣峯排列森森然目不暇接近馬鬃嶺

九里箐 在城北六十里

聳秀山 在亥仲汛谷口

阿勒河 上流以勒下流扒瓦

碧灘 以勒河上流灘深水綠土人多以猪羊祀之祈免冰雹

崇信里

龍頭山 在城東北九十里山高望遠土人常報賽於其下
以個箬 省志云縱橫百餘里蒼蒼深蔚廳地之至險者
喇雍河 省志云源自烏撒入常平里至果偉出安順西堡
司界按河源從威寧來入常平里至許居探會連山河至
永順里巖脚慕會阿勒河下會三岔河入平遠界出安順
土地迎 與龍頭山對峙却相隔四十有餘里離以個汛十
里

索橋河 向有渡船乾隆間威寧猴場橋圯橋上楊泗將軍
像順流而下船夫聞喚渡聲急救之得將軍像供於岸側
觀音寺離八里許有黑石高二丈餘中鑿有方形如碑字

水城廳株訪冊

卷之二

地理

三九

磨滅不可識

手爬巖 山腰鑿石過平遠路

雁塘 在城東九十里常有雁宿其中

杉盤岡 在城東八十里離說期里許有樹名紅杉即脫杉

夫四十圍盤石上枝葉葱蘢救賽於其下者歲恒數百人

比德營 人呼為嚴家營

額勒營 同治八年勦喇雍苗匪曾札營於此

打野巖 在城東一百八十里插入時豐里界內

時豐里

格秋坡 在城南六十里

九龍硖 在城南八十里兩山夾峙萬木陰濃巖脚硖有九
英議其源水發五六硖則晴雨調勻八九硖俱發則水溢
湮田禾止一二硖發水則旱雖晴天亦暴漲下會巴浪河
巴浪河 下會茲河

公難山 在城南一百二十里山極高頂常有霧每年止數
日見其頂山脚有溝寬半里許水極冷

棋杆峯 離公難山十里在兩山中石筍峭立二十餘丈四

面皆新削惟猿猴能上其巔

銅廠坡 向出銅鐵同治元年擊苗匪曾扎營於此

哆口硖 硖口寬大上下險峻苗變時避亂於其中者百十

水城廳採訪冊

卷之二 地理

四十

餘家

天然硖 在巴浪河天生橋左峭壁硖內右龕有生成就音

像一名觀音硖並有石筍石乳石角及鐘磬形叩之鏗然

有聲

猴子廠 產銀采山高路險猴因人過其下以銀采擲之始

開廠有硖曰黑風有磴曰老君廠衆所供養像也有巖曰
舍身以取永路極險下臨深潭不可稍失足也

猴昌河 在城東南二百里

响石 在城東南一百八十里石高一丈餘窩下處有五

六擊之聲大而遠音各不一如鼓樂云

玉姑山 離响石里許秀峭端麗高二十餘丈法泥田塙中
有深潛長二里許相傳為山行遺跡云俗呼姑娘山

底倉河 由巴浪河至果禮入黃河

蘇夏箐 在城東南百有二十里

紅巖 石砦如硃有洞深遠相傳為前代居民避兵處

雄黃廠 在城東二百二十里產雄黃

阿至河 由郎岱月亮河來下會黃河

打把河 由常平里瀑布巖發源至阿佐入八寨之天生橋

出繞花底至紅巖之天生橋過打野巖至打把下會黃河

歲稔里

水城廳株訪冊

卷之二 地理

甲一

黃河 在城南百四十里發源宣威噴水洞瀑布千尋名洑

落一清一渾合流而下為志香河又為貝古河至文家橋

會普安之德長江至都蓋入水城界會威寧之水通河至

歸集因其色渾故名下至毛口入盤江黃河山高水低難

為橋無溉田蓋人呼為雄河城東百五十里木底河多灌

田人呼為雌河

虎跳石 在小里寨對岸兩石一巨石在黃河中人謂虎渡

河必躍於此

公母石 在無光渡離虎跳石四十里形如牛眠水湮兩石

則不開渡

仙人洞 在高家渡南岸竹木參差洞門如月入數武別有
天地旋而來又一高碕擊其石有鐘鼓聲居民避苗變於
此賊不敢犯懸壁臨河艤船近始得入

馬龍壑 在河內四面峭壁崖高三層周圍六十有餘里惟
壑後一小路曲折而上舊有石捲碕門今尚存苗變時村
民避於此

棋盤壑 在河外三面懸壁一面臨河其上松林蒼翠有巨
石一方寬文餘形如棋枰故名

安樂壑 在河外隔棋盤壑七八里壑脚相連四面險絕壑
上田土豐美居民數十家

水城廳採訪冊

卷之二 地理

三

釣水崖 在河外喜鵲溝瀑布千尋下有幽碕白氣出則晴
青氣出則雨碕內時有鼓樂聲溝右有長田耕作時恒雷
雨交作

蜈蚣山 在馬龍壑脚與公難山對峙

鷹嘴巖 與公難山對峙

帽金壑 在河內頂有清泉四面險絕村民避亂於此賊不
能犯

玉鬟山 在河外山脚交晉安界俗呼娘娘山

佳開碕 在歲爺里八甲阿德祿土目藏九曲明珠於其內

每五爺一祭則取出以蟻穿之光如水晶

遊亂於此

宜克阜 同治元年攻米羅苗匪營於此

青龍山 離歸集汛四里許樹林陰翳多生蘭攻苗匪時游於此一名雞冠營

桂樹岡 在河外黑崖底大二十圍高三丈餘始分枝茂密如蓋花開時香數十里

營盤山 離黑崖底二十里

八大山 在河外山極高寒與普安宣威交界

蘭花營 與普安交界

水城廳株訪冊

卷之二

地理

四三

古克埡 與普安交界

黃渾營 與普安縣交界

轉坡營 營後山名米落坡

鴉牌埡 與普安縣交界

界牌埡 與安南縣交界

八角山 與安南縣交界

烏都河 發源普安下會黃河

清水河 發源宣威下會黃河

九歸營 四面水田今為村落

博古山 與宣威交界

攀枝函 在河北居民因以名村枝皆倒生相傳神民陸姓
移家至此以所持攀枝杖倒插於地曰此地可居則成樹
後果然花開繁茂以驗豐歉無不應攀枝樹或云即木綿
土地坪 在歸集土橋乾隆時土自姪姓至漢道經由靖祝
神佑歸負至此馬陷泥淖中不能前遂祠焉難豚以祭者
無停日左右有松二株六二十圍枝甚繁遠望如叢林云

水城廳採訪冊卷之二

地理門

勝蹟

水城建治僅百有餘年耳縱刻苔剔蘚遍搜巖壑間並無元明以前片辭隻字烏覩所謂古蹟哉然苟有人焉徑闢石門潭尋鉛鉞俾將來者遊眺及之想亦今昔有同情黔書云山皆石則巖洞玲瓏水多潛故井泉勃窣是則禹跡未經鄴道元未注豈竟湮跡於鋒攢鬣列而不一發其靈奇丁煒云遊在遐荒不獲齒遇方幅山靈亦若有不幸又云使得列置中州韻士高流驂履當無停晷則鑿奇闢險以導先聲正自有水城廳採訪冊

卷之二

地理

置

不可緩者

銅鼓硿 在廳署之西南其上曰小瀛洲嘗有人入其中然燭遊半里許得銅鼓出懸南城凌虛閣上聲聞四十里鏗然若洪鐘而音清以越製極精文皆漢篆鏤斑斕不可辨長尺有咫腰畧細口微哆其面圓中有乳突出四旁畧陷輪有絃撞之久而鏽不減洵古物也咸豐間兵燹毀其閣鼓亦裂而硿名銅鼓識者尤艷稱

石龍潭 在城西南三里許中多鯉其上古木有鱗甲狀旁

枝下垂亦糾然若虬而圍圍如蓋垂釣者坐其下恒流連不肯去離潭五丈餘有樹尤古春秋報賽土人恒烹羊宰

牛致祝以數百計旁有石特立昂若龍頭鑄有壁窻字於上曰石龍潭

西清洞 在鴻山麓洞口竹箭森籠林陰茂密近數武亦莫之知循微徑推排而入若棟宇軒敞較此山前後兩洞豁衍犖确迥不同進數十步轉向右平沙貼地可容席五六上透天光下臨陰河以石投之砉然有聲四壁峭立若虬若蛇若糊獠若蝙蝠若蜘蛛怪怪奇奇不可名狀坐少頃冷氣襲人因題壁窻字於壁曰消夏

雲南溝 未建治時吳三桂以雲南兵勦安坤營此今城西田垌中四面濠溝猶存人皆呼為雲南溝云

水城廳採訪冊

卷之二

地理

雲

清華洞 在城東十五里玉和山麓一曰玉和洞進洞口微平可並坐八九人稍進若屏風玲瓏立庭中由旁兩門入石柱森列有若雕鏤者有若古幹者頂邊下垂若虬若雲篆者以數十計兩旁小石室可容榻白石瑩瑩然刻削萬狀敲之皆鏗然有聲然燭層折而上若登浮屠洵勝景也桂林董良相題其左曰清華仙洞須江鄭聯元題其右曰天然南海查乾隆二十七年董良相署廳事乾隆十八年鄭聯元任水城營游擊洞內鑿有方形如匾其所題字跡已磨滅不可識

交水洞 在城西百里兩洞東西相向中隔五六十丈平時

無水久晴將雨西洞之水激射於東或東洞之水激射於西如長虹飲澗匹練拖空府志採入

翠霞山 在歸集羣山中形獨秀松柏溪蘄內有文昌宮雅絕塵寰

水城廳採訪冊

卷之二

地理

四七

水城廳採訪冊卷之二

地理門

關隘

區域有關以別疆界阨塞有關以禦寇盜衝要有關以詰奸究周易云王公設險以守其國思患豫防由來久矣水城雖控制一隅而滇固封守保障資焉省志云四山斬削一水潏洄為羅甸之要區實水西之南蔽言廳治形勢也哉

朝聲教四達樂利咸懷固有不恃深阻以為固者然制勝平時不忘警備用以扼險要而衛

神京遐邇廣陬無殊致矣

水城廳採訪冊

卷之二

地理

四

東路

猴兒關 在崇信里下省大路距城七十里峭壁千尋由峽巖鑿路由折盤旋窄處僅尺許長二十餘里未鑿路時惟猴猴能攀援而上故名同治二年粵匪擁數十萬至此伐樹以塞其路遂不敢進

陡箐 下省大路距城八十里

兩路口 下省大路接郎岱界距城一百三十里又名鴉翅

南路

大垣口 在永順里過普安大路距城十五里

手爬巖 過普安路距城三十里一名狗釣巖

夾耳巖 過普安路

格秋坡 在時豐里過普安路

江坡 在歲檢里黃河內過普安路距城一百二十里路極

險盤旋曲折由河望之如轟雲霄

西路

斗關 距城三十五里在常平里上歲軍路

馬場坡 距城五十里在常平里接歲軍路極險下臨深

澗上出重霄

北路

水城廳株訪冊

卷之二

地理

瓦

馬鬃嶺 在常平里上大定出畢節路距城七十里巉崖峭

削高轟雲霄

上扒瓦 即普察汛距城四十里

下扒瓦 距城三十里

上天生橋 在崇信里省志云在平遠城西百里外有三一

在納恩一在黑騰一在隴騰按納恩者今平遠屬也黑騰

隴騰則今水城屬也省志云在扒瓦汛界橋澗數丈較下

天生橋愈為險峻上連馬鬃嶺下接扒瓦汛水自橋出入

鼠仲河會下天生橋

東南路

下天生橋 在時豐里距城一百二十里通出安南路省志云崖高百丈恍如鑿成上通行人北來之水由總巴河狀流五里至橋洞口西來之水由鼠仲河流至橋洞口二水共會入洞出以別地

黑跨關 距城八十里府志云在水城東南省志云在平遠西一百八十里通岷寧木通者及大定府高崖數十丈以木廂為路僅可一人行下天生橋如棧道之險府志云高三十里山腰懸壁數十丈

花底嶺 距城百一十里嶺高不可計路容一人欹險盤曲阿扎壘 在城東南六十里壘險而寬南北約三十餘里東

水城廳株訪冊

卷之二

地理

五

西約五十餘里壘上山峯層疊土田豐美每歲收田穀山糧不下貳萬石舊有鹽井咸豐間高民雲請開井工匠畢集因苗變乃止又有茶樹一株大可四十圍共壘口三處由白卑河至阿戛入口北由時豐里米羅壘下岔河巖脚寨上頭二道巖至捲洞門有斜紋石南由通仲河牛場至半空捲洞門度橋石壁間有礮子眼三又有小路一在壘之西北由巴浪河脚安沱朶進至壘口有號石一

國初吳三桂兵擊安坤坤敗奔入壘圍攻之不能破壘內有善吹號者屢吹於巖石上暗傳令謂此路賊少可尋徑攀援而上三桂兵聞之遂由此路破壘其礮子眼三即攻壘

所藝藝漢師也府志云路極峻削蓋廳地之至要者

水城廳株訪冊

卷之二

地理

五

水城廳株訪冊卷之二

地理門

津梁

平越之葛鏡橋盤江之鐵鎖橋黔書並紀之一取其心存濟物經百折而不回一取其遠慮深謀見奇險之不足恃大定之總已橋事節之七星橋亦類是蓋黔之西南山川深險即非皇華四牡通王會車書者皆必駕虹腰排雁齒以利涉焉水城之黃河趨普安入粵其扒瓦河趨平遠入烏江兩水分流皆為眾水所歸非舟楫橋梁以濟往來則商旅不行而聲教亦阻各里溪澗雖流狀不一而皆無激頂之虞其間或剗

水城廳株訪冊

卷之二

地理

五三

修或遷修或培修或設義渡或置義田皆理亂所關而守土責也

永順里

步月橋 在城東數十步水色山光淡漾旋繞橋上有亭乘

月登之回望城池天然圖畫令人飄飄作遺世獨立之想

因題其橋曰步月

沉雲橋 在城東祥軍山麓離步月橋百餘步近場墾居人

常浣衣於其下

義濟橋 在長寨

迎送橋 在宛在中央坊前

長寨橋 在宛在中央坊前數十步

頭塘橋

二塘橋

嚮水橋

范家橋 在城東三里許

南門橋

東門橋

丹桂橋 在城西百步外俗呼下土橋

西清橋 俗呼上土橋今與下土橋皆易為石以近西清硯

故名

水城廳株訪冊

卷之二 地理

五十三

松雲橋 在城西松樹坪

婆婆橋 在城西磁多窰

雙龍橋 在城南雙龍井

新橋 過普安路同治十三年修

馬尾橋 在城南馬尾河

巴渡橋 在城南巴渡河

穿硯橋 俗呼天生橋在阿礼堂脚之左

宜祖河渡

木城渡

索橋渡

常干里

以勒橋

扒瓦橋

阿隴渡

阿勒橋

茨冲橋

小河橋

白臘橋

雞鳴橋

俗名雞抓

連山橋

在連山河

水城廳採訪冊

卷之二

地理

書

崇信里

臨岐橋

在兩路口

果偉橋

俗呼羊場犬橋

木底河渡

紅姑渡

罵仲渡

時豐里

阿佐橋

巴浪橋

俗亦呼天生橋在阿札堂脚之右

歲給里

文家橋 在黃河頭

仙人橋

都格渡 過宣威路用溜筒係黃河二渡

野翁渡 係黃河三渡

趙家渡 係黃河四渡

王家渡 係黃河五渡

陰隲渡 過晉安路係黃河六渡

余家渡 係黃河七渡

高家渡 過晉安路係黃河八渡

吳老槍渡 係黃河九渡

水城廳株訪冊

卷之二

地理

五五

小渡口 係黃河十渡

革老渡 即法草渡係黃河十一渡

阿得渡 係黃河十二渡

猴昌河渡 過新城路係黃河十三渡

悅來義渡 即高家渡渡通晉安大道先是渡夫措勒過甚

水平時每渡一人必索錢三四十文不等若遇水漲則多

至二百文外行者苦之光緒二年三月通判陳昌言勸平

匪目姬秉璋具產業歲入租穀五十餘石踩交土目姬秉

桐管理每歲將所入租金給渡夫永為義渡更籌銀貳百

兩分交土目姬秉桐株鳳翔執掌生息以作按年造修船

復及篙竿繩索之費並泐石垂久焉

水城廳採訪冊

卷之二

地理

五十六

水城廳採訪冊卷之二

地理門

原隰

地彈丸而愈僻山聚米以尤多縱有平疇亦同沮洳原無沃野安問膏腴然績奏平成黃壤與赤墳並誌勤宣種場周原偕禹甸同賡觀於載師任土稻人作田利甿勸甿有其政觀稼教稼有所司亦可知畎澮縱橫俱勞區畫溝涂遠近悉費經營矣故即土辨肥磽田分上下而水洊牛鼻壤接龍鱗扶犁值莖葉開時荷鍤在杏花深處覺土膏發潤非同黍谷回春泉脈流香不異桃源入畫已也

水城廳採訪冊

卷之二

地理

五

永順里

水城田塢二塘田塢得烏土塢長四十里寬二里許

石龍土冲長十里寬里許

雙龍井田塢老兔場田塢花魚井田塢上連石龍土冲長十

五里寬里許

巴渡河田塢長二十里寬里許

通眾河田塢長二十里寬里許

阿札壘田塢土冲不一所出田穀山種不下萬餘石

一字河土塢長五里寬里許

滴水巖田塢形如鍋底約半里許

果大胸田塹長五里寬二里

住烏田塹長十里寬半里在城東二十五里

三塊田土塹長三里寬半里

阿大河田塹長十五里寬里許

阿勒河田塹長十里寬里許

農知夏田塹長十里寬半里

磁多窩田塹長三里寬一里

九隴底樂貢底田塹土冲穿插十餘里寬里許

著仲田塹長十里寬里許

喃吡土塹長十里寬里許

水城廳株訪冊

卷之二

地理

七

常平里

阿農田塹長十里寬二里

以勒田塹長八里寬三里

連山河田塹長五里寬里許

底木河田塹長六里寬里許

土角河田塹長四里寬二里

濫塹土塹長十里寬里許

界牌土塹長十二里寬里許

小壘田海姑田長十二里寬里許

崇信里

白泥塘土冲長十里寬五里

落杆田塆長八里寬三里

李暑土塆長四里寬二里

漢文土塆長三里寬二里

木貨田塆長五里寬二里

砗瓦土塆長五里寬二里

大格戛土塆縱橫約三里

雞場土冲順河長二里寬半里

催農田塆長十五里寬五里

比德田塆長二十里寬十里

水城廳株訪冊

卷之二

地理

十九

井紀田塆縱橫約五里

豬場土塆長三里寬半許

茅達田塆長三里寬半許

滙塘田塆長五里寬三里

大土坪長三里寬一里

插入平遠界熊家場田塆長十里寬五里

德柯田塆長二里寬一里

少剛田塆長寬約半

青剛林土塆長二里寬一里

周家洞土塆長里半寬一里

白派戛土埧長二里寬一里

務卜田埧長二里寬半里

桃烏騰土埧長五里寬里許

老挖車田長二里寬半里

白巖脚土長三里寬半里

杉樹脚田縱橫約里許

大探脚土長五里寬二里

平寨田縱橫約五里

以箇土長二里寬一里

時豐里

水城廳株訪冊

卷之二

地理

李

范家寨田長二十里寬二里

天生橋田長五里寬里許

苦李河田長二十里寬半里

猴昌河田長二十里寬半里

雞場田埧縱橫約三里

底射田埧長五里寬一里

發射田埧長三里寬里半

射種田埧長十里寬里半

以中田埧長十里寬一里

坭窩田埧長十里寬一里

小比德土長三里寬一里

白泥土塢長五里寬一里

枸種土長四里寬半里

果波田土沖長五里寬半里

皮匠灣田土塢長十里寬二里

普德田土塢長十里寬半里

阿家克土塢長四里寬一里

乾溝土沖長十五里寬半里

大莫多土長三里寬一里

樑木寨田長三里寬二里

水城廳株訪冊

卷之二

地理

七

巖脚寨田長二里許

桐梓林土長五里寬半里

岑籬田塢長十里寬五里

舒夏箐土長六里寬半里

揸乙土塢長四里寬一里

豹子田塢長二里寬一里

格秋土塢長七里寬二里

阿夏田塢長四里寬二里

奪泥田塢長五里寬半里

潘家溝田長四里寬一里

發那田埧縱橫約六里

白車河田縱橫約三里

馬場土坪縱橫約二里

拾沙埧田縱橫約二里

左天生橋田長三里寬里許

阿佐田埧縱橫約里許

鴨子冲田長六里寬半里

石頭寨土長五里寬一里

木果田埧長五里寬一里

木城田埧長五里寬一里

水城廳株訪冊

卷之二

地理

五

朱家寨田長二里寬一里

法黑天生橋田長四里寬一里

花地天生橋田長四里寬一里

橋打午田長六里寬一里

紅巖田埧長二里寬一里

舍勒田埧縱橫約二里

以那田埧縱橫約一里

橋牛田埧長五里寬一里

打海平基田長三里寬一里

總地坡田土長一里寬半里

難中底梅家丫口土塢長十里寬五里

打夜巖田土長三里寬一里

新寨老埡黃田土長二里寬半

打祀田塢長一里寬半里

以宜田塢長六里寬一里

陸松坪蕭家坪田土長十里寬六里

木科田塢長五里寬三里

阿歪田塢長四里寬二里

波羅田塢縱橫約里許

以羅田塢長五里寬一里

水城廳株訪冊

卷之二

地理

奎

羅邦田塢縱橫約三里

耳甲田塢長四里寬二里

金竹林口長六里寬半里

西克過瓦田長十里寬二里

補干地田土長五里寬一里

化董田土長二里寬一里

歲稔里

姬關營馬場木城田土長十五里寬十里

胖底坡田長十里寬十里

鼠場阿波水塘田土長五里寬五里

都格以翁田土長十五里寬五里
箐口黑座冲土長十五里寬半里

楊梅樹田土長五里寬五里

小裡阿都上下田土長十里寬十里

者夏松林萬家寨田土長十五里寬五里

河外

把坐七盤底柱麻寨田土長十五里寬十里

安探官寨田土長十里寬三里

大冲土長十里寬三里

陰隲波以各寨濫泥寨田土長十里寬五里

水城廳株訪冊

卷之二

地理

畜

以洒牛場羅多營盤壘田土長十里寬五里

高家渡蘭花箐脚泥田土長十五里寬一里

大埡子喜鵲溝阿喜順場田土長十五里寬十里

高規槽的株克田土長十里寬五里

巖頭寨田土長三里寬一里

白黨龍場碗廠平地田土長五里寬三里

以汪田土長十里寬二里

九歸花竹箐炭山紅巖夏泥米籬坡田土長十五里寬十里

法格田土長十五里寬五里

阿德雞場底木河田土長十里寬五里

花水木耳甲場猴昌河田土長十五里寬十里

烏都河字夏田土長十里寬五里

措撥冲土長十里寬一里

海子寨者卡田土長十里寬半里

馬農堂田土長十里寬十里

地理門

邱墓

凡彰德大業精忠偉烈足昭垂不朽者百世下猶將報以馨香俎豆而尸祝廟祀以景慕於無窮况其墓葬地乎此一統志及通省志所不遺乎邱墓也夫沒世無稱古人所恥然即蓋棺論定而猶有諛墓之譏則自歷代帝王陵寢及先聖先賢先儒塋墓而外可書者固寥寥無幾也蓋死士之蟄于菑猶生惟忠孝節烈無愧色焉降以相求雖文章道藝俱窮窮無可稱而繫繫北邱猶令憑弔九原者俯仰歎慨然於墓前亦不少矣

水城廳採訪冊

卷之二

地理

方六

國朝

陳鳳為墓 在城東南十里老兔場距清華洞半里許江西建昌人號桐孫由舉人大挑一等分發貴州補綏陽縣令歲豐乙卯調署水城卸篆後主講鳳池書院丁巳年卒
余慶增墓 在南城外八甲寨蓮義人號芳溪道光庚子科中式第四名舉人大挑二等選訓導辭不赴任丙午應通判陳大興聘王講鳳池書院歷十年卒

水城廳採訪冊卷之三

營建門

城池

野不足以養其民民不足以守其城謂城大而田野狹人民寡者矣水城豈其然高語治安者謂懷德為城被澤為池而不言修繕疏矣弊恐流於簡陋矯其說而廓大恢張謂雉堞不可不在菟鹿隍不可不深邃豈易事哉重門擊柝以禦暴容易何以取諸豫豫則之不豫則廢啟閉之嚴詰奸禁暴之詳且備原不分夫屢狹詩曰公侯干城傳曰衆志成城使人心和樂士氣發揚則其所以安磐石固金湯者初不必仰

水城廳採訪冊

卷之三

營建

一

崇禎臨峻登矣

雍正十年 題建土城厚六尺高一丈周圍三百七十二丈
乾隆二十四年改修石城厚八尺高一丈五尺周圍四百五
十丈計二里五分壕口凡六百四十有八城門三東挹暉南
啟文西景亢鳳池河至城西分為二一繞南城一繞北城會
於城東寬皆五丈餘

水城城圖


水城城圖

卷之三

營建

二

東



西

南

營建

水城廳城池圖說

環城皆山而湖以水名城濠外四面皆平田也歲夏雨久溪流暴漲則水高數尺人行路在出沒隱見間而田塍皆沒上下數十里森森然若湖海此水城所由名也歲豐時粵匪由威寧路至城西近雲南溝當先兩騎陷泥淖中不得出遂殺馬繞道適當秋冬水落時若塞其下流亦儲蓄防止而成巨浸泥淖深者不可測淺亦未可以騰躍又名荷城者奈何城小而圓若荷浮水上濠間多種菱菱花開時爛然照人目今遍種荷名實符也

光緒元年春通判陳昌言重修三城樓東春熙題曰關迎紫氣南嚮化題曰風濤禹甸西柱營題曰水月光澄樓皆兩層每層高丈有六中為廳旁各兩室輪奐改觀而固以磚石通計費用壹千零五拾有五緡

水城廳株訪冊卷之三

營建門

公署

松栝雲牖窻乎尚已為卑宮室而峻宇雕牆述以為戒故刻
換丹楹禮為賢大夫識焉夫職在親民而重門深遠徒美輪
美奐以安燕息則豐其屋者非綢繆未雨幾費經營而垣墉
塗茨不加修整令羽翹尾脩卒歎飄搖則剝其廬者亦非易
繫辭曰上棟下宇以待風雨蓋取諸大壯壯者壯也將以蒞
人民會賓客而無以壯觀瞻彼視官廨為傳舍而因陋就簡
以為安者大抵類是縱草靜花閒翛然琴鶴而馬到空階意

水城廳株訪冊

卷之三

營建

五

鳴破竈柴積膠粘漫於霖雨窓樞龜坼破乎秋風抑亦隘甚
夫嘗聞情於柱笏幕並開蓮樹雅望於投壺營皆屯柳况書
懸象魏扶杖者熙熙而來酒進兕觥稱觴者攘攘而至則自
堂度筵室度几以及息有樹風有軒君子攸躋列彛祭託庇
楹非獨有覺臺自共登春矣

通判署

在西城坐東北向西南自建治迄今百四十餘年廳堂寢室
傾折過半溝渠復填塞值雨暴漲署中出入皆為水阻光緒
元年通判陳昌言稟請重修其款則太甚而棟柱已朽者若
大堂若上房若客廳若船房若小花廳若走廊若籤押房若

門房若各吏書卷所若轅門則改修焉其已經傾卸若棋
枰若樂樓若衙神祠若監禁若差房其未經營造若押保所
若環翠亭若蓮池若伴鹿亭則增修焉其傾折未甚尚堪補
葺者若二堂若袍廳若儀門若頭門若書房若賬房若倉神
祠若倉廩廚殿水道甬牆及倉更夫所則培修焉通計甃瓦
木石費用貳千零伍百有十緡


人武惠米方冊
卷之三
營建

六

廳署全圖

人武惠米方冊
卷之三
營建

七



通計改修公堂三間中門額恭錄

清慎勤三字中庭額恭錄

天理國法人情六字

改修門房及籤押房各四間在大堂左右

培修二堂三間在公堂後

培修抱廳一間在二堂前

培修書房各兩間在二堂左右

培修傳房三間在二堂左

改修傳房三間在二堂右

改修會客廳三間在二堂右

改修走廊左右各三間在會客廳前

改修花廳二間在會客廳後

增修伴鹿亭在會客廳右

增修蓮池在小瀛洲下

增修環翠亭

改修上房五間在二堂後

培修賬房五間在二堂後

培修大廚房五間在二堂左

培修小廚房三間在二堂右

培修養馬房五間在二堂左

水城廳株訪冊

卷之三

營建

九

培修倉廩共三十有三間

培修倉夫更夫馬夫所各三間

培修倉神祠三間在射圃右

增修衙神祠三間在署右銅鼓洞側

增修押保所四間在衙神祠左右

改修吏房三間在公堂右

改修戶房三間

改修禮房三間

改修兵房三間在公堂左

改修刑房三間

改修工房三間

改修承發房三間

培修儀門三間

培修差房三間

增修差班所三間在押保所前

培修頭門三間

改修樂樓左右各一間

改修枷班房前後六間

改修監禁前後共六間

改修棋杆二株

水城廳株訪冊

卷之三

營建

十

培修甬橋一壁

改修轅門東西各一柵

照磨署

在南城

水城營遊擊署

在東城基址甚濶所修舍舍因歷年久存十之一二

水城營守備署

二遊擊署左

水城營千總署

在南城惟基址尚在

演武廳

在城東較場

接官廳

在城東宛在中央坊側

東門堆卡三間

南門堆卡三間

西門堆卡三間

中城堆卡三間

水城廳採訪冊

卷之三

營建

十一

水城廳採訪冊卷之三

營建門

壇廟

唐宋之所謂鬼國即商周之所謂鬼方歷數千年而俗猶好鬼雖曰積習使然抑亦禮教未孚耳然全黔皆祀南霽雲以其親黜而稱之曰黑神明安堯臣立郭青螺祠於大方與武鄉侯漢壽亭侯鼎足而三豈徃於其俗者所能為哉書曰皇帝哀矜庶戮之不辜報虐以威遏絕苗民無世在下乃命重黎絕地天通罔有降格羅鬼之俗毋乃重黎所絕歟抑託淫昏以相蠱惑而其慳慳不昧者固未嘗或息歟傳曰以死勤

水城廳採訪冊

卷之三

營建

十三

事則祀之以勞定國則祀之能禦大災則祀之能捍大患則祀之黔通志云貴陽壬戌之圍城垂陷守陴者哭賊忽見旌麾甲馬布列城上乃不敢入則南公之能為民捍患昭昭然矣南公范陽人也為唐名將射賊將尹子奇喪其右目及奇復圍睢陽城中食盡張巡命公犯圍出告急於臨淮賀蘭進明愛公勇壯具食延之公曰睢陽之人不食月餘矣霽雲雖欲獨食且不下咽大夫坐擁疆兵曾無分災救患之義豈忠臣義士之所為乎因嚼落一指以示進明曰霽雲既不能達主將之意請留一指以示信偉矣哉宜其聰明正直大有功德於民而血食至數百年足與漢前將軍神武祠並峙於黔

南矣名宦志載其子名承嗣者為清江太守歷發施培三州多善政黔之民愛其子而俎豆馨香以祀其父南公之忠蹟唐書與張巡同傳至今讀之猶凜凜有生氣豈必待其子而後廟食千秋乎而黔民愛戴之忱固有出於不自己者安氏懷郭青螺之德而為之立祠與其前之人世世祠武鄉侯固無異今讀其碑記曰德有厚薄懷有淺深尸而祝之社而稷之春秋俎豆其懷也淺郭公曰忠順宣慰亦化而忠順無忤織毫郭公曰仁厚宣慰亦化而仁厚無殞蠕蚘仁義道德之懷其懷也深由此觀之羅鬼之俗豈真好鬼歟我

朝祀事孔明凡府廳州縣固皆恪將於無懈而禮樂衣冠蒸為

水城廳採訪冊

卷之三

營建

十三

雅化亦於此可明徵矣

社稷壇

神壇築於城之南郊面北地廣袤二畝有奇方二丈五尺高二尺四寸出陛各三級壇前九丈五尺東南西南五尺周繞以牆石主長二尺五寸方一尺埋於壇上正中近南二尺五寸露圓尖於外

神牌以木為之高二尺五寸濶四寸五分座高四寸五分濶八寸五分朱漆青字祭畢藏之一書水城廳社之神居東一書水城廳稷之神居西每歲仲春仲秋上戊日致祭

風雲雷雨山川壇

神壇制與社稷壇同無石主築於城之北郊面南
神牌與社稷之神同一書風雲雷雨之神居中心一書水城境
內山川之神居左一書水城廳城隍之神居右每歲仲春仲
秋上戊日致祭

先農壇

建壇於治所東郊壇高四尺一寸寬二丈五尺壇後建正房
三間配房各一間正房中間供奉神牌東間存貯祭器農具
西間收貯藉田米穀配房東間置辦祭品西間令看守農氏
居住藉田四畝九分壇廟藉田之外周圍築土為牆門南向
神牌與社稷同紅牌金字填寫先農之神每歲仲春辛亥致祭

水城廳株訪冊

卷之三

營建

十四

耕藉

耕藉正印官秉耒佐貳執青箱播種農夫扶犁三推三返畢
文武官率農夫望

闕行三跪九叩禮

耕藉樂章附

迎神樂奏永豐之章

句芒秉令土牛是驅天下一人蒼龍駕車念彼田疇民命所
需生民有德尚式臨諸

奠帛初獻奏時豐之章

先農神哉耒耜教民田祖靈哉稼穡是親功德深厚天地同

仁肅將幣帛肇舉明禋厥初生民萬彙莫辨神錫之庥嘉種
乃誕執茲禮齊農功益見玉瓚椒醕肅雍舉奠
亞獻樂奏咸豐之章

上原下隕百穀盈止粒我蒸民秀良興起樂舞具備吹竽稱
咒再躋以獻肴馨酒旨

終獻奏大豐之章

摩鬯秬秠維神所貽以神饗神曰予將之秉耒三推東作允
宜五風十雨率土何私

撤饌樂奏屢豐之章

於皇農事自古為烈莫敢不承今茲忻悅籩豆既豐蓋簋云

水城廳採訪冊

卷之三

營建

十五

潔神視并疆執事告徹

送神樂奏報豐之章

庠麥芄芄旂稻連阡縱橫萬里皆神所瞻人歌鼓腹史載有
年歲有常典第禋綿延

望瘞樂奏慶豐之章

玉版蒼帛來監來歆敬之重之藏於厚深典禮由古予行至
今樂之利之國以永寧

雩壇

每歲孟夏舉行常雩禮不另立壇即於

先農壇行禮並合祀

社稷山川雲師雨師風伯雷師各神牌位

歲旱祭雩祈雨澇則禱祭城門祈晴

八蜡壇

部議附祭於先農不另立壇祠

關聖帝君廟

在廳治之南薰街左右門各一

正門三間

前殿三間東西廡各三間燎爐一

後殿三間

副朝迭次

水城廳株訪冊

卷之三 營建

十六

詔加尊號統為忠義神武靈佑仁勇威顯護國保民精誠關聖
帝君

御賜匾額為世人極

聖帝靈蹟燦著於累朝者悉數之不能罄蓋千古大經大法不
外倫常秉天地正氣而生者其精誠恆固結英解而發越於
無窮故即與乾坤合機與陰陽合德與二曜合其明與四時
合其序而振聳啟聵體物不遺燭微察幽容光必照要不外
維持夫名教唐宋以來所加封號若蓋天古佛若伏魔大帝
人皆知之矣

親秩敘典禮以王號佛號未盡得宜且以塑像為藝而迭晉尊

號春秋兩祭升入中祀樂用六成舞用八佾每歲五月十三
通行慶祝凡以示尊崇明敬畏也

神牌與孔廟同朱地金書

崇聖祠即後殿

初封公爵晉封王爵

曾祖光昭王

祖裕昌王

父成忠王

儀與前殿同

火神廟

水城廳株訪冊

卷之三

營建

志

在東城外忠恕街

龍神祠

在北城見龍潭前

忠烈宮

在東城外忠烈街

同治間苗匪迭次撲城皆得

神捍衛之力尤足異者九年二月十一夜下河苗匪襲至意欲

出城防不意遂由各門乘隙直入及天明賊始知登城木梯

皆立在廟牆外蓋誤以廟牆為城牆也賊去後復令奸細先

入城及臘月十五日賊突至其親信奔城下投誠繼以上口

稱奸細姓黃並指識其貌約在北城濠淺處內外聲應殺守
降者以入皆

神遣之使吐實也通判袁開第申詳防局發銀叁百兩至荷以
培修 殿宇

桓侯廟

在東城外忠恕街

句芒之祀

先立春一日長官朝服率僚屬於東郊祀句芒之神禮畢迎
春歸駐署儀門外至日各官朝服祭句芒用牲果酒醴四拜
禮畢長官擊鼓三聲執綵鞭率各官環擊土牛者三鄉人各

水城廳株訪冊

卷之三

營建

十六

取其土以為宜年

城隍祠

在東城桂芳街

蕭公生祠

在東城城隍祠內右廡

屬壇

每年以三月清明七月十五日十月朔一日凡三祭祭時迎
城隍神像於壇上以主其祭另用紙多書無祀鬼神等衆牌
位立於壇下左右傳集佛道兩司執其事

川主宮

附文昌宮右牆黔蜀接壤故並祀之秦蜀郡太守李冰使其子二郎鑿山穿江有功蜀地雍正初

勅封冰為敷澤興濟通佑王

封其子二郎神為承績廣惠顯英王

呂真君祠

附文昌宮奎閣右廳西向嘉慶十一年奉文崇祀每歲二月初四八月初四致祭

昭忠祠

在城內南薰街

已經詳報

水城廳株訪冊

卷之三

營建

十九

題請入祀昭忠祠陣亡兵弁團丁姓名

千總鄒文 祀總楊宗貴 殷登朝 王家發 何玉鳳

外委萬國榮 劉紹本 額外何國美 武舉楊國珍

護水城營遊擊劉雲山 署祀總曾聯科

出師廣西江西興義銅仁達州金川緬甸陣亡兵勇

李元 劉慶恩 夏德芳 王玉升 郭榮發 國瑞

余興 金如貴 陳聰 岳德明 陳興 吳貴

李發先 陳學才 蔡士元 劉文玉 劉洪祥 龔林德

廖士楷 陳榮 金祥 鄭云貴 羅發 陳進

夏士惠 單攀鳳 潘文玉 傅陞 胡元 王榮

李天榮 勾朝聖 劉升 吳連 傅廷兆 劉升

胡正魁 劉國奇 楊啟貴 閔亮 殷德富 黃士仁

蔣維平 閔正國 楊洪德 陳瑄 郭應鳳 蔣維義

楊啟雲 張士佐 王玉奉 胡正德 嚴文龍 呂正倫

李升 謝榮 王世太 熊學林 龍正魁 唐士亮

吳文發 朱德貴 李云 賀成凡 蕭世祥 王魚

蕭燦 李明 陳松 趙光林 林開良 朱正磅

金貴 吳玉發 林耀龍 王玉錫 莫長勝 周洪發

石廷珮 張廷槐 陳興盛 劉應發 何廷棟 左森枝

李發春 王貴 郭文元 林發祥 鄭連陞 楊發貴

水城廳株訪冊

卷之三 營建

羅上發 楊賜貴 羅玉貴 袁光明 潘有年 陳發貴

劉玉發 鍾玉祥 傅萬順 石遠芳 金開印 簡洪順

王學純 黃國棟 楊洪順 劉永順 李玉春 劉慶雲

單體元 錢國才 華登亮 林萬金 沈正治 郭文發

周鳴鳳 聶茂田 田萬發 陳大興 賀崇科 吳玉春

王永興 尹和興 謝維發 賴洪順 劉照福 劉永明

劉建亭 施文彬 丁國瑞 鄒繼昌

咸豐十一年至同治十年堵勒苗匪廳屬陣亡團丁紳耆

梅品高 蕭香 年安世 殷貴朝 孫老富 郭興成

楊芳萃 沈濬 嚴述典 龍節枝 龍忠納 左洪恩

左逢恩 陳忠義 范和觀 馬盛忠 王玉升 謝明亮
安慶雲 顏如松 楊景春 范和衷 蕭必宴 嚴朝棟
吳鎮川 楊華春 安建中 張必達 李森然 李松生
姬化南 張洪恩 蕭芬林 蕭上林 蕭湛林 蕭廷聰
陣亡園民

王老五 殷老五 李華將 范光慶 袁喬保 胡苟二
張公今 張士朝 張士 陳簡得 鄧三三 胡苗子
王登廷 李三苟 郭瓊連 李士貴 朱老二 蕭宗旦
蕭必廷 蕭必林 蕭郁林 蕭立鼎 趙國祥 凌一心
白玉貴 白開泰 張永興 張龍壽 張福壽 王發俊

水城廳株訪冊

卷之三

營建

三

真老四 年老四 李貞連 趙如元 郭元元 胡四六
蔡小福 蔡三元 何起鷗 雷興國 艾國棟 吳遇緣
龍忠全 龍玉秀 龍貴秀 龍帶弟 龍祖庚 龍祖勝
龍春香 龍節智 龍元發 龍元二 龍元弟 龍多弟
龍玉宗 龍林宗 龍連清 龍永清 龍福清 龍節名
龍老角 龍祥二 龍小晉 龍仕節 龍神保 龍小隆
龍六弟 龍祖發 龍金全 龍恩元 龍恩二 龍春壽
教澤宣 教奚靈 教老二 教老公 教小五 李祖安
李祖勝 李麻四 李老大 李老二 鄧陽發 范林貴
范老大 范老二 賀苗四 賀苗五 賀苗六 吳平安

趙老大 趙老二 趙二胖 蔣天喜 楊小林 舒老喬

李老九 李老妹 李老么 徐小七 王麻四 尹開祥

尹德六 尹小苗 楊發萬 李新發 尚尖頭 舒元二

王國二 王國三 李中秋 李發順 劉老發 劉老么

李小貴 楊二 范和清 范宗發 范和新 范老三

李二瞎子 張長貴 蔣二駝背 楊奉賓 楊五 李小四

雷四保 蔣天發 蔣天然 嚴石壽 張三 顧老大

蔣老六 石祥老 聶老么 趙三 張長發 張小鳳

楊草萊 陳老五 舒老十 黃老么 陸老四 陸福保

楊猴猴 楊青林 周老五 楊老訓 王喬保 龍玉潤

水城廳株訪冊

卷之三

營建

五

龍潤林 王老四 金二苟 曹二 孫興貴 楊登朝

安天德 安德昌 陸宗發 安三么 陸么么 王長元

石老四 王天奉 蔣老大 李學文 黃才禮 黃老二

黃老三 黃桂枝 黃桂林 黃國發 黃老二 黃小二

李建貴 鄧文華 趙老同 陳禿禿 安國賢 冉曉萃

萬長生 鄒朝元 李壽受 聶春生 聶老二 蔣老四

蔣玉春 趙麻二 石鳳 石苗么 石金貴 石陳貴

石老二 趙老三 趙長生 趙冬元 張國儒 張三勛

趙金林 宋三 宋小苟 石四勛 陳大發 傅毛苟

張麻二 管老大 熊金元 熊苗子 朱爾鳳 鄧重陽

楊明弟 楊老二 王小六 楊開諾 楊品才 楊小八

楊老二 楊小苟 楊朝賓 楊青才 楊發貴 楊富才

楊老三 楊老五 陸位枝 陸老二 安老大

楊三升 路保保 楊阿公 李期富 小來貴 姬連喜

楊相章 李小六 羅媽雍 譚興有 謝大品 安建章

安建品 安三公 孝 塢 仲 保 楊阿文 楊得貴

楊得勝 楊老么 嚴金忠 孔喬發 金 二 金 元

劉連升 劉毡匠 徐連科 吳掌貴 吳老大 吳老二

徐老四 孫敬亭 徐老大 孫長生 陳阿富 祿老二

祿福英 吳富賢 吳喬貴 吳老三 徐老大 吳大三

水城廳採訪冊

卷之三

營建

三

徐老二 徐老三 徐老四 徐五八 徐五十二 張 貴

張得新 徐老二 徐得貴 顧趕生 劉鳳朝 劉銀貞

劉老三 祿六斤 安二胖 安老大 徐元元 張老三

楊禮付 楊得富 陸期毋 曹老三 張大順 張則保

劉正發 劉連二 蔣老么 蔣小然 殷金富 趙保保

陳麻子 楊二狗 陳二薰 李士貴 王玉順 嚴清應

嚴老二 金老三 段恩佑 李油匠 趙光宗 趙三管事

蘇玉松 蘇老二 蘇老三 何敏岐 何維金 何維一

何老么 何敏效 何維忠 何敏沈 何六甲 何敏果

何小林 何小觀 何小陶 何小奎 曾麻子 曾觀元

曾六一 曾老大 曾秀秀 何玉貞 陳洪元 陳麻子

陳九九 陳老三 陳七弟 楊小九 楊小八 楊三棧

李老四 李貴有 李月月 資觀壽 資老四 宋老二

宋老三 宋老八 宋老七 宋小吉 宋四經 宋老二

宋貴發 何維亮 何維鼎 徐廷佑 廖老八 溫昌大

顧昌元 顧萬春 曾連湖 趙麻二 吳癸卯 吳老公

蕭重陽 趙老三 李二 唐老四 龍老三 李老公

楊老滿 陳大明 蕭應科 張百順 袁白壽 黃老五

李老五 余老五 戴二妹 王二 何十富 楊發貴

高玉英 楊會元 陳老公 苗老公 鄭老五 徐閨七

水城廳株訪冊 卷之三 營建 富

王小六 王丙寅 趙四妹 祝老大 楊麻二 楊老八

張沙富 何金喬 劉團鳳 王老四 王小六 王二

王天華 楊石匠 楊茂庭 徐閨喜 王炳哥 鄭老五

王老六 袁太亨 董二 熊連陞 張老大 周老十

咸豐十一年至同治十年廳屬殉難婦女

宋蔡氏 范嚴氏 范蔣氏 范杜氏 鄧羅氏 蕭張氏

蕭張氏 蕭周氏 常蔡氏 李王氏 李雙妹 楊陸氏

龍范氏 龍吳氏 龍楊氏 龍祝氏 龍鄧氏 龍鄧氏

龍卯氏 龍黃氏 龍五妹 龍六妹 龍楊氏 龍高氏

龍范氏 龍李氏 龍范氏 龍七妹 龍喚妹 龍公妹

龍彭氏 龍郭氏 龍彭氏 龍王氏 敖龍氏 李龍氏

鄧吳氏 鄧龍氏 范葉氏 敖龍氏 賀李氏 吳李氏

敖龍氏 李高氏 李孫氏 安陸氏 姬陸氏 郭李氏

吳胡氏 郭塵氏 繆陳氏 郭李氏 郭楊氏 李潘氏

黃范氏 黃萬氏 黃喬妹 黃中妹 黃二喬 黃三喬

黃徐氏 冉費氏 冉毛氏 萬和氏 萬馮氏 劉萬氏

劉二妹 游陳氏 周蕭氏 趙黃氏 顏周氏 顏小翠

顏二妹 陸劉氏 陸大妹 陸二妹 余劉氏 余顧氏

聶曾氏 聶管氏 蔣小妹 石王氏 張李氏 趙吳氏

趙秋貴 趙大妹 趙二妹 趙陳氏 張石氏 張王氏

水城廳株訪冊 卷之三 營建 三五

張妹妹 小春妹 楊鄧氏 楊胡氏 楊鄧氏 楊范氏

楊李氏 楊傅氏 陸安氏 安陸氏 銀喜 楊小鳳

姬龍氏 夏連 趙張氏 陸安氏 安陸氏 小安妹

楊楊氏 楊氏 李張氏 李氏 嚴劉氏 嚴石氏

嚴胡氏 黃嚴氏 鄧嚴氏 嚴三喜 嚴三妹 劉周氏

戴劉氏 任沈氏 任黃氏 戴任氏 丁任氏 羅龍氏

劉羅氏 劉丁氏 嚴張氏 嚴胡氏 黃羅氏 陸龔氏

金張氏 孫黃氏 孫段氏 段小妹 孫小銀 孫么妹

孫徐氏 孫小妹 張保保 顧虛氏 顧小秋 顧小受

劉岑氏 劉唐氏 安陸氏 盧安氏 孔陳氏 金何氏

徐妹 徐公 徐劉氏 蔣范氏 嚴季氏 何鄧氏
何顏氏 何劉氏 何林氏 何楊氏 陳何氏 顏何氏
謝何氏 顏何氏 蔣何氏 彭何氏 曾何氏 劉何氏
楊何氏 李劉氏 吳盧氏 方王氏 黃楊氏 胡黃氏
黃李氏 陳小妹 李三妹 楊妹 楊苗妹 陳妹
陳金妹 陳二娃 陳二妹 張二妹 熊長鳳 皮曹氏
皮小妹 吳銀妹 李金妹 潘妹 張馮氏 陳招弟
謝么妹 謝大妹 張李氏 陳桂枝 陳胡氏 陳袁氏
吳劉氏 劉張氏 鄧陳氏 鄧李氏 李皮氏
咸豐十一年至同治十年未經

水城廳株訪冊

卷之三

營建

庚

題請陣亡團勇

安達勳 安萬國 陸期五 潘慕祖 陳老五 陸正貴
陸萃喬 安紹祖 安天德 安慶春 安木業 安具具
安德聰 安小法 安老三 安興榮 楊順保 曾念興
余喬弟 陳老三 姜興義 黃紹安 李朝玉 馬盛玉
郭長受 李老三 王文玉 王成海 李老五 熊小苟
郭老公 楊初一 張二保 羅金貴 高榮 汪明芳
高升升 劉永清 劉大賓 龍得友 謝仁恩 張文鳳
呂榮發 呂應龍 張秉忠 尹自隆 李起順 王起發
張友龍 潘天德 孔耀亭 張正春 姜桂芳 蔡紹榮

李習初 李慶榮 顧草春

水城廳株訪冊

卷之三

營建

二十七

水城廳採訪冊卷之三

營建門

街坊

列闈闔而居其間蕩蕩平平往來絡繹者謂之街或柱或石牌列於街衢而或題某遺蹟遺踪或題某故宅故里或通衢大道名山都會而題其名勝或題其忠孝節義官爵科第是皆謂之坊與衰啞寂原無定軌以偏隅僻壤而畧焉不復詳疏且隘矣若養濟院及棲流育嬰等所又皆體裁

聖朝子惠元元之惠而深望良司牧維持保護於勿衰者矣即各服先疇各勤本業俯仰作息初無饜飧不繼之虞而老有

水城廳採訪冊

卷之三

營建

二十六

所終幼有所養老可不先事預防以補夫天人之缺憾則其法其數正不容不覲縷詳之矣

城內

東華街

中大街

鳳翔街 俗呼書院街

照磨街 俗呼為下堂街

南薰街

西成街

龍碕街

桂芳街 在城北

奎光街 桂芳街小巷

玉帶街 中大街小巷

馬騰街 俗呼馬兵街

轉西街 南薰街小巷

城外

回龍街 街口有回龍閣咸豐時為苗匪所燬

忠恕街 俗呼十字街

忠烈街 黑神廟在其街故名

崇文街 在崇文山麓故名

水城廳採訪冊

卷之三

營建

五

洗馬街 街前有水溝道光二十七年洗馬潭水溢深流街

房三十餘間街紳曾學仲募費捐資鑿石修夾溝百餘丈

底皆砌石又修小平橋四所往來得其便而水亦無汎濫

之虞俗呼半邊街

井水街 井在田渠中忠恕崇文兩街尾居民食其水

長興街 進城路口俗呼長寨街

牌坊

宛在中夾坊 在接官廳旁

節孝坊 在蛟場 旌表處士李國雄之妻歐陽氏節孝

坊今圮

養濟院

原設在面旗外馬鞍山脚房三間咸豐時為苗匪所燬計額設孤貧共十名外設孤貧共十名

水城廳株訪冊

卷之三

營建

十

水城廳採訪冊卷之三

營建門

場寨

陳布帛肆珠玉以繳軍日以慢障雨熙熙攘攘往來交易於趕集之會謂之場或結屋高岡或開軒平陸編竹箭以固其籬圍樹條而塗其壁既棟宇雲連鄰分左右亦茅簷風暖戶啟東南若是者謂之寨而其所烹羊宰牛尸祝而廟祀之者則各場之祠宇遭變以來流離轉徙今雖樂言旋歌作堵而聚散寂喧不無今昔之感身為民父母覩屋舍參差炊煙遠近覺所欲興聚所惡勿施有怍怍然動於不自己者

水城廳採訪冊

卷之三

營建

三

永順里場市

場塢 雜城半里許銅鑼鉛布來往喧闐廳治菁華萃於此焉

場塢廟宇

萬壽宮

協天宮

禹王廟

桓侯廟

廣平宮

黃州會館

觀音閣 在萬壽宮內

龍王廟 在冬青井

德烏場 在城西二十里

德烏廟宇

關聖宮

文閣

萬福場 府志云距城二十里寅日集

清溪場 在城南四十里俗呼濫填場

通泉場

楠柏場 俗呼喃吡場

水城廳株訪冊

卷之三 營建

三

楠柏廟宇

關聖宮

觀音寺

常平里場市

福集場 在城東四十里

連山場 俗呼猪場在城北四十里

來地場 俗呼董地場在城東六十里

至中場 俗呼茨冲場

至中廟宇

觀音寺

普察場 俗呼上扒瓦

普察廟宇

關聖宮

忠烈宮

鹽沙場 府志作嚴沙河距城四十里未自集

崇信里場市

德化場 俗呼鮮瓦難場在城東一百八十里

德化廟宇

觀音廟

和合場 俗呼木貨馬場在城東一百七十里

水城廳採訪冊

卷之三 營建

三

桃園場 在城東一百一十里

多福場 俗呼座脚猴場在城東一百八十里

靡過場 俗呼以箇馬場在城北九十里

和睦場 俗呼果偉羊場在城北百二十里

照乘場 俗呼趙家猪場在城東九十里

時豐里場市

興發場 俗呼阿夏在城南九十里

興發場廟宇

忠烈宮

綺羅場 俗呼米籬在城南九十里

綺羅場廟宇

黑神廟

柏車場 俗呼白車河府志載入常平里

柏車廟宇

關聖廟

萬壽宮

以忠場 在城南百四十里

婆心場 俗呼老婆場

黑跨場

黑跨廟宇

水城廳株訪冊

卷之三

營建

三

關帝廟 在城東百二十里

保合場 俗呼老挖場在城東百八十里

富有場 俗呼簪口在城東百四十里

壽佛場 俗呼阿女在城東百八十里

壽佛場廟宇

壽佛寺

萬壽宮

阿佐場 在城東七十里

阿佐廟宇

黑神廟

高簡場 俗呼高視槽豬場

高簡場廟宇

忠烈宮

歲稔里場市

陽回場 俗呼場梅樹

陽回場廟宇

梓潼宮

觀音閣

雞冠場 在城南百二十里一作姬官

觀美場 俗呼觀嶺馬場

水城廳株訪冊

卷之三

營建

三五

觀美場廟宇

關聖宮

五顯廟

歸集場 俗呼茫底豬場

歸集廟宇

黑神廟

果睦場 府志作標太距城百二十里亥日集

大寨廟宇

忠烈宮

和皂場 俗呼皮匠場

和党場廟

觀音堂

月朗場 俗呼白黨龍場

嘉德場 俗呼阿德雞場

都格場 府志云距城百里巳日集

喜順場 在城南百八十里

聚奎場 俗呼九歸馬場

且格場 俗呼法羊馬場

村寨

永順里一甲

水城廳株訪冊

卷之三

營建

三六

范家寨 杜家寨 箐口寨 巖脚寨 果木寨 坐口寨

大坪寨 鹽井寨 磋多窩 三塊田

永順里二甲

雙龍井 石龍寨 簸箕寨 萬福寨 路馬擺 灣子寨

乾水井 松樹坪 王家寨 硯口寨 麻窩寨

永順里三甲

馬鞍山 阿姑寨 杉樹林 八家寨 舊官寨 周家寨

趙家寨 場坝寨 大山脚

永順里四甲

坪寨 小田坝 杜家寨 磨石溝 法大寨 夾溝寨

馬家寨 撮箕灣

永順里五甲

通眾寨 顏家寨 王家寨 花魚井 裸木寨 石板寨

侯家寨 阿次夏 錫那車

永順里六甲

阿大河 濃支寨 濃支夏 以個 阿賴寨 馬家寨

張家寨 黃家寨 挖仲寨 坡夏

永順里七甲

上鐘山 得鳥寨 川心寨 草蓋瓦 朱家寨 蔡家寨

王家寨 媽夏寨 暑仲寨 箐脚寨

水城廳株訪冊

卷之三

營建

五

永順里八甲

熊家寨 三家寨 苗寨 田家寨 石頭寨 楊家寨

甘夷寨

永順里九甲

以舍寨 革木底 額舒 稿脚 朵比 暮樂 油炸房

法都克 杓命寨 阿大

永順里十甲

夕陽寨 以朵 注武 偏坡 嚴家寨 巴巴店

徐家寨 响水巖

常平里一甲

以都古 陳家寨 那幾克 松杉寨 弄繼克

常平里二甲

劉家寨 法踏 殺家寨 阿農河 扈著 包包寨

以扒 鄉約寨 大坪子 雁鵝寨 王家寨

常平里三甲

潘種 類書 以遮 索圍 豹裏 庇車

嚴山河

常平里四甲

賢仲 土角 得只 太平 安家寨 媽隴克

扒哆寨 先居落

水城廳株訪冊 卷之三 營建

庚

常平里五甲

偏坡 株黑古 亥仲 劉家寨 何家寨 左家寨

楊柳灣

常平里六甲

界牌 善居落 巖脚寨 黑枯 大寨足 小寨足

仲家寨 小壘 坪街子 松瓦窰

常平里七甲

白臚寨 張家寨 李家寨 杓董 五所寨 董地坪

龍潭口 以松寨 石板寨

常平里八甲

蔣家寨 錢衝 茨衝 高壩 苗寨 嚴家寨

小河 陡箐

常平里九甲

倉脚 扒瓦 籠支夏 莫裸 平子寨 安家寨

夏那 馬鬃嶺 者裸

常平里十甲

滅戈 高規槽 媽隴克 黃家寨 小媽夏 祿家寨

小苗寨

崇信里一甲

白泥塘 你疏寨 落處 法起 白溪 新夕寨

水城廳株訪冊 卷之三

營建

三九

木底寨 核桃寨

崇信里二甲

絳瓦 蓑衣溝 以角細 以角你 你農 小苗寨

洞口 木貨

崇信里三甲

沙鍋寨 巖脚寨 克夏 大苗寨 七家寨 趙家寨

猴兒寨 羊場寨

崇信里四甲

催巷 箐口 草老 官寨 胡家寨 種稼寨

楊花寨 李花寨 勒額

崇信里五甲

比德 吳家寨 羊夏 楊家寨 堰塘寨 趙家場

杓期 你巫 法起 化樂 余家寨 大寨

安羅寨 馬家寨 紫都寨

崇信里六甲

大石板 小石板 五株寨 格腦 果篤 熊加寨

下塘 眾加寨

崇信里七甲

務上 紹崗 白宜夏 仲加寨 得科 坐窩

打野巖 打野溝

水城廳株訪冊

卷之三

營連

甲

崇信里八甲

老鴉車 桃王 新屋基 瑤寨 黃茅寨 羊嘉寨

杉樹寨 羊家寨 劉家寨

崇信里九甲

樑砧寨 樑石寨 綬石下寨 果泥 岑足寨 麻木寨

義仲 照嘉寨

崇信里十甲

以個寨 黃土胯 杓橋 書嫁寨 雙兒寨 重樑寨

補都 丁家寨 平寨 啞口 也个營

時豐里一甲

比且 夏探 獨暮 新寨 法舍朝 李家寨
鄧家寨 作賓寨

時豐里二甲

基長砌 白米寨 木札 以那 永嘉 務左

樂邦田 勝宜 宜醬灣

時豐里三甲

德宜寨 洽宜寨 五村古 泥壘 板房寨 地拱寨

百儀古 音沽克 小比德

時豐里四甲

王家寨 鋪台 阿開 草子衝 火木朵 書家寨

水城廳株訪冊

卷之三

營建

三

已因河 小米地 你起涌 安多 油炸房

時豐里五甲

歸園 百宜 以忠 四方井 錐子窰 法宜

蘇夏 捨紀 板板房 胡蘆克

時豐里六甲

蓮種 永誇寨 苦蒜地 潘家溝 奪宜 阿夏

法那 榎松者 阿志 阿佐 達寨 補那

排松寨 老鴉寨

時豐里七甲

法射的 鴨子涌 婆心場 朱華寨 天生橋 成家寨

生涯寨 夏木 星寨 花地

時豐里八甲

洞山寨 月光寨 馬躍巖 木料 溪納 蕭家坪

綠松坪 阿基寨 打把 打野寨 阿女

時豐里九甲

米裸 梧檳寨 李家寨 朽米 勒且 楓香寨

同嘉 花餘寨 火標 銅廠坡 裸不獨 皆足

安齊

時豐里十甲

阿禩 累裸 紅巖 小紅巖 吳克 栗瓦

水城廳株訪冊 卷之三 營建

里

金竹林 化董 翁甲

歲稔里一甲

窪子寨 大窪子寨 碗廠寨 白黨寨 高家寨 瀉泉溝

平在 馬几坡 阿喜 薄刀

歲稔里二甲

楊梅樹 老熊溝 木城寨 興戴 樓梯寨 打鐵寨

苞苞寨 果移 木果 草不克 雞冠營

歲稔里三甲

大果木 召家寨 喜嘉寨 無詳寨 彭家寨 蜈蚣寨

田家寨 芒庭寨 夏寨 農秋寨

歲稔里四甲

黑產底 觀家寨 民家寨 羊寨 萬宜寨 石盆寨

巴蕉壩 大堂 水塘 都羊

歲稔里五甲

姬家營 合稍寨 冰寨 大益寨 蘭花寨 渡船寨

溪西寨 以善寨 多羅寨 學儀寨 杏子樹 大衝

大博古 小博古

歲稔里六甲

樂手寨 獅多寨 重巖寨 喜根底 躍馬洞 熟足樂

睦宜則 埡口寨 馬料溝 農家寨 黑佐 菁牛塘

水城廳株訪冊

卷之三 營建

四三

拾稍寨 凉水井

歲稔里七甲

喜鴉寨 區區 蜀在 巖頭寨 雨汪涌 大乾坪

果核寨 斜窩寨 喜家在 毛家寨

歲稔里八甲

阿德寨 炭山寨 華竹菁 基場壩 大平 多緣寨

高都 半坡 法格 新坡寨

歲稔里九甲

花蕊寨 木耳寨 大雅場 小雅場 嚴霜坡 交鹿寨

八角寨 老巖

歲檢呈十甲

阿都營 晚禮寨 石板寨 灣子寨 萬家在 來遊寨
泥營灣 居家寨 龍華寨 者夏寨 馬路灣

水城廳株訪冊

卷之三

營建

四

水城廳採訪冊卷之四

食貨門

戶口族姓方言附

周禮司民之職掌萬民之數歲登下其死生及三年大比以其數詔司寇司寇及孟冬祀司民之日獻其數於王王拜受之登於天府冢宰貳之以贊王治其不隸司徒而隸司寇者不欲其入於死國以民為天王者之心以好生為本也郡縣既分而後服田力穡以供王稅者書其名於糧冊而百工眾技商賈貿易僦居傭作之儔惟十家門牌備悉其數道光間廳治每歲申詳至十萬眾有奇亦可見生齒之繁皞皞熙熙

水城廳採訪冊

卷之四

食貨

一

得共享

隆平之福為已久矣及兵燹蔓延強弱莠良同歸於燼從旋定安集之餘稽其子婦丁男所存者僅十之一二書曰無胥戕無胥虐至於眾寡至於屬婦詩曰飲之食之教之誨之竊環顧蒼赤而三復不置焉

水城漢夷雜處遵照章程止清客戶不清夷戶恐夷民猜疑驚懼也

府志水城清冊柒千陸百伍拾壹戶新增伍百伍拾戶共捌千貳百零壹戶男婦大小貳萬玖千玖百零陸口此道光十六年以前編籍也

咸豐拾年詳核造冊共壹拾伍萬陸千貳百零捌戶男婦大小叁拾壹萬捌千陸百伍拾貳口

同治間因兵燹遷徙流離僅存十之一二

光緒元年編審僅貳萬玖千叁百壹拾壹戶男婦大小僅捌萬玖千陸百玖拾伍口

族姓附

左氏春秋傳曰天子建德因生以賜姓胙之土而命之氏諸侯以字為諡因以為族官有世功則有官族邑亦如之記曰繫之以姓而弗別綴之以食而弗殊雖百世而昏姻弗通者周道然也蓋其所以明長幼別親疏辨內外而行禮教於天

水城廳株訪冊

卷之四

食貨

二

下者均於是乎在秦漢以參甲乙丙丁分為四而惟齊大姓列於策姓氏譜一書各溯其得姓之由然舉芸芸之衆而概溯其原孰非稊茲羲軒之裔至赫各州縣籍而椒衍瓜綿以繫殖於不羈者殆亦如條徐蕭索分於魯陶施繁鐘分於衛憂樂與同休戚與共而興衰理亂相為維繫歟然非以禮義大其防以仁讓端其則曾不轉瞬而盛衰聚散異焉矣夫冰霜嚴肅無非雨露之恩鞭朴喧囂總是笙簧之澤故必能自愛斯為人所愛焉

毋 沙 孫 楊 陸 王 范 鄧

李 嚴 杜 陳 唐 龍 柏 徐

趙 段 蔣 尹 張 蘇 蕭 蔡
彭 曾 劉 何 姬

廳治夷漢雜處隸客籍者歷年未久惟姬姓族較盛土著中
安沙祿世系獨遠他族散居墟落多莫核其姓安氏自明初
始得姓其初曰黑黶曰黑虛鹿曰烏蠻曰羅甸曰羅羅曰羅
施曰羅氏夷志謂蠻氏乃楚令尹子文之後自蜀漢諸葛南
征辟蠻習為官屬歷晉梁隋唐為西南夷大姓迄南詔曾以
兵徙其戶二十萬於永昌其散依林壑者得不徙曰東蠻又
謂虛戎見於尚書牧誓羅與虛戎並見於春秋傳安氏譜系
謂其祖者堵穆者其第六子曰穆濟濟濟濟子曰濟濟大歷

水城廳株訪冊

卷之四

食貨

三

十數世為奶阿助助死助阿補嗣支子為助阿扒瓦補死補
阿著嗣著死著阿統嗣其長子曰統莫補為芒部隴氏其少
子曰統阿者為阿鉅部阿者死阿者比於嗣歷十數世為都
阿遮遮死遮阿奪嗣其支子曰遮阿以之又數世為主色阿
更其子曰阿更阿珮歷四世為普露其弟凡四十有七有曰
以列曰白義者歷二世為普貴歷五世為阿榨其子曰阿榨
亦莫亦莫子曰亦莫不辭歷數世為阿畫為靄翠歷數世為
安貴榮其子曰萬鍾鍾無子弟萬鎰萬銓鎰子仁仁子國亨
亨死安糧臣嗣其弟曰堯臣子曰位俱無嗣安坤者萬銓之
裔隴氏祿氏皆羅甸大姓今東川土司多祿氏鎮雄土司多

隴氏沙姓本拜勒部若姬姓者本漢陽諸姬因莊蹻征滇逐
從戎來此今漢上人猶流相傳述云

水城廳株訪冊

卷之四

食貨

方言

男八月女七月而齒生自生齒以上按籍而稽其數則計以口蓋口之所納者食也而口之所出者言同一物一事一人而稱謂不同如在氏傳乳曰穀虎曰於菟者謂之方言我聖朝化洽八垓音傳九譯雖嗜好不同性情各別者亦輻輳闕下夫書本同文行本同倫說春夏禮樂秋冬詩書以叶其宮商而調其平反詩曰出言有章易曰咸其腓頰舌撻莫不志和音雅以鳴

隆平之感矣田綸霞撫軍過大小相見坡記蠻歌四曲謂意難盡解大抵與已來三峽詞首相類今讀其第一曲云上山聲

水城廳採訪冊

卷之四

食貨

五

角西復來下山花開一著紅半滑半乾石常路乍晴乍雨笠搖風第二曲云千橈纏腰布裹頭猿啼鷓鴣叫四山秋下來千尺高詭道固麥呵交好自由第四曲云層下蘆鳴月下跳搖鈴一隊文妖嬈阿蒙阿李門前立果瓮人來路不遙皆婉轉動聽商訛者放牛也固麥餃餅呵交飲酒阿蒙者母阿字者父果瓮者行役也以夷言而發為韻語初無傷於風雅元染王女大理路段宣慰妻阿穩絕命詞云吾家住雁門深一片閑雲到滇海心懸明月照青天不語今三載欲隨明月到蒼山誤我一生踏裏衫吐嚙吐嚙段阿奴施宗施秀同奴歹雲片波濤不見人押不蘆花顏色改肉屏獨坐細思量

西山鐵立風瀟灑踏裹衫者錦被也吐嚕者可惜之辭歹者我押不蘆北方起死回生草肉屏者駱駝峯鐵立者松林其音節悲壯蒼涼正不以方言而減誰謂嘔啞嘶難為聽耶况博採輿誦輯為成書西蜀楊子雲已導厥先聲也

羅羅言

天曰穆日曰巳月曰洪星曰堅雲曰登風曰行雷曰穆支電曰檄乍霜曰逆露曰致雪曰烏霰曰才幾霧曰能晴曰鑿雨曰烘以上天文類

春曰奶夏曰施秋曰濯冬曰初歲曰拓月曰宏閏曰宏低四立曰吳二至二分曰蓋日曰儀時曰兔朝曰亭夕曰克晝曰

水城廳採訪冊

卷之四

食貨

六

穆儀夜曰洗披月上弦曰穆打下弦曰穆迂甲曰這乙曰齊丙曰被丁曰升戊曰肯己曰址庚曰虛辛曰赫壬曰得癸曰都子曰哈丑曰尼寅曰路又曰膩卯曰他暑辰曰魯巳曰奢午曰自未曰和申曰諾酉曰挖戌曰期亥曰凹建曰唾除曰厄滿曰等平曰朵定曰紙執曰痾破曰打危曰古成曰杓收曰木開曰補以上時令類

地曰迷山曰補水曰燹巖曰法石曰羅以上地理類

木曰腮草曰詩花曰葳實曰模以上草木類

屋曰行門曰古床曰基凡曰白木凳曰枯木筆曰蘇開墨曰洛那紙曰圍依硯曰額洛燈曰奪貨笠曰科虛刀曰着恒鏢

曰沙已箭曰穉租弩曰恰箭藥曰札奪以上屋舍器用類
食曰租飯曰加早餐曰滯午餐曰招晚餐曰遲噉曰租酒曰
止飲曰多又曰梁肉曰呼菜曰務鹽曰初酸曰支苦曰枯鹹
曰額隸曰裝甜曰痢味之麻口者曰約香曰奶臭曰布能餓
曰厄飽曰波以上飲食類
東曰費西曰杓南曰卦北曰刻中曰戈姑上曰儀下曰騰高
曰模低曰能右曰事左曰番前曰及後曰脉又曰度先曰施
及以上方位類

穀曰居稻曰遲豆曰諾梁曰目租又曰目杓黃梁曰漆稗曰
為紅稗曰諾蠟又曰沙為羊子曰詩則蒼曰姑小麥曰書文

水城廳株訪冊

卷之四

食貨

七

麥曰數燕麥曰殺訶麻曰模栽曰呆種曰世缺曰糸以上稻
梁類

布曰卜乂曰迷密衣曰鋪又曰駝裳曰殺恆冠曰烏科履曰
獸低帶曰着曬袴曰暑又曰致能織曰穢縫曰能又曰及剪
曰擇以上衣服類

青曰女赤曰能黃曰蒼白曰兔黑曰那灰色曰帛帛水紅色
曰底底雜色曰字茲又曰戈戈花色曰瓜瓜淺藍色曰暑鋒
綵色曰賀呵以上顏色類

牛曰妮馬曰謨猪曰凹羊曰徹毛羊曰何狗曰期又曰區貓
曰阿奈鴉曰俄鴨曰敗雞曰娃龍曰奴虎曰其窠豹曰則狐

曰兜御曰使宰參曰平鹿曰澤兒曰洪慶曰痴慶曰魯猴曰
阿諾熊曰額暮封承曰凹括兔曰阿署黑花馬曰謨那瓜棗
騮馬曰杜都海騮曰暑舒以上鳥獸類

父曰鋪母曰模兄曰委弟曰年夫曰約婦曰黑子曰祖媳曰
器女曰阿墨姑曰阿宜嫂曰阿暮壻曰序予祖曰阿哀祖母
曰阿丹曾祖曰阿鋪高祖曰阿亞嫡曰奢庶曰止舅曰約鋪
母之兄弟曰阿迂女兄弟之子曰素把君曰首臣曰虛主曰
色奴曰止主之老曰色鋪女奴曰頗佃民曰蘇面宣慰曰首
慕漢官曰沙助土官曰控總理曰更首輔佐曰慕魁贊助曰
勺魁主兵曰罵色裨將曰黑乍戰將曰首可大頭目曰模濯

水城廳株訪冊

卷之四

食貨

八

次曰麻衣又次曰振績事鬼神之祝曰襄慕亦曰白慕即拜
禡也掌文字曰慕詩掌禮儀曰鋪偷書手曰戈蠟管事曰糲
為漢曰沙苗曰媽烘犴狍曰蒲仲家曰沙慕又曰沙免蔡家
曰阿烏那龍家曰阿烏免楚曰沙盧基自稱曰嫩速人曰鑿
又曰烏搓祭祖曰儀模事君曰首濯嫁女曰能這娶婦曰器
育交友曰乃義以上倫紀類

頭曰烏目曰那都鼻曰奴暮耳曰羅波口曰逆補手曰蠟足
曰期身曰果寢背曰果朵心曰奶肝曰謝脾曰支肺曰趣腎
曰露腸曰吾肚曰赫腹曰餓波皮曰己毛曰迷髮曰烏疝氣
曰雲血曰須肉曰呼骨曰亨筋曰糾腰曰着古臂曰居股曰

桑布溺曰西矢曰梯以上身體類

事曰樵作事曰櫛則發號施令曰非是枯開言曰度語曰幸
姓曰恨名曰捫先曰吉後曰墨早曰擒遲曰得反曰頗正曰
耿轉曰着側曰茲上曰摸下曰乃高曰行低曰滕大曰窩小
曰把多曰擎少曰奶近亦曰奶遠曰敷厚曰土薄曰波重曰
黎輕曰羅信曰直詐曰根親曰格疏曰曠想曰鄧記曰克愛
曰局恣曰杓他曰題我曰顛你曰那己曰約存曰着亡曰古
生曰蘇死曰希作憂曰蘇支病曰奴好曰烏是曰愚否曰麻
睡曰乙坐曰宜立曰赫走曰斯跑曰特逃曰婆抬曰橋挑曰
凹背曰布抱曰打提曰恒執曰兜來曰離去曰胎有曰吾無

水城廳株訪冊

卷之四

食貨

九

曰庶吾成曰託敗曰麻託好曰紐不好曰麻紐美曰哉醜曰
興寒曰加暖曰楚冷曰徹咒曰朱祝曰則曲曰角直曰耿長
曰旁短曰妮順曰住逆曰麻住貢曰瓦賣曰務掃曰斯梯曰
埡摘曰哈割曰呆殺曰呼打曰賭罵曰這教曰蒸督曰其喫
曰租飲曰朵做曰則作曰瘞修曰古理曰暑訟曰諾訊曰哉
寄曰匪賜曰左與曰被許曰更主送曰牙迎曰希接曰雅見
曰我聞曰糾喫曰布能擒曰欲追曰夏畜曰幸養曰烘粘曰
虐貼曰覺糊曰濟砍曰拖切曰粗煎曰波炒曰酥灸曰戈燒
曰區煮曰札蒸曰妮煨曰者熟曰埋生曰哉汲曰去去讀為
克去聲炊曰穆奪都然曰覩傾水曰舍呼曰枯應曰呵絕曰

皆續曰雜借曰痴又曰鳥還曰去送還曰胡瀉曰何翼曰查
計曰登沐曰栖浴曰鴉裝曰低盛曰干破曰呆壞曰打讀作
達平聲聚曰暑散曰耐完曰方全曰倫瑣碎曰折折拉曰呆
掄曰色縛曰兜繫曰渣敲禪曰卑清曰取濁曰歹燈熄曰色
印曰媾乾曰浮溼曰夷呆潔曰和淨曰烏甲以上人事類
一曰太又曰他二曰膩三曰斯四曰布五曰烏六曰却七曰
戲八曰赫九曰居十曰詞百曰洪千曰都萬曰宜一個曰他
倫一條曰他開以上數目類

天曰坑地曰圍日曰宜叱雅月曰宜罵星曰謝蘇風曰蚌雲
曰低雨曰子雪曰暑山曰蠹水曰死賀河曰怯毒曰哈田曰

水城廳採訪冊

卷之四

食貨

十

甯園曰鴨官曰主赫罷父曰阿把母曰阿媽兄曰阿家弟曰
恁子曰茲孫曰嗣叔曰乍伯曰先把甥曰肆舅曰拉罷男曰
子作女曰紐作粘曰作滅糯曰沙閔稗曰把梁曰姜子小米
曰砌豆曰都蕎曰故麥曰總酒曰祖飯曰勇油曰膩鹽曰上
米曰巴滅柴曰杓喫飯曰欲戛勇食肉曰欲二贊馬曰墨牛
曰慕難曰更犬曰慈豕曰二鷄曰拉阿鴨曰先阿蛇曰寅胆
虎曰乎罷魚曰目烏曰字字草曰鑿木曰杓一曰衣二曰打
三曰隆四曰恩五曰毋六曰府七曰齊八曰本九曰古十曰
然百曰拔千曰情萬曰凹升曰神斗曰靚銀曰宜錢曰都擠
銅曰洞鐵曰恒青曰次紅曰齒黃曰翁白曰八黑曰肯生曰

漢死曰司去曰蓋來曰恨上曰覩列夏中曰大額下曰言米
夏左曰罷暑右曰支暑東曰宜成兵西曰宜寒兵南曰把迷
自兵北曰把兵歲曰宜春曰稱哈夏曰東牒秋曰本委冬曰
然委月曰額日曰拱打公時曰格

狝家言

天曰悶地曰報日曰太握月曰兇亂星曰閑宜風曰戎雲曰
窩雨曰問雪曰耐山曰播水曰讓河曰打溝曰墁田曰納園
曰蒜官曰賽祖曰豹祖母曰亞父曰波母曰媒兄曰比弟曰
暖夫曰交妻曰稚子曰命孫曰爛叔曰波好伯曰波龍甥亦
曰爛舅曰拿男曰晒女曰謀粘曰豪箭糯曰豪你犍曰豪旺

水城廳株訪冊

卷之四

食貨

十一

梁曰豪梁豆曰豪朵蒼曰豪孟麥曰豪模小米曰豪汪飯曰
岩酒曰老肉曰儺油曰欲鹽曰決柴曰文米曰豪食曰更馬
曰麻牛曰池雞曰蓋犬曰罵豕曰暮鵝曰罕鴨曰並地曰額
虎曰共豹曰標鰕曰烏鳥曰若草曰哈木曰歪一曰摩二曰
宋三曰散四曰細五曰哈六曰若七曰怎八曰使九曰孤十
曰漆百曰罷千曰認萬曰晚升曰損斗曰島戩曰當秤曰葬
銀曰老若早飯曰更若午飯曰更仁晚飯曰更刀燒酒曰老
基甜酒曰老鴨威世曰利屋恩膏曰紫繞遍曰茶菩曰喇衝
歌曰果玩擊曰滴樂曰盞陶然曰笑眉太平曰歹冰惡賤曰
蒲乃江山曰底般萬年曰挽拈歲豐曰備黎萬國曰晚般人

曰著主曰完活曰教樹曰槐仙曰線
苗家言

天曰翁地曰堆月曰頂月曰拉星曰孩風曰哉雲曰浪雷曰
咆皆雨曰囊雪曰崩露曰標好山曰卦坡曰博水曰窩君曰
旺官曰怪相曰菊祖母曰包父曰罷母曰賈兄曰果弟曰鬼
夫曰脚妻曰味嫂曰義子曰洞孫曰洽穀曰貢粘曰箭糯曰
那麥曰糟豆曰布倒稗曰放蒼曰祭梁曰果梁小米曰努飯
曰麻酒曰助飲酒曰好助肉曰阿菜曰務柴曰杜炭曰貼馬
曰罵牛曰紐猪曰買羊曰央狗曰戾房曰蔽一曰以二曰阿
三曰畢四曰魯五曰巴六曰交七曰想八曰牙九曰租十曰

水城廳株訪冊

卷之四

食貨

十三

早百曰以杯千曰以賽萬曰以王升曰審斗曰倒戥曰當杆
曰冲

正月曰着糸二月曰拉糸三月曰然糸四月曰那糸五月曰
能糸六月曰揚糸七月曰勒糸八月曰皆糸九月曰更糸十
月曰已糸十一月曰納糸十二月曰紐糸歲曰休那富曰一
烘素貧曰一烘書左曰樓的哥方曰樓才那上曰樓不多下
曰樓不都青曰凍張赤曰來黃曰止剛白曰樓黑曰洛冷加
去曰模魯來曰盧寨無曰致麻死曰打箕生曰簡箕斗曰婁
豆戥曰即命杆曰讀戒升曰披金曰戈銀曰嚴錢曰則鐵曰
都署一曰基魯二曰阿魯三曰別魯四曰不六魯五曰支魯

六曰庚魯七曰向魯八曰夷魯九曰夾魯十曰務魯馬曰斗
能止曰斗紐雞曰斗皆犬曰斗蓋豕曰斗飛鴨曰斗呵蛇曰
斗那虎曰斗趙豹曰斗詩魚曰斗折鳥曰念怒草曰夏渣木
曰等穀曰別稗曰不醋豆曰讀齋曰杰小木曰繫油曰朶鹽
曰鄭柴曰度得米曰申征官曰夏媽致父曰阿為母曰阿耐
兄曰阿木弟曰年蓋子曰年多孫曰年皆叔曰叭耶伯曰叭
書錫曰年濯舅曰乃諾姑曰媽琅姑夫曰阿務虛男曰濟能
婦曰夏薄紐女婿曰阿務美曰戎年少男曰夏熱年少女曰
東姑火曰兜田曰勒園曰阿王天曰龍都地曰龍低日曰龍
滾月曰洛係星曰洛戈風曰稼杓霧曰哈波水曰格雨曰那

水城廳株訪冊

卷之四

食貨

七

洛雪曰播洛山曰富奪喫飯曰呶干稼吃早飯曰呶差吃午
飯曰呶邵吃晚飯曰呶磨吃肉曰呶解吃酒曰副就吹笙曰
濯解唱歌曰賀古跳花曰姑把問從何來曰夏達哈的打開
幹何事曰夏干致問從何去曰夏阿摸倫貨的今年豐收曰
孝耐乃葛戎明年亦豐收曰詩紐那乃器戎這人好曰叫低
你耐戎這人不好曰叫這戎這人有飯喫曰一那動夏加諾
這人有衣穿曰都濯那這人年老曰乃孝杓落這人年少曰
乃孝幼回去曰耿模魯致無事曰致麻糯做事曰模阿孤有
馬騎曰度乃結昨日曰阿那今日曰諾那明日曰登雞

各家言

父曰拔一曰龍母曰蒙一曰明孩曰的食曰努介一曰儂射
飲酒曰忽往一曰呵交食肉曰努擬飲茶曰呵已食煙曰呵
應米曰賽火曰歹一曰沉水曰瓮舂米曰大送雞曰介豕曰
拜一曰已牛曰擬一曰訛商訛放牛也馬曰麻一曰米猛已
趕集也火弄日午也歹難坐也條漢人也雅弄條不識漢語
也雅務不好也雅道不得也雨曰射婁

父為包母為蔑祖為火食食為固豚飲酒為固悖食肉為固
窩咬餅為固麥啜茶為固高難為奔鴨為阿馬為虐犬為磨
一為序二為瘦三為大四為布五為目六為逆七為索八為
遮九為梭十為完織布為陶打傭工為陶貢趕集為拜其喪

祭為白號

父曰索母曰咪兄曰皮朝饜曰艮握午飯曰艮林夕殮曰艮
喬飲酒曰艮撈食煙曰艮坐坐曰壤行曰拜揖曰張打曰敵
畜豕曰屢慕傭工曰果瓮貿易曰果介直趕集曰拜謁兩曰
汶到晴曰汶艮官曰貫

上墳曰砍地里送客曰句業管兵頭目曰抹色書辦曰募施
伴當曰必蘇頭人曰海折陌耕

土俗

苗俗

花苗者衣無領納諸首以青藍布裹頭年少者縛楮皮於額
婚乃去之婦人斂馬鬣尾雜人髮為鬢大如斗籠以木梳耳
環如鈎裳服先用蠟繪花於布而後染之既染去蠟則花見
飾襲以錦故曰花苗有名無姓有屬無長正朔以十二辰屬
為期無文字刻木為信魁結侏離陟岡巒躡荆棘提如猿猱
散處山谷間聚而成村曰寨誅茅構宇不加斧鑿架木如鳥
巢寢處炊爨與牲畜俱夜無卧具掘地為爐熱炭而反側以
炙雖隆冬稚子率裸而近火所食多以麥稗雜野蔬稻則儲
水城廳株訪冊

卷之四

食貨

五

祭為白號

父曰索母曰咪兄曰皮朝饜曰良推午飯曰良林夕飧曰良
喬飲酒曰良撈食煙曰良坐坐曰壤行曰拜揖曰張打曰敵
畜豕曰屢慕傭工曰果瓮貿易曰果介直趕集曰拜謁雨曰
汶到晴曰汶良官曰貫
上墳曰砍地里送客曰句業管兵頭目曰抹色書辦曰募施
伴當曰必蘇頭人曰海折陌耕

繪蠟亦自可人抹粉塗朱常多憐己又云雖采蘭贈芍為古
聖所未刪而踰禮蕩閑亦國人所共賤是也有喪則宰牛召
戚屬遠近奔赴携酒食以賻之環哭盡哀葬不用棺斂手足
而瘞之其卜地以雞子擲之不破者為吉病不服藥惟禱於
鬼謂其巫曰鬼師鬼師乘是以愚之或宰牲磔雞或殺牛雞
極貧亦必稱貸而為之往往以此破產終不悔悟動作必卜
或折茅或熟雞取其胫骨與腦驗之田云新鬼大而故鬼小
語任美婆赤降殃而白降祥卜憑雞骨是也而性直實無詐
偽無回曲輸租服役比於良民憚見官有不平惟憑鄉老決
之居蘭谷者性尤兇頑善擊刺出入持鎗弩曰生苗羅漢苗

水城廳株訪冊

卷之四

食貨

六

者其婦人胸前刺繡一方以銀錢飾之繫雙帶結數日必漸
水沃帶復滌之澗中青苗者服飾皆尚青男子頂竹笠躡草
屨婦人以青布一幅製如九華巾著之性強悍好爭鬪同於
羅羅然不敢為盜又有黑苗者服亦尚青能挽強弩一人持
二人蹶而張之矢無不貫性尤悍白苗者服飾皆尚白男子
科頭赤足婦人盤髻長髻性慤而厲轉徙不常多為人顧復
亦名東苗西苗而東西兩苗又有以織花布條束髮者男髻
髻著短衣色淺藍婦著花裳無褻俗同花苗又有裙短掩僅
及胛者曰短裙苗衣被斑絲曰紅苗擅殺牲畜以火去毛帶
血而食死用棺以所遺衣服裝像擊鼓歌舞曰調鼓凡出劫

出牛酒集家獲則中分之遇殺死以銀償之被虜者必索金以贖少則加以非刑同類相殺以婦人勸方解是謂生苗羅羅俗

本盧鹿訛為羅羅亦曰獾獾有黑白二種其黑者曰烏蠻黑大姓俗尚鬼故又曰羅鬼或曰鬼主者以主祭言猶主宅之意蜀漢時有濟濟火者即安氏遠祖也其性愚而戀主即虐之至死猶舉其子姓若妻妾戴之不敢貳故自濟濟火以來千有餘年世長其土轄四十有八目八目之下又有九扯九縱百二十夜所皆黑種為之而白者其部落也最貴者曰更首不名不拜錫鏤銀鳩杖僭擬師保大事取決焉次則慕魁

勺魁罵色以至黑乍皆有職守其人深目長身黑面白齒以青布帛為囊籠髮其中而束於額若角狀行則荷種戴笠見其主必左肩拖羊皮一方捍而善鬪習攻擊尚氣力諺云水西羅鬼斷頭掉尾言其多且強也亦有文字類蝌蚪書又若雲篆若蟲書坐無几席與人食飯一盤水一盃匕一枝抄飯哺許搏之若丸以匕躍入口食已必滌臍刷齒以為潔作酒菴而插以蘆管啐飲之男子雜龍婦人束髮纏以青帶裙長拖地項下銀圈重疊烝報旁通甌不惡疾不延醫惟用巫疏曰大美婆事無巨細皆決之正妻曰耐德非耐德所生不得繼立其長死則集千人披甲冒馳馬若戰以錦緞袍衣披死

者尸焚於野招魂而葬張蓋於上盜隣長首以祭之不得則不能祭其宗祠無棟宇高二尺許植把木數株覆以茅數束期會交質無書信用木刻重信約尚盟誓凡有反側剝牛以謝領片肉即不敢復背善造堅甲利刃標鎗勁弩置毒矢末需血即死田綸霞云重巖密箬自云虎豹在山勁弩長矛不畏車騎滿野又云千人馳鐵馬張蓋可以招魂比屋質交關刻木堪為約信又云行軍則率然相應掉尾斷頭作字則蚪蚪遺文稱先則古幾令鬼國無遁形矣今其類多讀書間有能文章崇禮讓者白羅羅曰白蠻與黑羅羅同而為下姓飲食無盤盃以三足釜灼毛齧血無論鼠雀蛛蟻動之物攪

而燔之攢食若彘不通文字結繩刻木為信死以牛馬羊裘而焚之又有名阿和者同白羅羅以販茶為業

狍狍俗

禮有五禱而善奔輒命死黨男女以幅布圍腰無裝積曰桶楊花布者為花狍狍紅布者為紅狍狍各有族屬不通昏姻殮以棺而不葬置岩穴間高者絕地千尺或臨大河不施蔽蓋樹木主於側曰家親殿打牙狍狍剝悍尤甚女子將嫁必折其二齒恐妨害夫家也父母死用長木桶為棺葬之路旁剪頭狍狍者男女蓄髮寸許死則積薪焚之豬豕狍狍者身面經年不積與犬豕同牢得獸則咋食如狼貽即華陽國志

所謂鳩獠者歟又有衣前後開岔者曰披袍花狹又有束髮盤旋於頂而中陷者曰錫圍花狹

木老俗

性狡悍善製刀初娶分寢既生子然後同處祀鬼用五色旂過節則鼓歌迎祭亦有長幼之節

狝家俗

五代時楚王馬殷自芑管遷來種有三一補籠一卡尤一青狝男女以帕束首躡屨好樓居有姓字衣尚青婦人好織巧勤於織以青布蒙髻若帽絮狀長裾褶積多至二十餘幅拖腰以綵布一幅若絞仍以青布襲之短僅及腰躡履亦於孟

水城廳株訪冊

卷之四

食貨

九

春跳月用綵布編為小圓毬如瓜謂之花毬視歡者擲之在室奔而不禁嫁乃絕之以姿色定聘資多至牛三五十頭喪則屠牛召親友以大甕貯酒執牛角偏飲必傾瀉淋漓而後快醉或至相殺葬用棺以傘覆其上期年而焚之不上冢曉相地術每歲十一月為歲首以牛馬雞牲骨和米糝作醅至酸臭為佳以多者為富又多畜蠶夜飛而飲於溪有金光謂之金蠶蠶每以殺人如不殺人即反噬其主又斂百物毒以染箭鏃中人血濡縷立死性險譎嗜殺出入必負強弩帶利刀睚眦之讐必報向嘗勾遠賊為盜藪或聚眾出劫或禦人於途兵至則散兵去復聚用鵬勦法始靖

龍家俗

種有三衣尚白依深林薦莽間男子束髮而不冠善石工婦人辮髮螺結上指曰狗耳龍家衣斑衣以五色藥珠為飾貧則以薏苡代之春時立木於野謂之鬼竿男女旋躍而擇對既奔則女氏之黨以牛馬贖之方通媒妁死以杵擊白和歌哭舁之幽巖秘而無識以七月七日祭其先塋馬鐙龍家者衣尚白喪服則以青婦人縵布作冠若馬鐙加髻以簪束之大頭龍家者男子以馬牛鬃尾雜髮而盤之若蓋以尖笠覆之

宋家俗

水城廳株訪冊

卷之四

食貨

二十

宋為楚所蠶食傳其人民而放之南徼宋宣慰其喬也通漢語識文字勤耕織男子帽而長襟婦人笄而短襟將嫁男家往迎女家率親戚笙擊之曰奪親既歸旦則進盥於姑舅夕則燂湯請浴三日而罷喪葬飯蔬飲水二十一日封而識之若馬鬣此與中土俗無大異惟奪親一節近夷俗耳

蔡家俗

即蔡人為楚所傳而遷徙至此者男子製毡而衣婦人以毡為髻飾以青布若牛角高尺許用長簪綰之短衣長裾以耕織為業喪禮殺牛宰牲吹笙羣聚跳舞曰作夏

土俗

思播流裔與軍民通皆姻歲時禮節皆同男子間貿易婦人
力耕種田歌互答哀怨殊可聽歲首則迎山魁逐村堂以為
攤男子粧飾如社多擊鼓以唱神歌凡居宅原俱有壇神者
在堂西北隅以竹篾編如小兜形懸壁曰兜兜壇恒作素使
人病顛狂甚至燒其舍撲即滅旋滅旋起或間日復作或穢
飲食或盜財物聞其聲不見其人者以石為壇以紅紙寫神
號不一貼於壁曰黑虎壇其作祟恒現美婦形媚人為所惑
則病消瘦至莫可救藥居人懼為害或每歲或間歲釀酒宰
牲延善歌舞者至家酣醉跳躍如演戲狀曰慶壇而素行端
居心正者則寂然無所畏

水城廳株訪冊

卷之四

食貨

三

變俗

性癡戾以丑戌為場以十月朔日為節祭鬼為樂又有名八
番者服食居處與漢人同其俗勞女逸男婦人直頂作髻業
耕織穫稻和稽儲之剗木作臼曰椎塘每臨坎始取稻把入
臼手舂之以寅午日為市燕會擊長腰鼓為樂以十月望日
為歲首聲不擇日夜靜出之

楚俗

楚漢與水西地近竄入烏撒比喇大方普安間者歷年久不
忘其初故相傳曰楚人因地沿習為俗男女皆冠片毡垢不
沐浴與探探同風俗志楚夷性仁有人道故字從人

儂家俗

亦曰白儂男衣青大領著裨婦分髮為二束以青布盤旋作髻而上指女辮髮衣白死亦墓葬

那巴俗

亦曰揀芭原籍湖廣調征南龍來此遂家焉飲食衣服與漢人無異性悍勇有以揀芭子者則率其類奮擊之

恒俗

正月元日五鼓爆竹開門向吉方焚香跪拜曰出天方既乃拜祖先及門路并竈仍長幼序拜以及親友上九日張燈至十六夜乃止月尾及二月初祈年逐疫以竹及紙為船送之

水城廳株訪冊

卷之四

食貨

三

水際亦倣古鄉人儺之意春分後逢戌日祀社飲社酒清明前後掃墓兒童競放紙鳶四月八為浴佛日婦女以雞子供佛已而相奪取以得者為幸五月五為端午挂蒲艾於門作角黍飲菖蒲雄黃酒株百藥作湯以沐六月六為天貺節曬衣於庭以去五月霖雨之溼七月七婦女穿鍼乞巧獻瓜果於庭以祀織女十五日祀祖先焚楮八月十五市五色餅賞月華九月九日登高造咂酒遍插茱萸十月一日農穫畢釀酒作糕祀社曰報賽十二月二十四夜祀竈除日祀祖先食年飯守歲達旦飲屠蘇酒端午中秋及歲暮三節親友皆相

餽送

水城廳採訪冊卷之四

食貨門

賦稅經費倉儲附

廳治本梁州荒裔則壤成賦之時梁州之田惟下上而其賦則下中三錯矣况在西南徼外窮谷堪巖類多磽确乎雖河所灌溉及環城四十里雖阡陌交通儼然有桃花源勝况然得家給人足暮夜不迫於追呼者皆由我

聖朝念切民依勸農貴粟薄賦輕徭故自建治以來清文田畝不至如江浙之圩亦不至如蜀秦之沃則凡食毛踐土優游於

水城廳採訪冊

卷之四

食貨

三

熙皞之宇者當推厥由來而與侯甸之銍結粟米樂致輸將也至川鹽過境征收課稅雖不至輻輳絡繹穰穰於勿絕而津梁無阻亦可見擔囊躡屨願出其塗矣夫豈行齋曰過稅居鬻曰住稅利盡錐刀而法嚴織密也哉且夫九賦之斂即繼以九式之均者誠酌夫緩急盈虛而量入以為出而倉儲不患無餘經費亦無虞不足大抵惟正之外絕少煩苛抑未之中仍多節制已矣

地丁銀

乾隆十二年遵

旨議奏案內將通省地丁攤入田畝隨田上納每畝攤地丁銀

伍釐肆毫肆絲叁忽捌微貳纖玖渺叁漢

大定撥歸永順常平二里征地丁銀叁拾伍兩柒錢柒分貳釐

平遠撥歸崇信時豐歲稔三里征地丁銀伍拾肆兩伍錢捌分貳釐

通計廳屬五里每年共征地丁銀玖拾兩叁錢伍分肆釐
每年地丁羨銀壹拾陸兩伍錢伍分叁釐向征存支照磨並
春秋二季分俸工及役食費

秋米

原科米數平遠撥歸崇信時豐歲稔三里共該輸米壹仟壹

水城廳採訪冊

卷之四

食貨

五

佰貳拾陸石貳斗壹升伍合大定撥歸永順常平二里共該
輸米壹仟柒佰陸拾柒石玖升陸合壹勺又常平時豐歲稔
崇信養糧玖拾肆石陸升捌合陸勺折米肆拾柒石叁升肆
合

繼定額征米數

永順里額征秋米伍佰壹拾伍石陸斗零貳合

常平里額征秋米肆佰柒拾陸石陸斗玖升玖合陸勺

崇信里額征秋米叁佰玖拾玖石零貳升捌合壹勺

時豐里額征秋米玖佰玖拾肆石玖斗肆升捌合壹勺

歲捨里額征秋米伍佰伍拾肆石零陸升柒合陸勺

通計廳屬每年征收秋米貳仟玖佰肆拾石叁斗肆升伍合肆勺與原科數合

秋糧耗米

原額每石該耗米壹斗伍升共該耗米肆佰肆拾壹石伍升壹合捌勺壹抄扣留鼠米肆拾伍石柒斗零貳合壹勺玖抄除此外實存耗米叁佰玖拾伍石叁斗肆升玖合陸勺貳抄每石照例變價銀伍錢伍分共銀貳佰壹拾柒兩肆錢肆分貳釐半終變解糧儲道庫

每歲九月初一日開斗徵收官田租米原額歲收壹拾陸石零柒升伍合變價銀壹拾伍兩叁錢肆分貳釐此項米石係

水城廳株訪冊

卷之四

食貨

十五

乾隆肆拾壹年由平遠州時豐里撥入

稅課

原額平遠州撥歸阿女米課二稅歲征鹽稅銀伍拾柒兩柒錢柒分貳釐雜稅銀叁拾陸兩壹錢捌分捌釐共征銀玖拾叁兩玖錢陸分兩次批解春夏一秋冬一

稅羨

原額阿女米課二稅歲征鹽課稅羨銀伍佰壹拾伍兩兩次批解春夏一秋冬一

倉儲

豐字倉一座計五間

年字倉一座計五間

滿字倉一座計五間

裕字倉一座計六間

備字倉一座計四間

大有倉一座計五間

西成倉一座計四間

元字倉一座計四間

亨字倉一座計四間

新成倉一座計三間

省志載水城貯重農穀陸石今無考

水城廳株訪冊

卷之四

食貨

字六

常平倉存穀貳萬玖仟伍佰柒拾叁石伍斗柒升貳合

存溢額穀壹佰零壹石

存歷任捐輸穀玖拾叁石

此項穀石自道光貳拾玖年奉文提解起至同治九年經

各任奉文提解及借支兵饌并應付兵差動撥完竣現顯

粒無存

時豐里原存社會穀壹佰柒拾玖石玖斗捌升

歲稔里原存社會穀貳佰玖拾肆石玖斗

崇信里原存社會穀貳佰玖拾叁石伍斗零壹合伍勺

此三項穀自咸豐十一年苗變起至同治九年已經動支

並為賤燬亦顆粒無存

鐸泥官田原額歲收肆拾陸石柒斗肆升此係土目安廷政
身故絕嗣致安廷倫混爭奏請入公作為官田
經費

通判定例歲支俸銀陸拾兩全分養廉銀伍佰肆拾兩心紅
紙張銀

書辦八名每名歲支工食銀陸兩共銀肆拾捌兩

門子一名歲支工食銀陸兩

民壯壹拾貳名每名歲支工食銀陸兩共銀柒拾貳兩

捕役四名每名歲支工食銀陸兩共銀貳拾肆兩

水城廳株訪冊

卷之四

食貨

三

各役書拾陸名每名歲支工食銀陸兩共銀玖拾陸兩

禁卒二名每名歲支工食銀陸兩共銀壹拾貳兩

轎傘扇夫共柒名斗級一名歲共給工食銀肆拾捌兩此項

報銷冊未載

照磨歲支俸薪銀叁拾壹兩伍錢貳分養廉銀陸拾兩

書辦一名

皂隸二名每名歲支工食銀陸兩共銀壹拾貳兩

門子一名歲支工食銀陸兩

馬夫一名歲支工食銀陸兩

新設訓導歲支俸薪銀叁拾壹兩伍錢貳分

學書一名歲支工食銀陸兩

齋夫二名歲支工食銀共二十四兩

膳夫二名歲支工食銀貳拾叁兩叁錢叁分貳釐

門子二名歲支工食銀陸兩共銀壹拾貳兩

草料銀壹拾叁兩

廩生出貢每名坊儀銀叁兩

廩生陸名每名歲支餼米四京石共米貳拾肆石

水城營兵丁原額三百名歲支米壹仟陸拾餘石前經裁減

壹百貳拾名實存兵丁壹百捌拾名歲實支米伍佰捌拾捌

石

水城廳株訪冊

卷之四

食貨

六

威寧州挽運兵米伍百玖拾肆石玖斗

平糶米歲該玖百玖拾柒石肆斗捌升伍合肆勺

平遠協分防以個務卜歸集黑騰四汛兵米原額設兵丁捌

拾陸名疊次奉裁現實存兵丁伍拾陸名迺徵收秋糧尚未

足額歲實共支兵米壹百伍拾柒石貳斗柒升陸合

額內孤貧拾名每名日給米捌合鹽菜銀五釐按月給發歲

給棉衣褲各一

額外孤貧拾名同治三年九月廢同治十三年七月後設按

月給發米鹽及歲給棉衣褲與額內同

極貧寒生每年給米壹石

鋪兵四名每名日給銀壹分折米銀壹分貳釐

鄉試之年應解貢筑幫費銀原額伍拾兩新增銀貳拾兩共銀柒拾兩

鄉試之年解大定府雇券謄錄書手二名共銀陸兩

歲考之年解大定府柵費銀壹百兩科考之年解大定府柵費銀伍拾兩

津貼每年應領銀壹仟兩扣減壹成實領銀玖佰兩

水城廳採訪冊卷之四

食貨門

物產

民無失職斯物遂其生物無棄材斯民資其用盈虛消長雖因乎時地而草木茂鳥獸多何莫非仁民餘恩所遍及世際隆平有無多寡渾於不言蓋日用所需皞皞然相安於各足矣旅樊之訓曰不寶遠物又曰不貴異物騶虞之詩曰彼茁者葭一發五豝又曰彼茁者蓬一發五豝竊諷誦不置焉

穀之屬

稻 俗曰穀一曰稷河外有早稻餘多晚稻有紅蓮稻巖尖

水城廳採訪冊

卷之四

食貨

三

稻等名種於土者曰旱稻其米有紅白之辨土人多食紅米能益人白者心多堅炊煨不易熟故食之者多病味香者曰香米即香秈

黏 即糯穀有紅黏白黏半黏之別

麥 有大麥小麥燕麥之別燕麥俗名油麥

粱 俗曰高粱

玉麥 俗曰苞穀

豆 有青豆黃豆黑豆花豆紅小豆綠小豆等名

稗 水稗旱稗俗皆曰毛稗另一種曰紅稗

菽 俗作蕎有甜蕎苦蕎之別

粟 俗作小米其不黏者曰草子米

麻 有蘇麻芝麻之別芝麻即胡麻

蔬之屬

菘 俗曰白菜四時皆有

青菜

春不老 青菜別種

蔓青 亦是青菜

蒿菜

同蒿菜

菠菜

莧

韭

牛蒡菜 俗名牛皮菜

水城廳採訪冊

卷之四

食貨

五

薺 俗曰葶薺一曰蒲薺 薺 俗名大芥

薑薑 俗曰油菜

蔥

蒜 胡荽 亦作菱俗曰鹽荽

薤 俗名小蒜 薤子 本草作茹古通

蒞蘭

芥

蘿蔔 一曰萊服有紅白二種

王瓜 俗曰黃瓜 苦瓜

絲瓜

東瓜

南瓜

金瓜

慈菘 同治二年遍生野田中日可搯三二升飢民賴以活

其名曰慈淘不証也

絞瓜

砍皮瓜

菱

芹

芋 有青紅二種

冬筍

藕

陽芋

瓠

葫蘆

四季豆

扁豆

豇豆

蠶豆 俗名胡豆

豌豆

大頭菜

薑

鹽椒 俗曰辣角亦曰焐

水城廳採訪冊

卷之四

食貨

三

花椒

蕺荷

天星米 初生似莧可茹而食秋初結實曰天星米

蕨

木耳

薯 即山藥一曰山薯積亦作諸與有紅白二種紅者曰薯

蛾眉豆 俗曰刀豆

筍

蒲

地筍

護 亦作萱俗曰金鍼亦曰黃花

香菌

凍菌

蕪 俗曰磨芋根似芋而長葉似天南星而大膚白皮烏其

味辛

菊 俗曰木芥又曰木醬子如華茷亦曰華澄菊

雞坡菌 椹當作坡較香菌尤香美菌本芝類廳治產鹿又多產良馬或常食此黔書云負苞之族肉芝之苗喬也一名蠃奪所生之下多白蠃氣所蒸也秋七月生淺草中初奮地則如笠漸如蓋移晷則紛披如雞羽故曰雞以其從土中出故曰椹種有二惟紫者可茹白者能傷人蓋竊其似以亂真不可不察也又有肥瘠之殊肥者味厚瘠則薄理固然也蹲而采之芽歲可再得立則否然亦視雨暘之愆若為羨耗燬而藏之膏而漬之以充庖甘鮮可悅莊子云朝菌不知晦朔集韻云坡土菌也鳥飛而斂足菌形似

水城廳捲訪冊

卷之四

食貨

三

之廳治歸集地多產此浸以醬味尤美或曰菊醬即雞坡醬梁武帝曰惟一食食止蔬菜蜀獻菊醬噉覺美曰與肉何異復禁之

地耳 俗曰地捲皮

果之屬

梅

杏

桃

李

柿

榴

枇杷

櫻桃

葡萄

梧子

楊梅

銀杏 即百果

棗

栗 小而圓者曰思栗

榛

胡桃 俗曰核桃

梨

楂

柑 俗曰黃果

橘

花紅

林檎

木瓜

縐眉柑 俗曰癩頭柑

佛手柑

無花果

金錢橘

密甯 即香櫞類佛手柑黔書云視佛指而少擘指形悉見

水城廳採訪冊

卷之四 食貨

三四

屈而不伸剖食如蜜類楚澤之萍實黃裳元吉臭如蘭咀嚼之馨流齒頰蓄之樹以決歲薦之祥彌月色不衰香亦不變果實中幽人志士矣

松子 青松果所含實也青松與蒼松枝幹同而色異蒼松色蒼黑青松色青碧蒼松果所含子小包以瓢如紙薄青色松子包以壳如梧子大似思栗小而薄以齒破之清香盈頰味淡而永本草謂多服可延年肴核中清品也

刺梨 如安石榴而較小味甘微酸食之可已悶亦可消滯漬其汁煎蜜可作膏正不減梨楂幹如蒺藜多芒刺葩如荼蘼至秋方實花之單瓣者以插籬可代槿花之重瓣者

名曰送春歸春深吐艷大於菊密萼繁英紅紫相間而成
色實尤美恆生道旁黔書云黔四封悉產移之他境則不
生豈亦畫種之雉過淮之橘耶

羊桃

蓮子 黔中蓮少境內間有種之者移種蓮池並繞城壕皆

種之房未老時取其子去心以煮粥味清香復鮮美

花之屬

荷 有並蒂及白紅二色芙蓉芙蓉菡萏與蓮皆其名周

濂溪復錫以嘉名曰花中君子愛其潔也騷人心存君國

每託興芳草美人賢者志在聖賢亦寄懷名花君子天真

水城廳採訪冊

卷之四 食貨

三五

爛漫感於不自持也而凌波綽約向日鮮妍其天然丰致
正不減霽月光風

牡丹

芍藥

玫瑰

蘭 紅色者香倍清遠

蕙

桂 一名木樨一名金粟以其色黃也色黃而白者曰銀桂

色黃而紫者曰丹桂皆香聞十里而丹桂尤烈

梅

桃

杏

李

榴

梨

楂

林檎

木瓜

花紅

楊

柳

茶藨

木芙蓉

翦春羅

葵 子入食品

芭蕉花

木筆

玉簪

水仙

薔薇

紫荊

紫薇

俗呼為怕癢花梅都官詩薄膚痒不勝輕爪嫩幹生

宜近紫廬是也赤莖光膩無皮葉對生瓣紫皴蠟跗并萼

水城聽採訪冊

卷之四

食貨

菜

仲夏始華開落相繼至秋深乃罷今人誤呼為紫荊不知

仲春時紫荊已開矣

山礬 俗名梔子

虞美人

金絲桃

絳桃

小桃紅

木香

茉莉

玉蘭

蝴蝶花

海棠

秋棠

常棣

攀枝花

菱花

桐花

金錢花

月月紅

雞冠花

繡毬花

雁銜書

絲牡丹

與繡毬同而幹特高

杜鵑花

即焰山紅有紅白二種

鳳仙花

俗以染指子曰急性

山茶花

白菱花

姊妹花

木槿花

有紅白二種

勝羅花

迎春花

荷包花

葉與牡丹同一名荷包牡丹

龍爪花

胭脂花

水城廳採訪冊

卷之四

食貨

五

百合花

寶珠花

篆字蓮

子午蓮

紅梅

黔書云枝如虬龍花如胭脂

送春歸

扮園花

香帶

蠟梅

斷腸花

當心抽花蕊數十作穗淡紅色久漸赤子離離如

柔莖每叢生田綸霞云紅鬢內艷頰牙外標華橙之映翠

幕丹瑤之厠碧瑤當不過是也

嬰粟

一名米囊亦曰麗生有紅白紫黃各種又有半白半

紅半紫者花瓣皆一層廳屬有紅如硃黃如金者朵若芙

卷或三四層五六層不等土人呼為層臺罌粟

琪花 一曰茄花

木筆 卽辛夷花

飛來鳳 以鳳仙花子入梧子內種之則花開葉上故名蓋

梧子葉生者也以考入蒜則生小韭氣味相感而成變化

卽小物亦如此

菊 種不一大如錢色黃單瓣者曰黃菊色白者曰白菊色

紫者曰金錢菊大如拳瓣中空者為鶴翎半白半黃或半

紫者曰秋色平分色紫心倍鮮者曰紫鶴翎色微紫者曰

醉楊妃色如粉瓣如指曲者曰白佛手色黃而瓣尖紫者

曰紫金帶大如錢色肉紫外白心黃者曰秋不老色白如

水城廳採訪冊

卷之四

食貨

菊

銀心碎瓣密香甚濃者曰銀盤托雪色深黃耐久經霜雪

尤艷者曰蜂窠黃又有從五月開至九月色有藍有粉紅

有深紅者曰六月菊亦曰五九菊色深黃如金可染絲者

曰西番菊此二種葉與菊不相肖

孝蘭花 寄生於樹花繁盛莖葉如石斛而大俗曰釣蘭

竹之屬

勁竹

蘆竹

苦竹

慈竹

水竹

茨竹

天竹

紫竹

釣魚慈

斑竹

黑竹

金竹

雞爪竹

南竹之類大可為柱節濶身長臨風舒嘯飄飄然

有凌雲氣枝節淡又出故名

邛竹

土人呼為羅漢竹

水城廳採訪冊

卷之四

食貨

五

竹米

竹實為金琅玕山海經云琅玕之實離朱採之以飼

鳳故鳳非梧桐不棲非琅玕不食又云竹六十年易根易

根必花結實而枯死其所結米若粳糯色微紅而味甘民

多採以為食黔書云凡花則必旱蓋旱微也而非常亦不

必六十年唐天復中隴西大饑竹生粒數州民得以濟同

治二年廳屬大饑亦賴以濟時非旱而四野荒涼至民相

食幸此君散米出粟以相貸則功在養民雖枯猶榮也山

海經云實落復生六年而成町於貧蓄谷何損焉宜淇澳

青青至今猶稱頌勿衰也

木之屬

松

柏

椿

梓

桑

楠

楸

有數種

枸

桐

椶

梧

杉

楊

有青白黃各種

柳

樟

楮

亦曰穀

根

橡

楓

沙棠

水城廳採訪冊

卷之四

食貨

甲

榉

攀枝

杠

丁木

白檀

香桂

榕

烏木

藥之屬

葶精子 俗曰牛筋子生海子中及各沮洳地莖如葶藶苗
枝四出如木賊實如天星米同治二年廳屬大饑所結子
尤繁人爭采食至滿筐盈缶味淡和以糝活人功同竹米
凡藥以養人者為上品此即本草所未收起死回生當冠
廳屬所產諸藥上

沙參

益母草 子曰羌蔚

黨參

何首烏

穀精草

車前

小茴香

薄荷

水城廳採訪冊

卷之四

食貨

四十一

艾

蓼

紫蘇

小茴香

半夏

豬簽草

前胡

薏苡

青箱子

火麻仁

木通

芍藥

通草

蒼耳

山楂

黃連

龍膽草

白朮

仙人掌

花甚黃實曰仙桃味亦佳

土三七

石葛蒲

黃柏

金銀花

天麻

地苦膽

石斛

蚊蛤 一名五倍子

茯苓

茯神

土茯苓

血藤

牛膝

郁李仁

瓜蒌

根曰花粉

明鏡草

葛

青皮

厚樸

色紫氣味微辛而香真紫油樸也藥市多偽本草出

水城廳採訪冊

卷之四

食貨

里

榛州山川相接故物產無殊係園林所植有大至十圍者

非重價不輕售

五加皮

八角蓮

一支箭

一支蒿

紫花地丁

俗名魚鰍串

馬蹏草

青蒿

蜘蛛香

水燈心

麻黃

菊花

旱蓬草

俗名黑斗草

蒲公英

草烏

華麻子

商陸

常山 苗名蜀漆

藜蘆 俗名搜山虎

龍骨 多出硝碕中齒亦大如拳體骨悉具重千餘斤殆山谷靈氣所鍾神遊於太虛之表而形質委脫者歟

枳殼

王不留行 俗名對葉生

黃花根

黔書云生水澤間長尺餘葉如蓼花開兩瓣根可

取魚亦可殺蠱廳屬下溼地每於夏末秋初之交或久雨忽晴或久晴忽雨或微雨初歇斜日欲覓山嵐氣蒸有瘴癘毒中之者病如痲瘧久則黃疸脹腹或逾年或二三年莫之救得黃花根可治按護花俗呼曰黃花又曰鹿葱根如麥門冬長寸許鬱熱入心能散之故護草一名忘憂草

水城廳採訪冊

卷之四

食貨

四十五

桔梗

地骨皮

穿山甲

淫羊霍

覆盆

俗曰烏苞著地即生故又曰倒著根

辛夷

桑寄生

丹參

地榆

天南星

苦蕒

鴉彈子

紅花

香附子

槐角

防己

旋覆

柴胡

勾藤

牛蒡子 俗曰大力子 華薺

烏藥 獨活

滑石 扁蓄

瞿麥 秦艽

骨碎補 續斷 俗呼山蘿蔔

百合 冬青子

女貞子 冬青色紅女貞色黑

麥門冬 天門冬

香桂皮 即官桂子又曰香桂子

摘耳根 馬齒莧

水城廳採訪冊 卷之四 食貨 罌

白蘚皮 即陽雀花根 白薇 俗名婆婆鐵線包

蕺草 木瓜

白蘘荷 有紫白二種白者為佳葉似甘蔗根似蕺草差肥

春初生曰蕺草木下生者美潘岳云蘘荷依陰神農經云

蘘荷治中蠱服其汁並卧其葉即呼蠱主姓名周禮庶氏

掌除蠱工祝禱之嘉草攻之即此也黔書云苗种欲致富

者多蓄蚪虺蜈蚣諸毒物罌缶中滴其涎沫於酒食中之

者絞腸嘔吐十指皆黑吐水不沈嚼豆不腥食饜不苦是

其證也又有桃生蠱食魚則腹有生魚食雞則腹有生雞

又有金蠶蠱夜則飛出飲水光如足練金彩爛然要皆利

人財物或與人有隙或代人報怨遠則十年乃發近則俄頃服白蘘荷即無虞

老鸛草

馬鞭稍

阿芙蓉

馬勃

茜草

即茹蘆俗名鋸鋸藤

側柏葉

升麻

楮實

皂角

山茅莢

麝香

大茅香

白茅根

桃仁

杏仁

水城廳採訪冊

卷之四

食貨

五

夏枯草

貝母

密蒙

即麴花俗名酒藥

茵陳蒿

白藥

有紅白二種味苦如木通根能消痞土人以殺蟲

黃精

金石之屬

銀 由白鉛中分出未遭變以前廳屬各鉛廠多以此發跡
富至數十萬

銅

鐵 黑金曰鐵

鉛 青金曰鉛質最重高漸離以此置筑中扑始皇可升煉
為粉韓退之詩丹鉛事點勘崖山穴中躡其整勘其牖極
其整而影始見仰升俯絕偃僂籛除首與膝並足與尻張
土虞其崩堵以木度穴虞其迷照以松脂而礦始獲由是
春以碓淘於河炙以炭鎔於壚而鉛始成其功猶在於療

水城廳採訪冊

卷之四

食貨

四六

盞凡盞毒中人浸之磨之取其汁而飲之與蓂荷葉等

鎌 白鉛曰鎌

硫黃

朱砂

石灰

雄黃

煤

硝

石花 廳屬石隙間整跗瓣蒂宛若翦絲者土人常取以獻
摩娑拂拭知為山氣蒸鬱凝結而成殆即本草所謂石芝
者歟

石乳 壑中垂乳斷而昇入臺榭浸之磁盆及魚缸中峯巒
聳峭滋苔蘚及草卉曰石筍又曰石山有奧竅曲折若天

然名畫者

土飯 白膩若米糝淡泊無味多食則窒滯至死饑茅之下
不暇揀擇略可充腹要為旦夕計而已矣同治二年廳屬
大饑民爭掘而食之雜以他物得不死者衆

水城廳採訪冊

卷之四

食貨

三

人工所成之屬

酒

茶

菸

葛布

麻布

毯

褐

醬

茶油

麩

桐油

蠟

薯粉

蚊麈

鐵絲

條細而綿販出川廣

糕

餅

水城廳採訪冊

卷之四

食貨

哭

草紙

烏木筋子

牛油燭

豆腐

豉

葭灰蛋 俗名皮蛋

瓦

碗

炭

岳

鉛 一曰錫

靛

笙 截管六通其節參差比之又截竹徑尺有咫管六管以

指捫其孔六而吹之呼吸盤旋轉應節而移逐聲莊子所

謂天籟也迎春時諸苗裝束夾道跳舞其裹巾以布纏盤

插雉尾或滿頭或三四或一各有等次音節動觀聽殆即

旄人所掌而世守勿替者歟短管中用响銅爰為簧管上
或冒以匏古制也笙者生也創於媧皇氏大曰巢亦曰竽
小曰蘇黃帝命伶倫截嶰谷竹雄雌十二以象鳳鳴乃笙
之極大者曰鳳笙又曰鵠笙

弩箭 以毒藥傅矢自耿恭守金鑛城始苗家米毒物碎煎
為膏雜犬婦女皆不得見凡七日合以鞣塗諸矢插布又
中懸於火側溫養之以傷人中者及拔矢者皆立死又有
苗能醫之用利刃自頂至踵寸寸割之用口吮血傅以他
藥則生鞣藥出廣西類勾金皮不得鞣則不驗

茹 即胡茹

水城廳採訪冊

卷之四

食貨

四九

那巴斗 即葉菸袋也其斗生成空其中置銅管於斗最佳
者木色斑斕紫黑次為黏鳩又次則雜木為之價俱昂

禽之屬

燕

錦雞

秧雞

竹雞

鴉

烏

鷹

雉

畫眉

鷓鴣

翡翠

俗呼點水雀

布穀

割麥插禾

提壺

黃脰

水城廳採訪冊

食貨

卷之四

五

鳩

鵲

白頭翁

鳩

鷓鴣

鷓鴣

八哥

鳧

鷓鴣

鷓鴣

瓦雀

鷓鴣

鷓鴣

子規

即杜鵑俗曰陽雀

鷓鴣

鷓鴣

一曰魚虎

九頭鳥

鷓鴣

鴨

鷓鴣

大水雀

獸之屬

馬 明宋文憲天馬贊曰西南自昔出良馬而產於羅鬼國者尤良駮書狀其神駿曰試以平塗夷然若不屑反不善走而志在千里隱然有不受羈勒之意蓋英雄不易測而君子資養晦也豈竹批耳鏡懸睛閃流電逐飛星足道其彷彿哉夫權奇僂僕之姿其馳驟誠迥異尋常而騰不銖才不猛氣不肆神不全將奈何則不容不怒所以教之也駒始生益寶其母助其漣使溢以厚其子之氣生三月繫其母於山上置駒於下餒之移晷而不得乳縱之則旁皇踟躕奮迅而直上不知其為峻矣已乃繫母於山下而上

水城廳採訪冊

卷之四 食貨

五

其駒母呼子顧盼徘徊不能自禁故馳之則狂奔衝逸而徑下不知其為險也如此者數次而未已既成後絆其踵而多之以齊其足所投無不如意而後馳驟之盤旋之則陟大行若培塿履羊腸若莊塗而超軼羣倫矣或曰廳屬產芝草馬食之故多駿驥或又曰馬肝多一葉與他處所生者異

牛

羊

豕

犬

虎 有婦化虎文炳若奪門出或一日或數日必來顧其子後狄鞅去俗傳德近或罕界蠻村人跨書云在關索嶺下

熊

豹

鹿 食芝則仙龍聖乾狝殺一鹿其項上銅牌曰孔明放生
見黔書廳屬所產者小土人曰米鹿

麋

兔

猴

鼠

野牛

山羊

刺猪

泥猪

野猪

竹榴

白面狸

九節狸

狐

狸

水城廳採訪冊

卷之四

食貨

五三

貓

獺

狼

豺

苗變時百十成羣慣食人及肅清遂稀少苗俗善捕獸
跡麋鹿無不得雖遇虎亦敢於格鬪擊殺獨於豺不能施

其技

雀生

如貓有肉翅能飛俗名飛虎山海經曰玃玃

鱗介之屬

鯉

鱔

鯽

鯽

金魚

細鱗

白甲

蚌

蟹

蟹

螺

蟹

蛟

水城廳株訪冊

卷之四

食貨

五

蠱血之屬

蛇

虺

蛙

蝮

蜻蜒

蟾蜍

蟻

蜂

蝶

蚊

蠅

蚓

螳螂

詐螳

蟋蟀

蜈蚣

蝠

蜘蛛

水城廳採訪冊

卷之四

食貨

五

守宮

俗曰壁虎

蟾

蛭 俗曰馬蝗

蠶 即牛蚊大如蠶

水城廳採訪冊卷之五

秩官門

文武職官 名官附

以累代羈縻之地而設官分職俾得覩冠裳彬雅旗鼓森嚴
皆我

聖朝一視同仁不肯遐棄之意豈徒侈幅員廣表率端於上
斯惠澤及於下故即牛刀小試而輿頌猶聞亦各述其產畧
焉

通判一員 雍正十一年移大定通判駐水城按大定設通
判自康熙三年平水西烏撒設大定及平遠黔西威寧四府

水城廳採訪冊

卷之五

秩官

一

始歷大定通判任者凡四人詳府志至二十三年改大定府
為州通判裁至雍正八年以大定州為府復設通判十一年
即移駐於此

照磨一員 乾隆四十四年設

游擊一員 乾隆二年設屬威寧鎮

守備一員

千總一員

營把總二員

水城營分駐阿紮汛把總一員

亥仲汛把總一員

卜樓汛外委一員

普察汛外委一員

平遠營借地分防歸集汛把總一員

黑騰汛把總一員

務卜汛把總一員

以箇汛把總一員

水城廳採訪冊

卷之五

秩官

二

孟金祥 河南夏邑人雍正十年蒞任十一年移駐水城安輯漢夷一切規模俱經創始而綽有餘裕

唐彬 江南宣城優廩生乾隆六年接任勸農興學愛民如子卸事時送者塞途至挽衣泣下百餘年後父老猶傳之嗣任平遠為民請停採買詳平遠志

喬學鈞 乾隆十一年九月十九日署

馮又興 山東益都貢生乾隆十一年十二月二日署

康萬禮 江西龍泉貢生乾隆十二年十二月任

侯克岐 河南河內人丁巳進士

水城廳採訪冊

卷之五 秩官

三

李權龍 乾隆二十一年十月十二日任

張鏈 乾隆二十三年五月十二日署

劉觀佩 乾隆二十三年十月初七日署

二十四年改建石城

王葆元 江南新陽人乾隆二十四年二月初九日任

蘇峻鵠 乾隆二十六年任

董良相 廣西臨桂人舉人乾隆二十七年十一月十一日

署

蔣孝基 江南元和貢生乾隆二十八年六月初八日署

金 供其名乾隆三十二年七月初四日署

敦海 滿洲正藍旗人乾隆三十五年七月初八日署

富興 滿洲正黃旗人乾隆三十五年十二月初一日署

李應虞 山東東平州進士乾隆三十六年任

李 佚其名乾隆四十年八月十六日署

程矩 乾隆四十一年七月初八日任

是年撥平遠州崇信時豐歲稔三里入水城并撥學額

葉樹滋 江蘇長洲貢生乾隆四十三年八月十六日任

永 佚其名乾隆四十九年十一月二十四日任

蕭桐年 乾隆五十九年任嘉慶二年种匪謀亂聞報即親

督圍捕獲反復研訊誅其渠魁民賴以安卸任年七十五

水城廳採訪冊

卷之五

秩官

四

民思其德為立祠刻像以祀歌頌之詞刊滿廊壁

元靖 嘉慶四年九月二十六日任

周有聲 湖南長沙人號希甫由中書起家工詩嘉慶六年

十二月十八日署勤於理事凡詞訟近即傳訊遠限日期

邊卸重懲差役一洗索詐等弊旋陞任本府

張五誥 陝西涇陽貢生嘉慶八年二月十九日任

素隆顯 滿洲正藍旗人嘉慶九年二月初十日署十九年

十二月二十五日復署

宋簡 江蘇元和進士嘉慶十年八月十三日署

徐正清 安徽甯松人嘉慶十二年七月二十日署

宮 樞 安徽懷遠人嘉慶十三年閏六月初九日署

張寶鑑 漢軍正藍旗舉人嘉慶十五年八月二十四日任
請廳屬萬福集兩鉛廠稅務歸巡道管理

十九年十二月初署素隆額復署

孫世杰 順天人嘉慶二十年四月二十四日署

張步虛 江西鉛山進士嘉慶二十年十二月二十八日任

愛育士林每廳試覆至再三務得真才復籌款置卷貲田
而應試者益衆

曠農賢 湖南衡山廩貢生道光三年八月二十六日署

俞大臨 浙江山陰人道光四年二月二十一日署九年六

水城廳株訪冊

卷之五 秩官

五

月二十一日復署

須應奎 江蘇陽湖人道光五年十二月十八日署

袁汝相 四川珙縣拔貢號傳巖道光六年三月二十七日

任創建鳳池書院並興義學

林 澍 順天人道光八年正月十六日署

九年六月二十一日前署俞大臨復署

黃士古 四川鄰水優貢道光十二年五月十三日署

陳 濟 順天大興人道光十二年八月初九日署

蔣 煥 江蘇人道光十三年八月二十三日署定案以八

寨租銀壹佰兩作每歲鳳池書院主講修金

李 蕃 湖北竹谿人道光十六年十月二十三日任

鄧文熾 江西南昌人道光十八年五月初二日署

鍾光輔 安徽舒城人道光十八年十二月二十一日署

李 珍 陝西長安人道光二十年三月二十七日任二十五年六月二十一日復任

陶大銓 江西南昌舉人道光二十一年三月二十七日署

龐 霖 廣東南海舉人道光二十二年八月十九日署到

任即議修 聖宮因病未果十二月初八日卒於署

周 溶 直隸蔚州舉人道光二十二年十二月二十三日

署

水城廳株訪冊

卷之五

秩官

六

黨恩齊 陝西郃陽人道光二十三年三月初十日署始修

聖宮

二十五年六月前任李珍復任

陳大典 陝西長安進士道光二十五年十月初六日任

倪應謙 雲南昆明舉人道光二十七年四月初一日署督

修 聖宮成以樂輸餘款作書院膏火

陳然青 浙江仁和舉人道光二十八年七月二十九日署

嚴席珍 四川巴縣舉人號琴帆道光二十九年七月初八

日署議修廳志未果

林堯年 福建侯官舉人咸豐元年六月十二日署

吳德容 湖南宜章人咸豐二年五月初三日署

葉華春 浙江仁和人甲辰進士咸豐四年三月初二日署

陳鳳昌 江西新城舉人咸豐五年八月二十九日署

魯經芳 順天大興人咸豐七年正月初一日署值頓匪四起親督團練捕緝民賴以安

徐行 江西東鄉庠成進士咸豐九年八月初一日署

恩彬 蒙古鑲黃旗人湖北舉人咸豐十年四月二十六

日署同治十年正月二十五日復署

魯祖康 湖南長沙人咸豐十一年八月二十五日署時全

黔軍務倥偬境內紅苗亦乘間披猖民不得耕又值粵逆

水城廳株訪冊

卷之五 秩官

七

過境城防喫緊任勞任怨每夜由二更至四更巡查奸細三年如一日荒城孤危賴以保全

劉正朝 四川成都人同治二年四月十五日署勦堵苗匪

五月後兼游擊守備千總把總印十二月奉調出境勦大定兔場苗匪照磨蔣紹基護印

袁開第 直隸玉田拔貢號杏村同治三年九月二十五日

署逆苗就撫沿鄉安插不辭勞瘁十年正月二十五日前

署恩彬復署

許松年 四川巴縣人同治十一年四月初七日署

張憫 四川峨眉人拔貢同治十二年六月二十日署

陳昌言 四川綦江附生號禹門同治十二年二月以同知
借補十三年七月二十四日任

水城廳株訪冊

卷之五

秩官

周寅

江蘇附生乾隆四十四年十一月二十八日任

閔仲寅

浙江人乾隆四十五年三月初六日署

李光燠

四川人乾隆四十八年十月十八日署

王培燾

順天人乾隆五十二年三月二十二日任

郭起濟

乾隆五十三年五月初一日任

潘鑣

順天人乾隆五十三年五月初一日署

江懷鑑

江西人乾隆五十四年十二月初九日任

田珠

乾隆五十五年二月初八日署

忻朝

浙江人乾隆五十五年八月十二日署

水城廳採訪冊

卷之五

校官

九

李騰霄

乾隆五十七年十二月二十四日署

杜名起

順天人嘉慶三年五月初八日署

甘培高

四川人嘉慶五年十一月初八日署

吳煌

江西人嘉慶五年任

慕登

江蘇人嘉慶七年十一月初三日署

吳質輝

直隸人嘉慶八年六月初四日署

蔣廷璜

江蘇人嘉慶九年二月十四日任

何粹文

雲南拔貢嘉慶八年六月初四日署

王瑋

浙江人嘉慶十三年十二月初二日任

王丞

江西人嘉慶十四年十一月二十九日署

倪樹鈺

江蘇人嘉慶十五年十一月十二日任

蔣恕培

江蘇人嘉慶二十一年八月二十日任

后期昌

安徽人嘉慶二十一年十一月二十五日署

吳沅

江蘇人道光二年七月初一日任

張芹鸞

安徽人道光二年七月二十三日署

劉敏政

順天人道光十四年四月初六日署

馮元

浙江人道光十五年五月十三日署

戴焜夏

湖北人道光十六年八月二十六日任

陶文暈

順天人道光十九年三月二十六日任

王佩之

順天人道光二十六年三月初八日署

水城廳株訪冊

卷之五

秩官

十

馮慶

江蘇吳縣人道光二十七年三月初三日預報到

任

沈培原

順天大興人道光二十七年六月二十二日署

裘文瀾

道光二十九年署

華桂

順天大興人咸豐二年九月十九日署

尹承先

順天宛平人咸豐三年十月十九日署

戎柱勳

順天宛平人咸豐五年十月初一日署

張雲震

山西壽陽人咸豐七年八月初二日署

馬金詔

陝西榆林人咸豐九年四月二十四日署

潘騰芳

順天人咸豐十年署

蔣肇鈺 四川崇寧人咸豐十一年十二月十九日署

樂承舉 雲南思茅人同治三年任

陳治平 四川射洪人同治八年五月二十一日任

周紹基 四川新都人同治十年正月二十六日署

施厚金 浙江山陰人同治十年十二月十八日署

汪元焯 陝西咸陽人同治十一年八月十七日任

水城營遊擊

沈宏模 河南人乾隆二年任

陳思儀 直隸人乾隆八年任

張 鉅 山東人乾隆十五年任

鄭聯元 雲南人乾隆二十年任

福 興 滿洲人乾隆二十三年任

額爾景 滿洲人乾隆二十六年任

器 敏 滿洲人乾隆二十七年任

廣 鶴 滿洲人乾隆二十九年任

全 福 滿洲人乾隆三十年任

水城廳採訪冊

卷之五

秩官

十三

佛保泰 滿洲人乾隆三十年任

黃正爵 山西人乾隆三十四年任

八十四 滿洲人乾隆三十五年任

廖文藻 河南人乾隆三十六年任

慶 祿 滿洲人乾隆三十八年任

色赫那 滿洲人乾隆四十年任

國興阿 滿洲人乾隆四十二年任

楊 彪 四川人乾隆四十六年任

文 光 滿洲人乾隆四十九年任

福 興 滿洲鑲黃旗人乾隆四十九年任

袁岳 直隸人乾隆五十二年署

牟重光 山東人乾隆五十三年署

湯相 雲南人乾隆五十六年署

宋延清 山東人乾隆五十八年任

何之璞 湖南人乾隆五十九年署

王登榮 安徽人乾隆五十九年署

何偉鳳 貴州人乾隆六十年署

劉成桂 興義人嘉慶六年署

察雲阿 蒙古人嘉慶八年署

楊正開 平遠人嘉慶十年署

水城廳採訪冊

卷之五

秩官

十三

孔光祖 直隸人嘉慶十一年署

吳登祿 陝西人嘉慶十二年署

博爾洪阿 滿洲人嘉慶十三年署

楊正紀 湖南人嘉慶十五年任

鍾廷孝 四川人嘉慶十六年任

陳勝高 廣東人嘉慶二十一年任

吉昌 漢軍人嘉慶二十二年任

蘇克棟阿 滿洲人嘉慶二十四年任

惠保 漢軍人嘉慶二十五年任

都隆阿 滿洲人道光四年任

蘇克精額 蒙古人道光八年任

吉勒占 滿洲人道光十年任

佛喜 滿洲人道光十五年任

向克先 松桃人道光十五年署

高連捷 直隸人道光十七年署

趙萬春 雲南人道光十七年任

陳增社 直隸人道光二十年署

音德亨 山西人道光二十三年署

王三多 直隸人道光二十五年署

清長 漢軍鑲紅旗人道光二十五年任

水城廳採訪冊

卷之五 秩官

十四

榮光 滿洲鑲紅旗人道光二十九年署

任方太 凱里人道光二十九年署

李上達 安順武舉道光三十年署

慶祿 蒙古鑲白旗人道光三十年署

善寶 滿洲正紅旗人咸豐元年署

兆喜 滿洲正白旗人咸豐三年任

趙起祥 山西渾原武進士咸豐三年署

德壽 漢軍鑲白旗人咸豐四年護

漢琳 漢軍鑲白旗人咸豐六年署

范定邦 水城武舉咸豐七年三月署六月前署李上達後

署八月定邦復署

博多洪武 滿洲正白旗人咸豐九年署

劉雲山 黃平人世襲雲騎尉咸豐十年六月以守備護印

同治二年二月克復米羅五月十六日於城西陣亡

吳慶山 定番人世襲雲騎尉同治二年八月署

崔登高 宣威人同治三年署

毓秀 漢軍鑲黃旗人同治四年署

富謙 同治五年赴水城遊擊任至猴兒關苗匪邀截與

其二子奮呼力戰道險不能前俱戰死葬鳳凰山守備萬

廷昌護印

水城廳株訪冊

卷之五 秋官

十五

石奉極 古州人同治五年署

崔錫麒 山東萊州武進士同治七年署

楊舉 黃平人同治十年署

胡元壽 銅仁人同治十年署

陳占元 雲南人同治十一年署

吳占勝 黃平人同治十二年署

朱克曾 雲南新興州武舉協鎮禦勇巴圖魯同治十三年

十一月署

艾景暉 乾隆二年任

王文 山西人乾隆三年署

何燦 貴州人乾隆四年署

王璉 四川人乾隆五年任

官德謙 漢軍人乾隆七年署

胡士偉 貴州人乾隆八年任

何燦斗 貴州人乾隆十二年任

張純 湖南人乾隆十五年任

夏應蛟 貴州人乾隆十六年署

水城廳株訪冊

卷之五

秩官

十六

郭英 漢軍人乾隆十八年任

張忠 陝西人乾隆二十二年任

陳廷正 浙江人乾隆二十七年任

蘇起龍 河南人乾隆三十年任

安宅保 滿洲人乾隆三十三年署

段學南 湖北人乾隆三十四年署

李正品 貴州人乾隆三十七年任

張會元 雲南人乾隆四十年任

聶閏 山西人乾隆四十三年任

姚應侯 雲南人乾隆四十八年任

吳良剛 貴州人乾隆五十一年任

王宏信 直隸人乾隆五十八年任

李 綸 安南人嘉慶二年任

李 上林 陝西人嘉慶七年任

楊翠章 咸寧人嘉慶八年署

黨守正 直隸人嘉慶十年任

蘇其昌 直隸人嘉慶十五年署

胡天祿 貴州人嘉慶二十年任

黃文奇 漢軍人嘉慶二十五年任

楊紹坤 貴州人道光三年署

水城廳株訪冊

卷之五 秩官

七

劉起泰 貴州人道光十一年任

曹起賢 貴州人道光十一年署

孫應照 河南人道光十二年任

殷登科 咸寧人道光十五年署

周濟美 興義人道光十七年署

王 胡 安順人道光十八年署

王世臣 安順人道光二十年署

陳 瑄 四川人道光二十四年任

毛應超 大定人道光二十七年署

楊世英 江西武進士道光二十九年任

胡龍標 郎岱武舉人咸豐二年署

何文錦 安順人咸豐四年署

傅宗亮 威寧人咸豐六年署同治三年八月復署四年八

月復署

劉雲山 黃平人咸豐九年署

朱佑長 麻哈人同治四年七月署

萬廷昌 清江人同治五年署

黃文禮 貴陽人同治九年任

水城廳採訪冊卷之六

學校門

教典

養以遂民生教以復民性飽食煖衣而無教古聖憂之此勞
來匪直所為輔翼其自有之良而鼓舞振作於勿衰也廳屬
自乾隆四十一年始撥學額雖聲遙振鐸馬帳猶虛而歌遍
聞弦牛刀已試歷百四十年之久而書院學田規模畧備誠
涵育薰陶以成變化則投戈講藝耒耨橫經者常爭自濯磨
以光昭黼黻益以見我

國家化洽同文之盛矣

水城廳採訪冊

卷之六

學校

文廟

道光二十三年通判黨忍齊議修於東城桂芳街歷李珍珠
大典倪應謙四任凡六年始成不二十年牆壁欹斜且規模
逼仄光緒元年通判陳昌言遷修於城東崇文山麓

大成殿五間崇基石闌左右陛各五級門楹丹飾梁椽五采
大成門五間列戟二十有四一曰戟門

崇聖祠三間

御碑亭二座

東西廡各五間

神廚三間

樂舞臺一座

櫺星門一座

齋宿所三間

燎爐各一

香案各一

泮池一

聖域門一

賢關門一

宮牆圍園貳百捌拾捌丈

下馬碑東西各一


水城廳株訪冊

卷之六 學校

二

新製祭器尊一登一釶八簋十四簋十四饗豆各五十奠池
一爵共一百七十有六塾五香爐二鐙四俱範金為之

文廟全圖



學額

文武學各五名

廩膳生六名 增廣生六名

乾隆四十一年撥平遠州文武學額各三名大定府文武學額各二名共五名作水城廳學額又撥平遠州廩額六名作水城廳廩額時未添設學官仍附大定府學

光緒元年遙判陳昌言詳請 題奏撥平遠州訓導駐水城廳學並請添設拔貢 二年正月二十六日撫部院蔡會題

水城廳採訪冊

卷之六

學校

五

文昌宮

在城北桂香街

正殿五間

後殿三間

前殿五間

正門三間

奎星樓三層

鄉賢祠

名宦祠

忠義孝友祠

水城廳株訪冊

卷之六 學校

六

節孝祠

以上四祠俱在東城考棚柵門內

考棚

在桂芳街光緒元年通判陳昌言改建文廟以原基址創修
考棚衡文堂三間東西文場各五間儀門三間頭門三間東
西轅門各一龍門一照牆及周圍牆垣共計八十一丈

鳳池書院

水城舊有書院在北城卽通判孟金章創置義學所也道光七年通判袁汝相因地位低狹屋宇就頽以原基與游擊都隆阿商易南城鳳翔街營地遂改建焉咸豐同治間兵燹頻仍鄉民避難來城者僦居其中毀壞過半行將坍塌也同治十三年通判陳昌言蒞任見民情曠悍有兵刑所不遠者非勵士氣振文風終無以柔其氣而易其習勞來安集之餘苦無工作遣人往蜀招土木工數十人至首將書院門壁窗櫺瓦椽牆垣屋脊一一補葺煥然重新增設案几床榻廚具如用後至川延聘主講光緒元年甄別收錄後風聲遠播大定

水城廳採訪冊

卷之六 學校

七

平遠普安威寧安順各屬習舉子業者翕然負笈來遊每月設官課一師課二卷加筆削親至講堂指示諄切除捐送山長夫價新米生童每月三課獎勵及賓興資斧外因廳屬士子久蹟文闈復倡捐傳諭五里樂輸改建

文廟培修

文昌宮製祭器請撥學官添拔貢興義學置學田并中末脩膏火每科賓興公車各款俱酌定章程立案更泐石書院以垂久遠焉

章程

一 慎擇品學兼優實心課士者以禮延聘主講書院無許聯名濫舉以致瞻徇盤踞懈弛狎侮等弊每年照原定束脩銀壹百兩新定往來夫價銀貳拾兩各月米薪銀共叁拾兩各節致款銀共貳拾兩每年總共致送銀壹百柒拾兩一 教官印紅並科歲兩次送考使費監院監考益戳薪水及課士筆資每年以市斗交槁共送租穀壹百石凡科歲考入學幫增補廩報丁起復欠考補考錄遺及請詳節考除贄見外概不取分文

水城廳錄訪冊

卷之六

學校

八

一 學撥辦公筆墨紙張每年給穀拾貳石未選院考之年扣留伍石存積俟科歲兩次辦考時如數給足免其平時虧空致臨考違誤公事凡辦理入學幫增補廩報丁起復欠考補考錄遺及節存一切冊結文卷除樂送外毋許勒索分文

一 門斗無論多寡每年共給穀拾石未選院考之年扣留肆石存積俟科歲兩次辦考時如數給足免其平時虧空以致臨考違誤公事凡至新取文武生家報喜以學官印票為憑賞給厚薄隨宜毋許蠶索

一 慎擇城鄉殷實老成素行端方急公好義者經營學中一切公件曰齋長正副各一協同承辦凡章程各項應給錢

彰銀兩皆經手支發如各祠宇禮器及書院有損壞及時修整如各佃戶租穀及看司有抗傲秉官追究副齋長一面操習通曉一面稽查情偽如正齋長用人不實從中有蒙混侵漁等弊查實具稟追賠如阿徇失察查出一體攤賠亦不許妄為爭論以致阻撓每歲仲春初三日經憑官紳於

文昌宮核賬將年中用數出榜通曉正齋長具結交部如官紳酌議留辦亦不許固辭如滋味不合攻之使退以全其廉讓正齋長卸退即以副為正另舉公正者以副之酌定兩年輪換如有一年不貼賬具結者合屬紳稟官核奪另選

水城廳株訪冊

卷之六 學校

九

管理無容瞻徇無擅攻訐亦無許鑽營其舉貢以上各紳不許承辦免致賠累以全品望也每年正副齋長薪水及進出夫馬折穀拾石共貳拾石

一書院學長內外庠各一送院時官師就住院人公同酌定經理課榜課卷由齋長處承領課資支發並稽查借住院名色在外嚇詐一切行為不法之徒稟明監院並山長其有通同作弊者監院一體片遞如果言行修潔專心致志作為文章理法清真重加獎勵每年除應課外幫膏火穀各貳石伍斗共伍石各生童應得課錢不得從中扣收分

文

一書院

文廟

文昌宮三處看司各一除灑掃庭階啟閉門戶看守器具外凡學中大小事務齊集聽事一同照理無分彼此每年給工資食費折穀名伍石共拾伍石惟下鄉踏看學田催督佃戶齊長按遠近每日酌發路費錢壹百文如有怠緩及詐索侵吞損壞等弊齊長察實重則送究輕則追賠更換一正副齊長具結保舉殷實舖戶一名曰學紀經營登賬寫票及銀錢出入存發每年給工資食費折穀伍石如有不實除嚴究外仍責齊長墊賠及時更換如無弊實不拘年

水城廳採訪冊

卷之六 學校

十

限

一每月官課一自二月起至十一月止共十課內序以超等為正課符等為副課外序以上取為正課次取為副課正副課俱各取六名內序正課第一名膏火折谷六斗第二第三折谷四斗餘每名折谷三斗副課每名折谷二斗外序正課第一名折谷三斗餘每名折谷二斗副課每名折谷一斗均照時價扣算發錢其變賣賤或先後畧有參差不符因執事論每課共支租谷伍石四斗合計十課共支租谷伍十四石

一每月師課二自二月起至十一月止共二十課內外序正

副課俱各四名內庠正課第一名膏火折谷三斗餘每名折谷二斗副課每名折谷一斗外庠正課第一名折谷二斗餘每名折谷一斗副課每名折谷八升均照時價扣算發錢每課共支租穀二石一斗二升合計二十課共支租谷四十二石四斗

一禮房承辦考試經通判張步虛任內籌款置產歸禮房收租以作備辦廳考府考各場試卷及印結等費原案失查訊明原租二十二石應納秋糧八斗九升一合兵燹之餘田土荒蕪收不足數而應該人少卷費亦少漸次招耕必能收足原租除仍令禮房收此項田谷以作卷結等費並

水城廳採訪冊

卷之六

學校

十一

納秋糧外過科歲廳考每次幫給禮房筆墨紙張燈燭各費折谷二石過科歲府考院考每次共幫給禮房筆墨紙張旅費折谷八石除院試卷結仍照舊章辦理外凡廳府試卷印結課卷均不許索取分文合計三年歲科兩考共支租谷二十石

一賓興時助士子赴省資斧每年以所收租谷四十石照時價變賣換銀存積稟明存案俟士子將赴省時冀明三年所存銀兩數自照數秤足稟呈擇與賓興公正士子當堂驗封給票飭帶省城於場前貼帖齊集照人數多寡將原銀攤派一一登賬明晰場後回廳以原簿原票稟繳存案

吳帶銀人於攤派時提夫價銀三兩免致分零科有不足之累餘不得多扣分文以息物議若遇

恩科則數目不等即仿章程辦理至舉行賓興時找扎龍門月宮橋及筵席等費俱地方官捐貼

一公車費每年以所收租谷二十石照時價變賣存積俟有人赴試時無論舉人拔貢優貢將節年所存全行支用如數年內僅一人赴試全數歸一人得如有多人照數均分如被科俱有人赴試亦第照存數發給不得爭論多寡中

恩科亦然領訖後齋長仍稟明存案以免紊亂章程再此項若

存不得挪作他項公用

一每鄉試應解貢筑幫費銀七十兩解本府願募膳錄銀六十兩歲考院試解本府棚費銀一百兩科考院試解本府棚費銀五十兩向俱地方官捐貼近以籌款不及仍舊後有公項仍當再籌

一廩生出保夫價廳試每次送該出保廩生夫價錢各二十文府試院試每次送該出保廩生夫價錢各四十文該廩生認識本堂蓋戳送覆除贄外概不取分文

一送院時送官長席一送山長監院席一並識生堂席約費銀十二兩每年二月初三日讀賬席約費銀十兩正

一義學一設城一設歸集每年地方官關聘誠實生員教讀
各致送館穀二十石地方官隨時稽查如有視為具文不
實心訓課者按季給予館谷外另行更換

以上章程共十七條約計每年收租陸百石始足敷用除
陸百石外長收租一百石以作完納正糧培補廟宇及正
項外應行支用各費斯能永遠無紊凡有餘積核賬時登
簿註明存積以濟公用凡此皆為勵士氣振文風起見若
非學校中事概不准支用蓋廳屬士子貧者過半且既專
意讀書焉能分治生理因名累債反致抑塞而倉猝間又
無由措辦故有怒狠狠然投筆拂衣不願入學者廳屬本

水城廳株訪冊

卷之六 學校

十三

多聰穎之士至不以讀書為樂欲不趨於曠得乎故於
書院獎勵及應試取結投卷入學填冊幫增補康賓與公
車諸費籌畫詳密定為章程俾有志觀光者皆得吐氣揚
眉以致身雲路復本所學以翊贊

皇猷誠不獨為廳屬一隅幸也

水城廳採訪冊卷之七

武備門

兵制 塘舖附

未建治以前分防各汛地已設兵也雍正十一年建廳署乾隆二年設水城營時則

文教誣敷彙弓戢矢除城防外分防境內者汛有四平遠營借地分防者汛亦有四其分防兵分駐各塘者復不一以執銳彼豎之士而基布星羅絡繹不絕者無非神武不殺安不忘危之至意及裁汰再三防緝益嚴兵誠貴精不賈多也易曰孤矢之利以威天下詩曰赳赳武夫公侯干城即兵與練分

水城廳採訪冊

卷之七

武備

為兩途若藉隸行伍者每歲第虛糜秋米而除戎器戒不虞修矛戟廣偕作誓步伐勗止齊以視揚威謹場煥績旂常者卒未遑多讓焉

水城之設專營也自乾隆二年始共計兵丁伍百名旋增兵丁百名共陸百名九年裁汰兵丁百名四十六年裁汰兵丁柒拾肆名嘉慶十九年裁汰兵丁三十名道光十二年裁汰兵丁七名二十二年裁汰兵丁三名咸豐二年裁汰兵丁六名三年裁汰兵丁捌拾名十一年通飭裁四留六裁汰兵丁一百二十名自乾隆九年至咸豐十一年通共裁去兵丁四百二十名

現有城及分防制兵通共一百八十名
平遠營借地分防四汛兵丁原額八十六名咸豐四年五月
裁汰兵丁一十二名同治元年裁四留六又裁汰一十八名
計現存兵丁分防者共五十六名

東路

杓落塘 由東門堆卡至此凡十里設兵二名

石橋塘 由杓落塘至此凡十里設兵二名

法都塘 由石橋至此凡十五里設兵二名

遮騰塘 由法都塘至此凡十里設兵二名

茨冲塘 由遮騰塘至此凡十里設汛目一名兵二名

水城廳株訪冊

卷之七 武備

二

此為內五塘係存城左哨二司把總管轄

陡箐塘 由茨冲塘至此凡十里設兵二名猴兒關在此

趙家冲塘 由陡箐至此凡十五里設兵二名

趙家豬場塘 由趙家冲至此凡十五里設兵二名

兩路口塘 由趙家豬場至此凡十里設兵二名

卜祿塘 由兩路口至此凡十里設號書一名汛目一名兵

二名又十里交永安協客捧汛界此為外五塘係左哨外

委協防由杓落至卜祿共十塘計程一百三十里此為出

郎岱路

南路

以桑塘 由南門堆卡至此凡三十里設兵二名

滴水巖塘 由以桑至此凡十里設兵二名

通泉塘 由滴水巖至此凡十里設兵二名

阿扎壘 由通泉至此凡十里係本營左哨頭司把總分防

駐扎汛地管轄以桑滴水通泉桑樑四塘號書壹名汛目

壹名兵丁共三十名壘頭至壘尾計八十五里

桑樑塘 由阿扎壘至此凡二十里設兵二名

西路

得烏塘 由西門堆卡至此凡二十里設兵二名

落飛塘 由得烏至此凡十里設兵二名

水城廳株訪冊

卷之七

武備

三

中箐塘 由落飛至此凡十五里設兵二名

又十里接刷寧鎮標分防革遮塘界凡三塘計五十五里

係存城右哨二司把總管轄此為出威寧路

北路

界牌塘 由東門堆卡至此凡十五里設兵二名

扒瓦塘 由界牌至此凡十五里設兵二名

普察汛 由扒瓦至此凡十里係右哨外委協防駐扎地管

轄界牌扒瓦二塘號書一名汛目一名兵丁共十名東北

接平遠協借地分防以箇汛界

屏牛塘 由普察至此凡十里設兵二名

亥仲汛 由屏牛塘至此凡十里係右哨頭司把總分防駐紮地管轄屏牛馬繫者落三塘號書一名汛目一名兵丁共拾伍名

馬繫領塘 由亥仲至此凡十里設兵三名

者落箐塘 由馬繫至此凡十里設兵二名又五里接大定協分防白布河汛沙子塘界北路共伍塘貳汛計程八十里此為赴本府及畢節路

東北路

小壘塘 由東門堆卡至此凡拾伍里設兵二名係本城外鳳池河落水處管防渣滓壅塞又伍里至石橋塘

水城廳株訪冊

卷之二 武備

四

以上係本營管轄塘汛地

歸集汛 由朶棵至米籬四十里由米籬至歸集六十里奉裁汰後現止存兵二十名

務卜汛 由城東至茨冲六十里由茨冲至務卜六十里又由朶棵東至阿夏二十里由阿夏至務卜三十里奉裁汰後現止存兵十六名

黑騰汛 由米籬二十里至比怯由比怯二十里至歸固由歸固四十里至黑騰奉裁汰後現止存兵二十六名

以個汛 由亥仲三十里至龍頭山由龍頭山三十里至以個奉裁汰後現止存兵十一名

軍裝局 在守備署內凡六間

火藥局 在北城奎星樓左

造藥局 在北城見龍潭石山左

過宣威各路 由歸集西二十里至芭蕉塘又十里至陰隲渡又十五里至黑產底又十里至紙廠又二十里至黑得冲交宣威界自城至界凡二百一十里

過普安廳界路 由歸集南十里至雞冠營又十里至馬路又十五里至高家渡又十五里至蘭花箐又十里至以格交普安廳界自城至界凡一百八十里

過安南路 由歸集東南二十里至法格又二十里至阿得水城廳株訪冊

卷之七

武備

五

又十里至花水又三十里至皮古交安南界自城至界凡二百里

過普安路 由阿得十五里至烏都河又十五里至界牌壩口交普安縣界自城至界凡一百九十里

過平遠界路 由黑騰汛二十里至天生礮又二十里至顯家又二十里至解板又二十里至蔡家又二十里至阿卜浪又十五里至白泥又十里至核桃園交平遠界又由以個汛二十里至黑尾又二十里至鑪地又二十里至蠟雍又二十里至務卜又十五里為少岡又十五里為核桃園交平遠界計自城至界凡二百四十里

水城廳採訪冊卷之七

武備門

軍役

未建大方城以前廳治皆水西屬地漢光武初牂柯大姓遣使由番禺江入貢唐普露阿珮宋普貴明嚮翠奢香納土入朝皆慕義懷仁踴躍然有玉帛冠裳之盛至効命疆場持弓矢以將事如殷伐鬼方見周易虜髻諸夷從大小庶邦聽誓師於牧野見周書漢諸葛南征濟濟火佐徐孟獲有功見三國志迄阿畫安貴榮安疆臣皆以軍功受賞款禎間討安邦考見元明史我

水城廳採訪冊

卷之七

武備

六

朝天威遠播滅安坤及平吳逆諸大役見省志而府志尤詳莫贊焉建治以來洗甲兵鑄劍戟登羣黎於衽席益百數十年於茲矣其間奉調出征廳屬內小醜跳梁而勦撫兼施旋即撲滅遵道遵路之民不共樂蕩蕩平平而潛消反側也哉乾隆三十四年水城兵應調出征緬甸

乾隆三十六年水城守備殷學南于總蘇玉貴外委余應魁應調帶領兵丁壹百二十名出征金川又奉調回勦銅仁苗匪至四十二年凱旋

嘉慶二年時豐里得馬神夷叛通判蕭相年會營兵進勦即

時撲滅

嘉慶二年水城營兵應調勦與義村匪廳屬武舉楊國珍應調帶土兵五十名會勦陣亡

道光十八年水城營把總殷登朝龍應春奉調帶領兵丁壹百名從提督余步雲勦仁懷縣溫水叛匪穆繼賢踰月撲滅道光二十年水城營遊擊趙萬春奉調帶領兵丁五十四名於二十一年正月二十一日赴廣東禦英夷至龍場趙萬春奉檄撤回營把總龍應春帶領從提標參將應德出征三月內撤回

道光二十三年時豐里鐸宜土目安成死無嗣其族安老三安廷佐爭繼各鳩衆易服色着紅綠布軍機鎧裹白布巾大

水城廳株訪冊

卷之二

武備

七

如箕髮辮盈握盤項上相關殺通判黨思齊會營兵進勦檢安老三安廷佐誅之其黨羽竄逃桑間槍掠燒殺而龍楨之風遂起

道光二十六年水城營守備陳瑄奉調帶領兵丁五十名赴雲南征徇匪至威寧木柯奉檄撤回

咸豐元年水城營把總殷登朝奉調帶領兵丁一百名赴廣西勦髮匪二年撤回

咸豐三年水城營把總王家春奉調帶領兵丁一百名赴江西勦髮匪旋撤回

咸豐四年水城營把總何玉元奉調帶領兵丁一百名勦遵

嘉慶二年水城營兵應調勦與義紳匪廳屬武舉楊國珍應調帶土兵五十名會勦陣亡

道光十八年水城營把總殷登朝龍應春奉調帶領兵丁壹百名從提督余步雲勒仁懷縣濕水叛匪穆繼賢踰月撲滅道光二十年水城營遊擊趙萬春奉調帶領兵丁五十四名於二十一年正月二十一日赴廣東禦英夷至龍場趙萬春奉檄撤回營把總龍應春帶領從提標參將應德出征三月內撤回

道光二十三年時豐里鐸宜土目安成死無嗣其族安老三安廷佐爭繼各鳩衆易服色着紅綠布軍機鎧裹白布巾大

水城廳採訪冊

卷之七

武備

七

如箕髮辮盈握盤項上相關殺通判黨思齊會營兵進勦擒安老三安廷佐誅之其黨羽竄逃桑間槍掠燒殺而龍楨之風遂起

道光二十六年水城營守備陳瑄奉調帶領兵丁五十名赴雲南征徇匪至威寧木柯奉檄撤回

咸豐元年水城營把總殷登朝奉調帶領兵丁一百名赴廣西勦髮匪二年撤回

咸豐三年水城營把總王家春奉調帶領兵丁一百名赴江西勦髮匪旋撤回

咸豐四年水城營把總柯玉元奉調帶領兵丁一百名勦遵

義屬叛逆楊澄喜五年楊逆由黔西大定竄入崇信里比德
地內廳屬文生嚴朝棟土目安耀祖帶領團練堵截賊由比
德竄郎岱界

咸豐五年通判陳鳳昌會營兵勦時豐里白車河積匪葉天
呈六年正月擒獲伏誅葉天呈者八大龍積之一他若安域
臣冉廣祥謝三大炮劉鐵脚板張油客王老四等逆尤為殘
酷七年通判魯經芳會營兵誅冉廣祥於扒瓦搗其穴復殲
劉鐵脚板於陣復集廠練乘勝追擒其弟劉三劉四並其男
婦皆伏誅八年謝三大炮敗走安順界安域臣居威寧地張
油客居本府屬地王老四為其下所殺羅玉春率練襲殺張

水城廳株訪冊

卷之七

武備

八

油客而積匪稍靜九年通判徐行到任謝三大炮詐乞投誠
甫入城即逃去十年通判恩彬率團練千餘會營兵進勦練
積五月本營守備護遊擊印劉雲山及兵丁陣亡於城西外
而逆勢益披猖至同治六年亥仲團練襲殺謝三大炮十三
年通判陳昌言蒞任勦戮王長二誘安城臣到崇伏誅復請
練分紮得衛其餘黨猶日相仇殺練至則負險自固

咸豐十年十月常平里以姑苗變不旬日聚眾至五六十萬
距城四十里戒嚴守陣十二月安耀祖帶練堵勦賊於城
東二塘練潰糧祖僅以身免十一年正月通判恩彬會營兵
督練進勦賊分據各隘為犄角勢一據米籠一據阿夏一據

平寨一據鐸宜一據阿大河一據小河邊一據花地紅巖一據媽隴跨一據以姑一趨雙龍升離城十五里兵練乘其未至先奪婁隘賊潰截殺無算同治元年通判魯祖康督團練進勦阿大河股匪交持於扒瓦河練敗潰土目安耀祖團首陸紹發沒於陣元年十月米籬阿夏股匪蹂躪福集廠直至城東場壩圍城時四境荒蕪米糧罄盡至人相食數求救於威寧道憲鄧爾巽督兵練至凡二十七日圍始解城中男婦傾囊倒篋摘簪珥以作賞練費戴士榮帥練三千進攻小河邊股匪月餘搗其巢穴而士榮陣亡十二月粵匪突由威寧路至城西繞城北由亥仲出境所過擄掠一空三年通判劉

水城廳採訪冊

卷之七

武備

九

正朝札土目沙雲勦媽隴跨雲知地險非人力能粹勝况練微糧少尤難久恃以重賞餌威寧逃犯安城臣冀其出力相助賊之精壯皆城臣爪牙城臣欲挾功漁利因率眾至媽隴跨賊潰奔米籬以姑等處城臣率賞無措遂借權擅抽釐金搶道路財貨並奪沙雲田以自雄城中兵練乘勝進攻米籬賊合阿夏以姑阿大河趨據比德並合羣股竄本府屬兔場旋奉本府札進勦賊遂竄郎岱安順界旋復據阿夏四年通判袁開第接任賊糧盡勢蹙回據花地紅巖米籬比德等處因招安賊遂歸耕五年水城營遊擊富謙赴任至猴兒關遇苗匪邀截與其二子並力戰死八年花地紅巖賊首黃金印

比德賊首何玉堂勾引梟賊岩大五突至場坵城中守禦嚴
密遂盡燒遠近民房以去而援兵亦至計殺黃金印遂進勦
比德何玉堂竄平遠界為署平遠州陳昌言所敗岩大五竄
亥仲圍首楊甘瀉李官壽皆敗沒十二月岩大五襲城城中
警備殺奸細以示賊由西路竄威寧未及備遂失守九年正
月賊由威寧轉攻水城督兵練截殺賊不能留練乘勝追至
黑塘賊具大半竄入郎岱大巖腳金家峒圍攻累月砲破遂
滅何玉堂由平遠竄回亦為比德圍練所殺而苗匪始清

光緒元年三月滇匪胡成澄勾通宣威之丁二狍子平彝之
王四毛牛糾眾竄入時豐里炭山等處通判陳昌言札兵練

水城廳株訪冊

卷之七

武備

十

圍勦焚其刁樓營砲追擒胡成澄於黃河岸並戮其妻子宣
威營奉憲札督兵練圍獲丁二狍子傳首境內

光緒二年通判陳昌言奉札率練並圍勇進勦河外積燹劉
賢炳姬炳章而境內龍楨之風始息

水城廳採訪冊卷之八

人物門

選舉

以九德敘九工而明揚帝世以三升登三物而翊贊王朝雍雍乎星雲爛其輝鍾鼓鳴其豫也漢晉而後碩彥偉儒類由科第我

朝化洽菁莪卽辟在遐陬者亦觀光踴躍夫搗藻秀發含章挺生之儔雖曰靈鍾河嶽而涵育薰陶皆由工力廳屬人士多抑塞磊落其發為文章亦蘊藉沈鬱苟有以濯磨而騰蹕之則繪日凌雲追風逐電由此其選也黃山谷跋秦氏法帖云

水城廳採訪冊

卷之八

人物

一

以道術為根淵其波濶枝葉乃有所依而建立曹鄴邾莒願無以小邦自囿也豈獨掇高科取高第也哉

進士

國朝

王承烈 時豐里人康熙癸丑科同韓莛榜

舉人

國朝

王承烈 時豐望人本姓趙康熙己酉科府志載平遠人時未摺入水城也

杜斯纘 乾隆戊午科大定學廩生據杜氏家傳壬戌科明通榜進士

曹宮桂 乾隆辛卯科大定學廩生

段天貴 嘉慶庚申科水城人大定學廩生時雖摺學額未摺學官故仍附大定學

錢萬選 嘉慶丁卯科水城人大定學附生時巡撫嘉其折

水城廳株訪冊

卷之八 人物

二

節讀書贈羅甸一人匾額以激勸焉

劉席珍 道光壬辰科水城人大定學附生

徐廷瑚 道光己亥科水城人大定學附生

掛賣

國朝

李寶磬

嘉慶辛酉科水坑人
大定學廩生

水城廳採訪冊

卷之八

人物

三

貢生

國就

鄧學林 乾隆十一年歲貢後授獨山州訓導辭不赴任

趙家彪 嘉慶丁卯年歲貢

桂天相 道光十年歲貢

徐廷珮 道光二十四年歲貢

向時行 咸豐六年歲貢

李天極 同治四年 恩貢

李德敬

蕭紹琳 同治五年歲貢

水城廳採訪冊

卷之八

人物

四

武進士

國朝

杜 榮 康熙癸丑科

水城廳採訪冊

卷之八 人物

五

武舉

國朝

杜 榮 康熙壬子科

沙見龍 雍正乙卯科授土守備職

楊國珍 乾隆己亥科

范如榛 嘉慶庚午科

范定邦 道光乙酉科

楊華春 咸豐壬子科

杜兆龍 同治丁卯科並補行乙卯戊午兩科

水城廳株訪冊

卷之八

人物

六

水城廳株訪冊卷之八

人物門

仕宦

援例附

官蹟附

物莫不以見用於人為可貴况席珍待聘尤取諸懷抱而措正施行勝任愉快者乎故即知僅效一官能僅效一職猶不自禁其躍躍欲試之意我

聖朝量能器使縱屬在偏隅而遴選之公無或遺棄俾懷經濟習韜鈴者皆得効用於時以光昭黼黻有志之士亦可奮然起也

文職

水城廳株訪冊

卷之八

人物

七

國朝

王承烈

康熙癸丑進士吏部主事任江南石埭縣知縣

杜斯繡

乾隆戊午舉人大挑二等任普安州學正

曹官桂

乾隆辛卯舉人大挑一等任湖北通山縣知縣

劉席珍

道光壬辰科舉人大挑二等任貴筑縣教諭

武職

國朝

鄰文 亥仲汎千總

楊秀 府志載大定人以其時未撥廳屬地也乾隆三十

二年由本營戰兵征緬甸授威寧左營把總三十五年回

營又從征金川授本營千總以戰功陞黔西右營守備

賞戴藍翎加都司銜四十一年回營陞壽春遊擊五十一

年陞保定參將五十三年陞衡州副將五十六年陞延綏

總兵嘉慶元年率陝西兵勦湖北白蓮教匪加提督銜旋

以戰失利被議二年以參將用四年由雲南提標參將乞

水城廳株訪冊

卷之八 人物

八

休詳大定志

胡天格 水城馬騰街人遵義籍由本營戰兵從征緬甸授

安籠鎮千總又從征金川有功累陞任湖南提督移任四

川提督乞休回遵義

國興 水城南薰街人由本營把總從征緬甸金川等處

以戰功任川北鎮總兵 賞戴花翎

國正 本營把總

楊國珍 乾隆己亥科武舉補本營把總

楊發資 水城歸集人雲南籍由征雲南徇匪立功加總兵

銜 賞戴花翎同治九年署興義鎮總兵十二年署銅仁

協鎮總兵旋任鎮筮鎮總兵

萬國榮 本營外委

何玉鳳 本營把總

楊朝宗 水城人黔西籍本營把總

梅品高 由本營戰兵從征粵匪授千遠營把總分防歸集

汛征苗匪加都司銜 賞戴花翎

楊文才 水城人由本營戰兵授威寧營把總

余定邦 水城人由本營戰兵授威寧營把總

曾聯科 署本營千總

鄧廷勳 水城武生由本營把總授丹江營千總

水城廳株訪冊

卷之八

人物

九

王家發 本營把總

劉紹本 本營把總

訖定邦 道光己酉科武舉咸豐七年護本營遊擊印十年

署荔波營遊擊

范鳳山 水城武生署荔波營千總

援例

國朝

王壽椿 由康生捐貢任獨山州訓導以軍功保陞雲南候

補同知加運同銜

王家瑞 由副貢生捐州判分發四川陞授郫縣知縣同治

三年署筠連縣事由軍功以知州在任候補 賞戴花翎
加運同銜

范雲 由軍功保以州同用捐免驗勘分發廣西

水城廳株訪冊

卷之八

人物

十

水城廳採訪冊卷之八

人物門

忠義

地無論大小人無論衆寡惟恃此不為威懾不為利疚者足植綱常於勿墜耳明天啟乙丑水西安邦考糾合露益烏蒙舉兵犯滇直抵馬龍鋒銳莫當時陶土司奉調會勦有一象伏小塹鼻吸泥水數斛乘賊不意突出咆哮躍起數丈噴泥水作雲霧直挫賊鋒人馬皆辟易卷一悍賊擲天墜地蹙踏如糜賊披靡有裨將乘機逐北獲全勝及暮收兵象尚勃勃具餘勇鼻中毒矢一次日創劇遍體出鏃三升餘遂斃滇人

水城廳採訪冊

卷之八

人物

上

德之葬於馬龍南山之麓田綸霞中丞為補錫辭於石曰為茲有象見諸大易目細形龐鼻長齒巨肉兼求獸膽隨四季生於曠野育在坊肆動若雲從靜如山峙七竇牀施五紋繡被厥性至靈頗知節義曾代舜耕亦奔尾燧授彼金函舉足拔刺教以拜舞矐目不踞何讓英賢無嗤異類即此一戰安危攸繫衆皆束手爾獨攘臂羣寇奪魄三軍吐氣栽栽高邱豐豐古碣血化為燐骨堆成玉餘烈猶生抱忠入地草青雪黃蟻蝼屢鼎夫物猶凜凜然抱忠義氣况人乎孔子論成人曰見利思義見危授命廳屬雖偏隅而散見於府志及採訪冊者尚多待正氣於兩間卓卓然為臨難毋苟免臨財毋苟得

之士彼固非求名於身後而成仁取義堅確不移之操正足
端風化正人心畧而不書焉可乎

國朝

鄒文 亥仲汎千總雍正八年陣亡於威寧之得勝坡祀

昭忠祠

國興 由朗洞營參將從征金川陞任川北鎮陣亡

劉紹本 由本營外委從征緬甸匪陣亡入祀昭忠祠

萬國榮 由本營外委征金川陣亡於黑隴溝入祀昭忠祠

國正 由把總從征興義苗匪戰死於黑豬入祀昭忠祠

見府志

水城廳採訪冊

卷之八

人物

十一

何國美 本營額外外委其陣亡地未詳入祀昭忠祠

楊國珍 由武舉入營從征興義戰死於北鄉入祀昭忠祠

王家發 由把總從征粵匪陣亡於雞公嶺入祀昭忠祠

曾聯科 永順里人咸豐十年署本營千總率兵練勦雙龍

井三塊田扒瓦河米籬阿夏等處苗匪俱身先士卒敢戰

無前同治三年勦苗匪於大定之大兔場賊畏威不敢關

伏劈山炮於林中伺馬至連轟數劈山礮中彈子沒於陣

祀昭忠祠

楊文才 由把總從征都勻苗匪陣亡於巖門司

余定邦 由把總從征都勻苗匪陣亡於巖門司

殷登朝 亥仲汎祀總咸豐元年從征粵匪陣亡祀昭忠祠

楊宗朝 水城人由本營祀總從征金川戰死於黑隴溝祀

昭忠祠

劉雲山 祀昭忠祠其陣亡事蹟詳軍役門

何玉鳳 本營祀總咸豐六年從征都勻陣亡

范定邦 廳屬武舉咸豐十年署荔波營遊擊苗匪圍城值

歲大飢人相食誓死守城陷殉節

范鳳山 定邦第三子署荔波營千總苗匪圍城激厲士卒

日夜防守城陷殫力戰隨父殉節

梅品高 分防歸集汎千總同治九年勦苗匪戰沒於所轄

水城廳株訪冊

卷之八

人物

三

之密達

鄧廷勳 由丹江營千總從征都勻歷戰奮勇積勞成疾卒

於役

沈濬 廳屬文生同治二年率練勦苗匪陣亡於普安州

之鴻博祀昭忠祠

張正春 咸豐十年率團練堵勦苗匪陣亡於城東二塘祀

昭忠祠

林權龍 本營戰兵咸豐三年從征粵匪父子三人俱戰沒

於難公嶺祀昭忠祠

安慶雲 一名耀祖同治元年率團練勦苗匪戰沒於扒瓦

河通判魯祖康執曰羅甸孤忠祀昭忠祠

陸紹發 同治二年率團練勦苗匪陣亡於扒瓦河通判魯

祖康執曰義卻鄉鄰

安建勳 廳屬土目同治初率練勦媽龍騰苗匪屢戰屢捷
恒單刀當先突遇賊數千奮力血戰刀折歿於許居樸文
生王彬弔以詩曰刀摧賊首建功奇百戰公然類虎癡惟
恨春營皆袖手忍教人粉杜回屍

范和光 同治初見苗匪逆命毅然有澄清志隨團練勦賊
練散挺身殺後賊礮折其足猶持矛戕救賊乃斃

李森然 廳屬生員同治間率練堵勦苗匪陣亡祀昭忠祠

水城廳採訪冊

卷之八 人物

十四

嚴述典 廳屬文生同治初率練堵勦苗匪陣亡祀昭忠祠

顏如松 廳屬文生同治初率練堵勦苗匪陣亡祀昭忠祠

姬化南 廳屬監生同治初率練堵勦苗匪陣亡祀昭忠祠

楊景春 廳屬監生同治初率練堵勦苗匪陣亡祀昭忠祠

楊華春 廳屬武舉同治初率練堵勦苗匪陣亡祀昭忠祠

膺 卹典

楊方萃 廳屬武生同治初率練堵勦苗匪陣亡祀昭忠祠

膺 卹典

左洪恩 廳屬武生同治初率練堵勦苗匪陣亡祀昭忠祠

膺 卹典

左逢恩 廳屬武生同治初率練堵勦苗匪陣亡祀昭忠祠
膺 卹典

蕭必明 廳屬職員同治初率練堵勦苗匪陣亡祀昭忠祠
膺 卹典

張必達 廳屬職員同治初率練堵勦苗匪陣亡祀昭忠祠
膺 卹典

王靈萃 廳屬生員同治初率練堵勦苗匪陣亡祀昭忠祠
膺 卹典

嚴朝棟 廳屬職員同治初率練堵勦苗匪陣亡祀昭忠祠
膺 卹典

水城廳採訪冊

卷之八

人物

五

蕭廷聰 廳屬監生同治初率練堵勦苗匪陣亡祀昭忠祠
膺 卹典

戴士榮 咸寧遊擊同治二年帥練解水城圍後進勦股苗
陣亡於底木河

馬崑忠 帶練勦苗匪陣亡於天生橋

梁國卿 水城人以勇力為隊長雍正二年柞子廠廠丁吳

二以病歸就國卿宿室隘為借廟廡宿之供飲食數日吳
二病小瘥遂匍匐行遺所携白金十兩國卿收飲食具見
曰吳二病又失銀必死矣坐待之吳二反且哭國卿舉以
予之後其子文元為府學生員乾隆十五年貢生鄧學林

米其事聞於府知府王允浩紀於府志欲入其主於忠義
孝友祠令學林作贊以風於世贊曰天生白銀人所同嗜
熙熙攘攘無非圖利敗節縻名廉恥皆棄誰是梁子見利
思義猗歟梁子未解書契天機自然真實無偽斯心不昧
見稱義士見大定志

富謙 旗人授水城營遊擊同治五年赴任遇苗匪與其
二子俱戰死於猴兒關

楊甘鳳 同治八年率團練堵剿苗匪嚴大五戰歿於亥仲
汛

李官壽 同治八年與楊甘鳳同戰歿

水城廳採訪冊卷之八

人物門

封蔭

分符握篆獲致命以宣猷擐甲執戈誓捐軀以殉難皆分無可誨亦義無可逃者也而先志克承荷

榮封於祖父志魂曷慰被

優卹於子孫我

聖朝厚澤仁恩誠無遠弗逮矣而感戴者又當何如耶

封贈

國朝

水城廳採訪冊

卷之八 人物

三

王承烈 官知縣

勅授文林郎

杜斯繡 官學正

勅授儒林郎

曹宮桂 官知縣

勅授文林郎

劉席珍 官訓導

勅授修職郎

王家瑞 官知縣候補知州

勅授文林郎

晉封朝議大夫

范如瑩 以子定邦任遊擊

誥封武功將軍

范如榛 以姪定邦任遊擊請

馳封武功將軍

王 暎 以子壽椿任訓導請

馳封修職郎

胡天格 官提督軍門

誥授建威將軍

楊發貴 官總兵

水城廳採訪冊

卷之八 人物

誥授振威將軍

蔭襲 鄒 文 以死難蔭襲恩騎尉

國 興 以死難蔭襲騎都尉

范定邦 以死難蔭襲雲騎尉

梅品高 以死難蔭襲雲騎尉

楊國珍 以死難蔭襲雲騎尉

楊宗貴 以死難蔭襲恩騎尉

曾聯科 以死難蔭襲恩騎尉

國 正 以死難蔭襲恩騎尉

劉紹本 以死難蔭襲恩騎尉

萬國榮 以死難蔭襲恩騎尉

何玉鳳 以死難蔭襲恩騎尉

王家發 以死難蔭襲恩騎尉

范鳳山 以死難蔭襲恩騎尉

李森然 以死難蔭襲雲騎尉

嚴述典 以死難蔭襲雲騎尉

顏如松 以死難蔭襲雲騎尉

姬化南 以死難蔭襲雲騎尉

楊景春 以死難蔭襲恩騎尉

水城廳採訪冊卷之八

人物門

耆者 議敘勞績捐職均附

凡軍民年百二十歲以上者給六品頂戴百歲以上者給七品頂戴並建坊里門九十以上者給八品頂戴地方官俱不時存問八十以上者給九品頂戴並給絹綿米肉婦女年高者亦然五世同堂者均建坊里門生員應試八十以上者

賜副榜九十以上者 賜舉人禮部試九十以上者 賜翰林院檢討百歲以上者 賜翰林院編修此皆我

聖朝優待耄年之至意遭際承平時和年豐蒸為人瑞典誠盛

水城廳採訪冊

卷之八

人物

二十

矣至捐貲修

聖宮及城垣橋梁符例者地方官詳請議敘及遇軍務出力雖微勞寸績俱荷

殊恩並可見酬庸賞功遐邇無棄捐職自七品以上亦足為激功好義者勸而議敘勞績則自八品以上亦榮及焉於

國曰恩於家曰慶冠裳饌飯熟春酒以介眉有不齊宇內而共登仁壽也哉

耆者

嚴趙氏 年百歲 題請建坊

議敘

乾隆間詳請樂輸城工檔案莫查

沙見龍 雍正八年捐貲修橋於盤江議敘經歷加土守備銜

勞績

沙懷珠 見龍之孫也嘉慶二年率鄉勇勦興義苗匪授土守備職

李天極 由恩貢選訓導以州判用

王慶春 廳屬文生以軍功保訓導復由訓導保以州判用

捐職

水城廳採訪冊

卷之八

人物

三

王堽 同知銜

水城廳採訪冊卷之八

人物門

孝友

宗族稱孝鄉黨稱弟為士之次者次於才德兼優之士非謂德遜於才也懷漸門內雖勲業擢如奚取焉夫孩提知愛稍長知敬天性然矣誠本此不學不慮之誠以發為下氣柔聲怡氣婉容豫順之休蒸為親睦孟子云人人親其親長其長而天下平天以是清地以是寧日月以是明鬼神以是格而况禮樂兵刑乎大學傳謂孝所以事君弟所以事長故忠義孝友合為一祠求忠臣於孝子之門誠千古不移之論也匹

水城廳採訪冊

卷之八

人物

三

夫匹婦一念之真有不讓神聖者其人其事不足為閭里樹坊表乎

國朝

蔣元清 城東場埧人孀母陳氏以孝聞道光二十七年

夏大雨竟日及夜半場後洗馬潭決合山水驟至漂洗街

房元清負其母出走並不顧其妻子巷衢湧塞不得路並

溺死泥沙中次日水消街鄰淘沙得其尸兩手反握負其

母牢不可解見者皆泣下通判倪應謙申詳上憲知府黃

宅中勘口蔣元清人紀克敦天倫永篤每念親恩罔極能

善事於生前何期變出非常遂相依於地下慈衷應慰大

義無虧既與論之交推自標題之必及為書純孝非愚四
聲窠宇立碑街衢以表之

周學禮 本營戰兵鳴鳳之子居永順里周家寨素以孝行
稱咸豐三年以其父老乞代父從征髮匪沒於陣入祀昭
忠祠者仍其父冊名也

劉能文 城東場墾人承其父命修木空河橋費銀三千餘
兩無吝心橋成數月為山水衝塌無悔恨心家幾中落撫
羣弟俱令讀書冀成名以悅觀心其仲弟席珍中道光壬
辰科舉人家業復興析羣各千金毫無一自私至今城鄉
猶稱道之

水城廳株訪冊

卷之八 人物

三三

鄧國璽 城內人事孀母務得其歡心其母見城西北池河
上下土橋每遇水漲往來耕作俱不便命墾改建石橋均
費百餘金弟兄二人同炊始終無間言生友愛均出於至
誠故妯娌亦化為和順

沙見龍 廳屬武舉早失怙事母孫氏先意承志務得其歡
心娶安氏生子振海振河繼娶小安氏生子振潮因小安
氏不悅於母出之終身不再娶振河子懷珠嘉慶二年率
鄉勇勸興義苗匪被土守備職人以孝子之報云見大定
府志

胡開雲 廳屬文生居小壘塘早失怙事孀母以孝聞母病

不解衣者月餘母卒後撫同胞弟及妹十人婚嫁不辭勞
瘁家本寒素惟授生徒以糊口年踰七十猶孜孜不倦子
文炳亦入文學人咸稱孝友之報云

水城廳採訪冊卷之八

人物門

潛德

士或未過於時而生平言動及篤志好學有可紀述者又或優游泉石足不履城市即踽踽涼涼而持家有法訓子有方非同枯槁者又或心存濟物樂善好施即其人未澤躬爾雅而光明磊落非以市名者又或捆幅未華而出於性真即一二善行有足動天地泣鬼神者又或隱忍曲全身蹈不韙之名而心本無他為有識所心許者凡此皆毀也聽之譽也聽之而不求聞達於生前不邀品藻於身後者也然而遺文佚水城廳採訪冊

卷之八

人物

二十五

國朝

安吉士 廳屬文生水西宣慰之裔通經學明禮教教子以義方無土目氣習見府志

安家元 廳屬文生號白西吉士之長子少穎異嗜學遊庠後目不窺園旁搜博覽輯西南夷志數十卷與人言論恂恂然無矜躁氣居家尤孝友服食器用悉遵度訓並見大

定府志

姬廷藩 折節讀書工於詩尤樂善好施土目中錚錚者也
范興國 廳屬武生號希蓮弟兄四人折爨復同居訓其弟
後先成名家業益裕復均分其弟遺訓數千言皆明文身
持家之道通判嚴席珍倪應謙並為立傳見范氏家譜長
子如椿嘉慶庚午科武舉次子如堂廳屬武生

誥封武功將軍如堂子定邦道光乙酉科武舉任荔波營遊擊
定邦子鳳山廳屬武生署荔波千總父子俱殉難蔭襲恩
騎尉諭者謂一門忠孝皆希蓮家教所致云

鄧學林 廳屬貢生選獨山州訓導辭不赴任品正行端見

水城廳株訪冊

卷之八 人物

十六

者皆肅然起敬而胸無畛域設本城義館誘掖多方人多
從學文教因以昌輯廳屬人物事蹟成帙府志多採入壽
踰七十

趙家彪 廳屬貢生字象五居永順里趙家寨設館授生徒
因材施教而要以孝弟為本務廳屬列膠庠者多出其門
牆

嚴至善 廳屬文生居永順里杉樹林博通經史於五子性
理尤講明透徹人多從之遊謂居敬窮理為讀書要務賴
以成就者眾而立品端方尤為士林所敬服

李澍 廳屬文生居城南馬鞍山下性樸厚有古風淹貫

經史後生徒功課嚴而責己重其子端彥美彥俱食廩
王 彬 廳屬文生居城內照磨街能文章制藝外詩及雜
作均雅潔不俗而文品尤端崇實行輯聖賢孝弟事實為
一編曰孝弟錄置案頭晨夕展誦課生徒經史外日與講
論數則謂能躬行心得斯不愧為名教中人又謂愛敬之
心油然而生則理不求精而自精辯不求達而自達復博覽
羣書考通數學

雷禮祿 城東場壩人事親以孝聞慷慨好義道光元年通
判張步虛置文武生童卷結田倡捐銀貳百伍拾兩事遂
立成凡修建廟宇橋梁道路所樂輸銀兩恒多人數倍

水城廳株訪冊

卷之八 人物

三

王萬春 亥仲汎祀總居城內中大街事孀母以孝聞家不
及中人產而慷慨好施買地於鳳凰山下又買地於城北
文筆山下均施作義塚見貧民死無棺安葬每歲施棺數
十具

姬周南 廳屬文生捐貲設黃河陰臨渡

范如萱 廳屬武生素以孝稱慷慨好義見城南三十里外
馬尾河當春夏水漲時往來病涉多溺死議修橋倡捐百

金眾亦傾囊相助即鳩工鑿石相基以水深難下脚於前
三日虔祀水神屆期水忽渴得下石脚工甫成水湧如故
人咸謂誠心濟物所感云

嚴統善 廳屬文生性純厚善屬文理境澄澈授生徒孜孜不倦講論經子書極明晰後學多遊其門居白車河李國英 廳屬耆民見城西路沿鳳池河岸小徑而行雨久徑及泥滑水深負載者墜河溺死遂慨然捐貲改修石路通判陳大典諭眾讓田遂改修大路穿田而行往來者德之

水城廳採訪冊卷之八

人物門

列女

士行以忠孝為先婦德以貞節為重榮膺綽楔達

聖聽於九重馨薦藻頌播徽音於百代從前櫺榮未載者現經
採訪據實稟呈旦明可質輿論固久而彌公冰雪無慙幽光
亦晦而益顯同治初因苗變殉難者已列名昭忠祠茲故不
及詳也

國朝

李國雄妻歐陽氏 居城內南薰街年二十九歲夫亡無子

水城廳採訪冊

卷之八

人物

三九

繼子又亡之死靡他六十後備嘗艱苦繼孫運昌道光二
十三年

題請

旌表

李元善妻蔣氏 居常平里七甲年十七歲夫亡守節孝姑

盡孝道光二十六年

題請

旌表

李禧山妻張氏 居城內中大街年二十一歲夫亡子紹榮

生甫六月撫孤子成立入武學

王家藩妻黃氏 居城內馬騰街年二十七歲夫亡所出二子相繼亡矢志守節道光十六年通判蔣燠題節棠冰霜匾額旌其門

熊希珍妻靳氏 居城東場壩年二十七歲夫亡撫孤成立壽七十通判嚴席珍題節壽天全匾額旌其門城鄉皆製錦以祝其文曰 夫使女兒拳寡僅侈均堪之仰止修篁節勁但矜晦朔之平安則翠衣瓊臺壽寓何踰王母丹函雲笈僊家豈乏上元而蘭未循陔兼難倚玉縱屬善添於海錄詎徵福備於箕疇乃有耦似劉綱賢逾德耀松筠節操冰雪肝腸歲值先庚樂遂含飴之子年逾周甲欣當設

水城廳採訪冊

卷之八

人物

三十一

悅之辰艾服清高槐庭肅穆扶來鳩杖女士增輝詠到麟振雲初繞膝天酬若德人慕芳徽如我熊節母靳太孺人者有足頌焉夫其姆教素嫻壹儀足式生畢水而占偕鳳卜歸高陽而兆協熊飛挽共鹿車賓偕鴻案榮能解夫結駟貴英羨予乘龍林下風清道韞之遺徽不遠房中禮肅鍾琮之淑範猶存是以禮叶棗脩詩陳筐筥傲雞鳴而戒旦恥牛卧以興悲織素織織和樂流於琴瑟佐耕佐讀靜好比於壘篋曾將一指誇鍼綢繆未雨不把雙眉鬪畫猶見古風其相夫子有如此者而且熊九屢和兒是麟膝蛾術攸嫻孫述犀角傳心授硯知後必為沆齋截髮留賓喜

客能交陶侃恩勤一例訓迪多方荻障徽言示王融之書
學筠籤記單諭安定以禮宗克綿瓜瓞之休堂題種德預
成桃李之蔭單茁登科共訓子孫有如此者若夫寬能遠
物仁以居心豪氣拔釵憐彼麥舟無助慨言脫珥憫人羨
鏡難圓鄭夫人之散給姻親袁太姑之周旋窮佃等斯道
也何以加焉其厚下睦宗有如此者卓哉巾幗之完人幸
屬荷城之盛事固將里閭矜式家乘流傳矣然而傳咸六
行之稱世有共美阮冢四德之語代不乏人彤管流芬尚
非絕詣柏舟矢志別有奇踪蓋孺人性秉堅貞根躬淑慎
當鷄雛之甫兆忽蝶翅以分飛難夢應在酉之年鶴化棄

水城廳株訪冊

卷之八

人物

三

零丁之孺地維已裂天問終虛飲血含酸莫遂齊眉之願
瞻前顧後匪徒失翼之傷鏡掩孤鸞釵看別鳳形影相吊
門戶中衰倘非百鍊之鋼易成繞指不是千尋之翰未免
灰心而孺人瘠口噤音封情忍思身將化石孰憐崔氏之
兒室有遺珠強收婪婦之淚三千里偶偕天末薛產誰分
四十年寂處閨中柵門獨運補天是石惟藉寸心畫地成
章全憑隻手寒爐永續力辭金穴之貪大廈孤撐腸斷玉
樓之召塵埋巾櫛任彼飛蓬鼎鬪堂基嗟予集蓼但令此
心如雪何辭兩鬢欲霜應門無五尺之童相娛一子持節
慰九象之望備歷千辛為斯世植彝常與家庭培厚福習

坎入坎權如愁如嗚呼瘁已顧或者謂貞順之風端由賦
性精神之用敢藉長年孺人嗣既充閨門將衣錦冠彈綬
結歡筵簪組之賓葉茂枝榮好締萬籬之戚加以歲時伏
臘酒醴羔豚紛如布帛之經營下及米鹽之籌畫縱使驪
珠智抱尚恐絲棼如其魚鱗防疏保無鑄錯春秋高矣儘
可養尊而處優蘭玉森然何妨頤指而氣使而乃用勤庾
癸無間丙丁家禁時世之粧屏集古今之誡奴耕婢織課
導有方女贊男婚禮儀合度田負郭而皆治宅近市以無
驚鳴敬姜機促孟母杼錢刀緩急度支不厭其煩親串往
來洽比無愆於德豈不以勤儉者起家之本憂虞者集福

水城廳株訪冊

卷之八 人物

三二

之基苟忘鳩壽於宴安曷作燕翼於孫子坤貞有衆晉祝
英漸茲逢九月之餘時值七旬以外綵囊乍獻紅葉初飄
撥南谷之菊花釀泉益壽酌西山之奠酒僊客延齡玉砌
流芳挺芝輝而競秀蓬壺衍慶撫榆景而多欣錦瑟排於
高堂黛分萱草菜衣舞於累葉豔奪楓林一管書銀九華
餉玉

龍章獲節

王言來多福之稱燕喜凝庥天意美清媚之報南孤瞻瑞靄聯
四世於一堂西水仰風徽播孤芳於千載愚也賦殊潘岳
敢揚紀配之賢碑述曹娥愧少中郎之筆此日吟成天姥

己看絢爛之雲章他年奏協兜羅更祝期頤於婺曜身人餘慶增標

范文茂妻雷氏 居永順里九甲鵝脚年二十五歲夫亡撫

所出三子皆成立至咸豐二年曾元繞膝壽九十有四卒

劉銘勳妻潘氏 居城內西成街年十九歲夫亡遺一子翁

姑早逝養祖姑婢撫孤家貧仰事俯畜艱苦備嘗壽五十

有二卒

范正治妻賀氏 居城內東華街咸豐元年夫出師陣亡氏

年二十一歲遺一子未周歲悲號欲自盡以殉念子孤弱

無人撫育則斬夫嗣矣因節哀俟撫之成立家復貧凍餓

交迫辛苦萬狀年四十有五卒

水城廳株訪冊

卷之八

人物

三三

熊賢恩妻楊氏 居城東場壩年二十七歲夫亡無子守節

至五十有九卒

王代盛妻習氏 居永順里三塊田年二十三歲夫亡遺一

子翁姑尚存仰事俯畜備嘗辛苦

黃維賢妻袁氏 居亥仲汎避亂遷南城馬騰街年十九歲

時矢所天撫二子事翁姑以孝聞次子志山入文學

王登元妻劉氏 居城東場壩年二十七歲夫亡遺一子撫

之成立

單體鈺妻李氏 廳屬康生李美彥之次女也居城內東華

街年十九歲夫亡遺一子撫之成立事其姑以孝聞

王金瑞妻劉氏 居城內中大街年二十一歲夫亡家極貧
遺一子撫之成立

蔣開永妻王氏 居城內奎光街年二十九歲夫亡撫其子
賡雲成立入武學

劉世泰妻鄧氏 居城東場壩年二十五歲夫亡撫其子德
容成立入武學

林國忠妻陳氏 居城內奎光街年二十九歲夫亡撫猶子
養雙親

姚第科妻凌氏 居城東場壩年二十九歲夫亡遺四子撫
之皆成立

水城廳株訪冊

卷之八 人物

五

一王家垣妻蕭氏 居城內馬騰街年二十八歲夫亡撫所出
一子成立

張永松妻王氏 居城內轉西街年二十九歲夫亡撫孤子
養孀姑

鄧廷勳妻阮氏 居城內中大街其夫由武生入營提補丹
江千總咸豐六年奉調從征都勻卒於役氏年三十歲所
出三子復相繼亡備嘗艱苦始終不渝人皆敬服

沈正義妻王氏 廳屬訓導王壽椿之女年十七歲夫亡守
節足未嘗出戶庭

王永祥妻顏氏 居城內中大街年二十九歲夫亡撫其子

完娶子復死家益貧備歷艱辛不移其志壽踰七十猶勤服不懈

楊國楨妻嚴氏 居常平里九甲年十八歲夫亡即去替瑯服素守節

李德震妻姚氏 姚與順之女居城東場壩咸豐四年九月十二日其夫亡氏年二十歲斂棺畢即仰藥死以殉

蕭必明妾劉氏 咸豐十一年與正妻白氏避亂於黔西城

九月初一日聞其夫死夜靜後以剪刀斷喉死殉時年十九歲

嚴朝棟妻石氏 把總石必發之女同治二年苗匪由小路

水城廳採訪冊

卷之八 人物

七

突竄比德其夫係廳屬文生奉札督團練防堵各要隘不及顧其家氏偕其弟妹二及夫弟之妻胡氏奮戰殲數賊扶其翁以走賊如牆而進氏與胡氏及其弟妹皆自刎其翁亦自刎

沙應奎妻姬氏 土弁姬鳳翔之女年二十三歲夫亡無子矢志守節憑族人文姬宗湖為嗣題請

旌表見府志

祿永華妻安氏 廳屬文生安文煥之女居時豐里年二十六歲夫亡撫繼子廷杰入文學食廩餼卒年四十有五見

府志

王肇洪妻嚴氏 居永順里長寨年二十八歲夫亡撫孤子家貧備嘗艱苦不易其操

羅體一妻蕭氏 居永順里大坪子年二十五歲夫亡撫孤子婚娶家貧以紡織自給不飲酒食肉年踰七十猶服勤不倦

孟大珍妻李氏 居常平里阿隴夷人也年二十一歲夫亡守貞不改適同治元年二月十八日苗匪攻阿隴騰氏被賊圍挈騎以馬至以勒河氏忽從馬上躍河而死

袁思祿妻潘氏 居城內大街年十九歲其夫為土豪毆入鳳池河淹死家赤貧又無伯叔兄弟為之鳴冤氏號泣丐

水城廳採訪冊

卷之八 人物

二十六

食控至府始將土豪照律擬贖氏並無應繼子博博獨立凍餒交迫茹藥食荼卒不易其操壽至五十一病卒

張應發妻鄧氏 居永順里四甲道光四年三月初六日因姑病危於夜半割股煎湯以進姑病愈

張正乾妻王氏 道光二十九年六月初八日因姑病危割左膀煎湯以進姑病愈

張朝萬妻袁氏 居城內東華街年二十五歲夫亡守節三

十有四年卒

趙達安妻嚴氏 居永順里三甲年十八夫亡無子守節三

十有四年卒

張朝貴妻顏氏 居城內南薰街年十九歲夫亡無子越五
月舉遺腹子撫成立婚娶壽六十一

潘正邦妻廖氏 居城內龍碕街年二十五歲夫亡夫志守
節壽六十有七卒

林耀龍妻李氏 居城內馬騰街其夫於咸豐三年從征髮
匪陣亡時氏年二十九歲守節至同治五年卒

孝子蔣元清妻江氏 居城東場壩道光二十七年夏暴雨
水漲漂舍元清負母走仍不免時氏年二十有五矢志守
節撫二子開榮開華成立皆奮志讀書能文因苗變走猴
場同治五年五月五日賊陷猴場氏赴以勒河上流死二

水城廳株訪冊

卷之八

人物

七

子亦赴河以殉

水城廳株訪冊卷之八

人物門

藝術 仙釋流寓附

學文於入孝出弟之餘復游藝於據德依仁之後者曾以神
非遇以跡其相忘在名物象數之間其相洽在擬議言思之
外此境誠未易到也降格以求即一材一藝之微由邪郭而
窺藩籬由藩籬而探門徑由門徑而造庭除當非一蹴所能
至况升堂入室乎然必后羿而後可言射則士盡藏弓必右
軍而後可言書則人皆擱筆夏書曰工執藝事以諫易繫辭
曰神而明之存乎其人其不泥夫藝而又不離乎藝者豈必

水城廳株訪冊

卷之八 人物

三

精於其術始足專門名家哉南人有言曰人而無恆不可以
作巫醫由禮樂文章以及百家眾技苟不至循規錯矩膠柱
破瓠詩曰采芣采菲無以下體節取焉可也至逃名方外而
襟懷曠遠羈旅天涯者恆樂與騷人韻士相往還則其雅抱
清操固皆附藝林而名益顯者矣采其一二以備體例何新
焉

國朝

桂天相 廳屬貢生號雲農善草書兼明醫術其擘窠大字
尤端莊流利奕奕有神

單輔國 廳屬廩生號若巖詩文字皆工尤善畫花卉人物

色色皆精工筆則冠絕一時而品行端方都人士皆尊以
為師

李天柱 廳屬廩生號石堂工詩學清新遠俗同時有三美
之稱蓋謂桂家字單家畫李家詩也

趙文周 廳屬文生號郁堂博學能文性器達故其為文亦
滔滔不絕居趙家寨後進多出其門

嚴維恕 廳屬文生號仁山性純篤訥似不能言而文筆
清超居杉樹林善誘掖後進賴以成就者衆

尹遇湯 時豐里廩生能文章家多藏書遭苗變避安樂堂
顛惟以琴書自娛不復與塵世事以壽考終

仙釋附

劉道者 寓北城觀音寺未建奎閣時寺後石洞中相傳有
狐仙人或見之容甚都涉邪念則撲於地甚有傷其頭面
者劉以地僻靜構禪房置藥爐茶鼎誦經外終日趺坐足
不履市塵惟士人至則見之鶴髮童顏龐眉皓齒時年九
十矣能知未來事叩吉凶語多中其徒屢向人云每年九
月九日師與狐仙談道聞其音不見其人人亦未之信道
光十二年己百十有餘歲忽坐化兩手合掌衣履道覽皆
易新潔香氣氤氳達戶外狐仙亦由此絕跡初不知自何
方來以年高莫稱其名號故相呼為劉道者云

水城廳採訪冊

卷之八

人物

四十

流寓附

陳琮 四川人號玉芳嘉慶初携書篋琴囊來荷見劉道
者與語心相得遂同寓觀音寺品行端方博聞強記工書
畫琴棋詩尤精妙士大夫有相見恨晚之嘆著有卧雪齋
詩草道光十年歲稔望土目耳其名聘延課讀卒於其地
余慶增 遵義舉人號芳溪道光二十五年應聘來荷主講
書院遂僑寓荷城十餘年卒

永城廳株訪冊

卷之八

人物

四

水城廳採訪冊卷之九

藝文門

藝文

凡省府州縣志皆搜討藝文而次錄之以備參稽其例自班固漢書始水城建治未久名流佳製關於政令風教及山川人物者例得採入元明以前事關水西者間亦馳域外觀又或不愛及甘棠之意而特留吉光片羽以存其人皆非漫無決擇也

各體文

重修闡聖帝君廟記

失名

水城廳採訪冊

卷之九 藝文

一

剝極必復否極必泰天運循環理固然也水城自雍正十一年始建治未修石城以前已建帝君廟於城中蓋英光浩氣塞於兩間故自都會以至鄉閭莫不廟祀焉但歷年久風雨漂搖傾斜頽壞雖曰尊崇轉近褻瀆矣洎斯土者未始無重修意而功鉅用繁動念輒止道光八年游擊蘇克精額赴任進謁喟然曰是固與孔廟文昌宮並隆祀典者也必巨梁偉棟廣宇崇闈斯足以薦馨香而修禮樂商之別駕林澍遂倡捐廉俸合屬紳民莫不歡欣鼓舞上至觀察總戎皆樂捐資以助夫勸募同方化緣異地以創修寺觀者何地蔑有然有能若斯之速而又皆出於自然者哉功成較從前規模固宏壯肅穆而隨時補

聿則又有望於將來時道光十年庚寅歲也

范希蓮先生傳

倪應謙

漢制賢良方正茂才異等外孝弟與力田同一科誠以孝弟者為仁之本力田者治生之原也士於一鄉一邑間克自樹立訓其子弟勤儉持家和平處世上溯其祖若父創業之艱示其子若孫以守成之不易自日用飲食起居言動以及冠婚喪祭一本諸躬行以垂為家範得不謂之君子歟道光丁未攝水城篆見范子和衷恂恂然言動不苟心許之與書院肄業論文暇詢及之眾謂其大父尤謹厚可風即希蓮也益心契之和衷復執贄來見出手書希蓮遺訓一卷展誦畢見其語本末兼該纖水城廳株訪冊

卷之九 藝文

二

微畢至宣作止語默閒確有所遵循也噫世風日替非得一二篤行之士維持之未俗之澆漓伊於胡底先生以耄耄之年精神不懈慮及久遠以之矜示一鄉可也豈獨范氏子孫當世守之哉

改建文廟記

陳昌言

甲戌年余卸畢回任斯土屢謁 文廟見規模隘甚西廡亦缺斜將圯亟欲恢廓而重新之詢於眾僉曰自水城建治撥學時附學於府未設教官故亦未建 文廟然揆南宮舉孝廉登拔萃科者尚不乏人迄道光二十四年建此科目轉闕然無聞即有一二好修之士毅然欲自樹立天若故摧折之使不永其年

堪輿家謂城內石阜七零亂堆塤脈絡難尋而文廟後山尤
麤頑偃伏無化氣地位失宜蓋非一日矣特兵燹連年人民凋
敝遂因陋就簡以至今日耳余聞愕然率諸生相其形勢誠非
改卜不可僉又曰前此創修幸際承平猶歲歷五稔費金三萬
有奇始蕺厥事改建無異創修如功鉅用繁而又遭變亂之後
何余曰事在人為豈徂於故轍而一成不變者哉要在實心實
力任之而已余為約計較前不過什一之費即可遵禮制告成
眾於是欣欣然請遊城西南縱觀形勝余更邀精習輿地之危
樂三孝廉同往審知菁華會萃在城東崇文山麓堂局開展一
水灤洄羣山端麗慨然曰靈秀所鍾洵在是矣眾亦翕然稱善

水城廳株訪冊

卷之九 藝文

三

且願捐輸之遂平基址株棟深甌甑瓦擇吉構造不期月而功
成計大成殿五間東西廡各五間大成門五間僧舞臺一
櫺星門一泮池一聖域門一賢關門一御碑亭一崇聖祠三間
東西廡各三間神廚二間祭器所一間更衣所三間宮牆及圍
牆二百八十八丈更新製登一劍七簋十有四簋十有四邊五
十豆五十爵百七十有六尊一俎三十有三燎爐燭鐙香案帛
案祝案各具如制共費銀□千□□兩撫今追昔遲速難易有
如斯也豈剝極必復理固然歟抑哉

盛朝作人化遠涵濡於勿外歟行見俎豆莘莘冠裳濟濟地靈
人傑其發祥正未有艾也爰勒石而為之記所有捐輸姓名及

費則數目附誌於後焉

重修鳳池書院記

陳昌言

同治甲戌秋余回任茲土率諸生敬謁 文廟畢有進而請者曰水城半為平遠所據地與畢節毘連自遭兵燹後民生蹙士氣衰大抵相同矣而年前鄉試平舉中式者各四人何栽培之厚而振興之易且速如斯也今幸驅車戾止願荷陶成焉余曰是豈有他哉不過嚴課之而重獎之耳地雖易區區愛育之心無或易不畏難焉則得矣諸生唯唯退閱日巡視城隍至書院見其坍塌滲漉幾不足蔽風雨安望安排筆硯時復鼓歌絃誦於其間哉爰購執瓦竹木由蜀召各工來尅期補葺塗墍更置

水城廳株訪冊

卷之九 藝文

四

棹案几榻及一應器具若干遠延危樂三孝廉主講從遊者眾余於月課捐獎之餘亦嘗砥礪磨礱斧削追琢俾相率於勿懈抑謂居肆成事曲藝且然况進而上者乎且夫陋巷簞瓢古大賢不改其樂豈必明窗淨几乃心地所藉以光明複室重門乃器宇所資以恢廓然撫此凋殘而坐忍困陋就簡以相安於頽敗又烏能振其意氣精神而歡忻鼓舞於不自已茲則藏修息游古與稽而今與居庭極軒敞理境通也窗倚交疏靈源澈也簾影玲瓏塵緣淨也榜題金碧藻耀翔也以正步趨而門可入以瞻美富而堂可升我知嫩綠盈乎階而生機盡虛白生乎室而書味清雅雅魚魚言言語語思則袖手獨繭氣則吐乎長虹

灌金壁而炳丹青奮風雲而參造化黼黻文章由此其選也豈第戰勝棘闈以吐氣揚眉於一日哉夫讀書十年養氣十年雖未可奏功於旦夕然曩泚平畢有明徵也治無殊教亦無殊是所望於能自奮發者

枷班房記

陳昌言

例禁班管房所而設枷班房者何也為枷鎖等犯寢食計即以杜班管之弊也蓋惟徒流以上始有監禁其餘情雖可恕法難免徽纆桎梏者竊聞寢食間多受凌虐需索之害此誠為民牧者所不忍歲乙亥余重修廳署擬設枷班房有糧戶陸鳳祥捐銀捌拾兩買署西民舍充用復捐銀貳拾兩存業生息作房中

水城廳株訪冊

卷之九 藝文

五

每年草席之資誠見猾犯貪役乘間遍勒為甚苦而為罪不至羈絏者聞蘇活之門也人之好善誰不如我彼蚩蚩者氓不幸而罹於法僅辱以蒲敲以竹者固開恩於研訊之頃而或跡類株連慘向校荷崔角鼠牙不應拘於囹圄猿升免脫復恐陷於淘辱有時防其踈縱在官實出於不得已而挾詐營私輩轉得肆其狼毒以至心膽俱摧手足無措氣觸穢而難堪腸忍饑而莫飽寒則凜冽而體僵熱則薰蒸而神奪且復騏驎與犬豕同羣魚肉飽虎狼之欲謂非言之不忍言而察之難盡察者水城兵燹連年瘡痍未復就此一念祥和以休養生息於無窮或者訟有庭而花落靜洽琴聲岸有獄而風清陰垂棘影民所深幸

亦為民牧者所深願也且夫畫地期不入刻木期不對者預慎於幾先誠不至罹辱罹羅徒深浩歎矣即不然而網可開石可坐亦更新有路昭雪有時而不受辱於徒隸者流致更慘向隅莫訴也迨至老死不登士師之堂楹席共安仁壽之域遊夏屋而熙熙躋春臺而皞皞余固拭目望之而非獨為一方一隅望也慷慨如陸氏子其殆有後於荷乎因援筆而樂為之記

各體詩

國朝

蔣孝子行

黃宅中

道光丁未夏水城暴雨水漲漂沒民舍居人多溺死有蔣元清者負其母逃仍不免已而水退掘土得元清屍猶背其母面如生觀者泣下昔曹娥救父死而不舍其父今元清救母死而猶負其母純孝之心古今豈有異哉倪竊人司馬旣紀以詩又具其事牒於府為給純孝非愚四字匾額並綴俚句以彰孝行

蔣孝子殉母死吁嗟孝子胡為死負母求生竟死矣水城丁

水城廳株訪冊

卷之九 藝文

七

夫夏大水罹其患者溝壑委元清其名蔣其氏倉皇負母跳波起陽侯厄之怒不已水吼蛟蠶命螺蟻母手抱兒兒背倚兒背如舟浪中駭母兮母怖兒在此兒今與母同死耳我聞爾死心骨悲爾溺莫援守土恥司馬作詩為爾紀憐而葬之表厥里古有曹娥稱孝女蔣家男兒今並美

翻譯夷書

晏家元

閒課兒童讀叢書千年虫篆復虫魚莫嫌言語侏離陋水木根原見太初

新戰場

李天極

漠漠兮黃雲沈沈兮白日曠野兮荒涼平林兮蕭瑟一呼百

應射虎羣一肅百哀猿猱泣我行至此心徬徨驚問僕夫此
何方僕夫未及對淚已下數行謂此城東二十里昨年十月
新戰場君不見石上模糊碧凝血白骨杈牙皮膚裂零屋鬚
髮泥窖中衣甲片片刀鎗折又不見肋斷脛殘穴虫蟻縱列
九泉心不死淒風苦雨曉來秋寂聲震地燐火流承平日久
不知兵士卒何曾訓練精悍然應募遇埋伏視死如歸齊覆
沒噫吁嘻自古戰陣凶且危悻倖莫定始出奇行險徼倖勝
亦貶貽恨殺亟封秦尸况復無人收戰骨忍令游魂依草木
又聞砦碣各逃生俱被焚殺尸縱橫饑民捐糧一斛血一斗
只冀保全妻兒與父母臨陣摧折如枯朽教伊保抱扶持何
處走嗟嗟處處皆戰場忠肝義膽血猶香生為壯士死厲鬼
迅挽天上銀河水

清華洞

陳昌言

水城廳探訪冊

卷之九

藝文

八

玉華山高高插天山腰洞險走雲烟指點靈青屈屈上洞口
開張月半弦中鎖石屏玲瓏透斜列關門左右穿我方攀石
逡巡入千奇萬變迷當前第見如虎踞如龍蟠如伏鼠如飛
鷲峭者筆扁者磚高者柱短者椽圓者壁跳擲方者圭鉤連
或為吟榻安或為琴式眠或為臂搏拳或為葉覆蓮其色或
雪白或朱研其氣或清爽或芳鮮吁童然燭鑽罅隙洞上之
洞更空懸磷磷而澤潤水乳滴珠圓身隨石轉手抓石沈惚

磨游蟻木升猿畫之畫不得狀之狀不全側聞黔地近接漏
天南或者媧皇當日煉補遺豎頑否則是佛是道是神仙潛
入洞中學參禪煉汞鉛丹成爐底落真詮變作虛碧留人間
足不足般不般徒與種花犛草爭嬌妍安得秦王鞭石鞭更
借東方太乙船移山端向海中立配作蛟窟龍宮壯大觀日
與蓬萊仙子相往還何至局促扁狹而跼跚山靈大笑發長
嘆我當留作青石磐鍾毓梧桐在岡頂養養姜姜集鳳鸞

翠霞山

陳昌言

松柏翠回環飛霞映日殷征塵容我洗香火愛僧閒憑眺春
如海參禪月滿關一聲清磬激猿鶴嘯空山

水城廳株訪冊

卷之九 藝文

九

平劉姬兩逆上巳日軍中聞笛

陳昌言

永和盛會無絲管何處清音到耳中吹得繞營官柳絲不同
羌笛怨春風

水城廳採訪冊卷之十

雜類門

傳聞

建廳治已百四十有餘年浸久浸湮其間事蹟原多散佚縱博採旁搜而見見聞聞有不同且有介於疑信間者然即體例無可依而概從刪削恐非夏五郭公意也

傳聞

米籬街首有梧桐一株大二十圍高百十有餘尺亭亭如蓋陰覆數畝街鄉皆以神樹祀之每夜靜時樹杪有光文餘復聞音樂聲人異之益加敬重其枝葉墜地莫敢取咸豐十一

水城廳採訪冊

卷之十

雜類

一

年苗匪奪據米籬兵練進勦賊營中鎗刀利者忽失所在疑桐樹神顯應賊命伐之流血而伐樹者皆病狂賊首忿怒伐之樹倒壓死者眾其督伐苗首亦在壓死中不數日苗營自亂兵練乘而破之殺死者不可勝計逃出匪亦自縊林壑間咸以為樹神功雍正初有姓吳名桐者應院試冠童子軍店主人訊其里居曰吾居米籬街首因命人報其家乃至適訪無知者俄有紅報在桐樹上眾說異因携報者往視已置銀四五兩在樹下眾以謝報者因令人詣府探視店主人謂回家已數日矣眾遂設筵以賀稱為秀才云今雖為賊所砍伐而萌芽秀挺大可數拱高三十尺有餘矣

嘉慶四年通判蕭柝年去任人思其德為祠於城隍廟右廡祠成眾謂樹長生株位不如刻木為像使觀其衣冠笑貌有不覺愛敬之心油然而生者議已定而木工係畢邑人素未見公貌眾語之僅得其髻髻夜夢至一殿宇見一高年人衣冠坐堂上工仰視堂下旁一人詣堂前指示曰此蕭公也汝諦視之早起工向眾言眾亦姑聽之及刻成果與公坐像酷肖肖咸以為精誠所感云

青蛙泉原無水西人居其中可蔽風雨嗣聞石洞中大聲轟如雷如是者凡三日懼奔出見洞中有物湧水頭似水牛角無耳至洞口與田水平則止水常清不濁不溢中多怪魚

水城廳株訪冊

卷之十 雜類

二

有一目三目者形狀與眾魚不相肖人不敢釣即釣得亦不敢食

城北鼓眼潭土人於夜間候見光芒數丈如焰硝花紛紛四墜相傳吳三桂征水西時餉銀官至此突遇賊恐為所奪推銀鞘於潭中及賊平命人入水中取銀潭深不可得乾隆末有軍犯善沒水係福建人入水中凡五日夜方出言銀鞘如故掖之不動又言潭濶數里時聞城中人呼喝聲蓋謂城如舟浮水上云

關聖廟正殿本有小潭修廟時以土木石填塞之不能滿因駕大木於上覆以釜數十復覆土與基平

東城舊文廟石山後有丁木一株大盈握半枯半榮生石上
相傳未建治先即有此木經烈風不折從城東北遊者皆指
為古木云

城東場壩志烈宮平基時掘得朱棺一議遷葬後山棺堅固
如新改棺視見古貌如生冠烏紗蓋土官也惜失考

水城廳採訪冊卷之十

雜類門

祥異

凡日星雷雨山川鳥獸之異常者皆為麟經所必書而休咎析於箕疇殃祥明於周易則又推原其感召之由夫兆於幾先者固捷如影響然豈無轉移甚速若祥桑死於三日莢惑退於三言者乎蓋其警揚之懷要皆本於天理之自然順於人事之當然故積一誠以相格而中和位育遂孚於無間者焉

嘉慶三年城西田禾約半畝許忽暴長高八九尺越數日風

水城廳採訪冊

卷之十 雜類

四

雨大作暴長禾皆為雷電所燬

嘉慶十三年大飢斗米價銀二兩民食白泥之細膩者曰觀音粉然不能運化多病脹滿停滯死通判宮樞發倉穀拯濟

道光二年大有年

道光十二年上鐘山龍見

道光十四年大飢大疫斗米價銀壹兩陸錢死於病餒者眾

道光十七年城內東街火

道光十八年糧由南門炮台消水洞入城為暴雨淹斃因水不消街民用長鈎銳戟疏通水洞始見之

道光二十五年雷震武廟右牆中柱移寸許見火毬一枚火

如盤由殿中歷階而下如金蛇蜿蜒直上霹靂一震遂不見
道光二十七年城東場壩大水漂溺居民並街房

咸豐四年禾穞多兩歧

咸豐五年六月太白晝見

咸豐十年五月地震七月崇信里阿夏地陷八月牡丹重開

咸豐十一年彗星見城內外樹木多枯死八月桃李杏梨皆

花

同治元年大飢人相食

同治二年東門步月橋下魚聚成堆堵水不流

同治五年永順里媽夏寨內見大蛇殺之至夜半平地湧水

水城廳株訪冊

卷之十 雜類

漂溺居民並寨內房屋

同治十年北門火

同治十一年北門火

同治十二年永順里九甲二月桂花盛開四月大雨雹風拔

樹折廳署左旗杆

同治十三年八月初三日時豐里打把河岸山崩堵水成渠

長十餘里山裂處石開花朵如蓮色如銀至光緒元年八月

初三水忽涸土田復如故

光緒元年五月十五日已浪河發蛟六月地動八月霜殺稼

九月歲餘里雨雹十月二十三日近城雨雹

附錄

水城廳採訪冊校勘記

卷一

三頁二行

「沈思充」，「充」，原本訛「克」。

卷二

十四頁六行

「顛顛」，原本訛「翻翻」。

四五頁四行

「僅百餘年」，「僅」，原本訛「儘」。

四五頁七行

「鄺道元」，原本漏「道」字，今增。

五九頁十九行

「青剛林」，「剛」，應作「桐」。

卷三

水城廳採訪冊

校勘記

一頁十行

「士氣發揚」，「士」，原本訛「土」。

六頁一、二行

「若棋杆」，「棋」，疑為「旗」。

十頁十行

同

右

二六頁十行

「同治十三年」，「三」，原本訛「四」。

三一頁四行

「肆珠玉」，「肆」，原本訛「肆」。

三一頁十二行

「喧闐」，「闐」，原本訛「填」。

四二頁十九行

「蜈公寨」，「公」，似應作「蚣」。

四三頁十四行

「喜家在」，似應作「許家寨」。

四四頁二行

「萬家在」，「在」，似應作「寨」。

一頁十八行

「新增伍百伍拾戶」，原本漏「伍百」

二字。

二頁十行

「辨內外」，「辨」，原本訛「辨」。

五頁十三行

「園麥呵交好自由」句下，原本漏載第

三曲，據田雯黔書，其曲云：「奈此翻

漿白汗何，趕場大弄不停梭，歹難後嶺

望前嶺，雅務小坡愁大坡」。

六頁四行

「揚子雲」，「揚」，原本訛「楊」。

六頁十八行

「木曰腮」，「腮」，民國貴州通志作

校勘記

二

水城廳株訪冊

「顯」。

八頁二行

「兔曰阿署」，「署」，民國貴州通志

作「暑」。

八頁三行

「棗駱馬」，民國貴州通志闕「馬」字。

八頁五行

「女曰阿墨」，「墨」，民國貴州通志

作「黑」。

八頁十三行

「仲家曰沙慕，又曰沙兔」，「沙兔」

，民國貴州通志作「凶兔」。

八頁二十行

「血曰須」，「須」，民國貴州通志作

「順」。

九頁二行

「發號施令曰非是枯開」，「枯」，民國貴州通志作「拈」。

十頁二行

「盛曰干」，「干」，民國貴州通志作「于」。

十頁四行

「濁曰歹」，「濁」，原本訛「潢」，今據民國貴州通志改。

十一頁十一行

「豆曰豪朵」，「豪朵」，民國貴州通志闕「豪」字。

十一頁十九行

「歌曰果玩」，「玩」，民國貴州通志作「坑」。

水城廳株訪冊

校勘記

三

十一頁十九行

「然曰笑眉」，「眉」，民國貴州通志作「看」。

十三頁二行

「鴨曰斗呵」，「呵」，民國貴州通志作「阿」。

十三頁十一行

「喫飯曰呷干椽」，「干」，民國貴州通志作「千」。

十三頁十六行

「這人不好曰叫這我」，「這」，道光貴陽府志，民國貴州通志均作「致」。

十四頁二行

「飲茶曰呵巴」，「呵」，民國貴州通志作「阿」。

十八頁二十行 「經年不積」，「積」，原本訛「靚」。
二七頁五六行 「心紅紙張銀」句下，原本脫漏銀兩數
，闕有關載籍稽正。

三一頁十六行 「蘿藦」，「藦」，原本訛「葡」。

三二頁五行 「陽芋」，「陽」，應作「洋」。

三二頁九行 「豌豆」，原本漏「豆」字。

三三頁十行 「朝菌不知晦朔」，「朝」，原本作「
雞」，今據莊子逍遙遊改。

三七頁八行 「勝蘿花」，「勝」，疑為「藤」之訛。

四二頁六行 「血勝」，同
右。

水城廳株訪冊

校勘記

四

四二頁二十行 「華麻子」，「華」，宜作「莧」。

四三頁十二行 「淫羊藿」，「藿」，原本訛「霍」，
今據清吳其濬植物名實圖攷改。

四三頁二十行 「勾勝」，「勝」，疑為「藤」之訛。

四五頁三行 「馬鞭稍」，「稍」，疑為「梢」之訛。

四五頁五行 「鋸鋸勝」，「勝」，疑為「藤」之訛。

五十頁十七行 「鷺鷥」，「鷺」，原本訛「絲」。

卷五

五頁一行 「宮樅」，「樅」，原本訛「椈」，查

無「椈」字。

六頁十七行 「浙江仁和」，「和」，原本誤「合」。

九頁七行 原本潘鏡署任年月日與郭起濟同，抵轄殊甚，但闕有關載籍攷正。

十頁十八行 「咸豐七年」，「年」，原本訛「月」。

十一頁一行 「雲南思茅」，「茅」，原本訛「毛」。

十四頁十八行 「咸豐四年護」句，疑「護」為「署」。

「任」之訛；或「護」字下脫漏「理」字。

卷六

七頁十四行 「久蹟文闡」，「闡」，原本訛「圍」。

水城廳株訪冊

校勘記

五

八頁三行 「瞻徇」，「瞻」，原本訛「瞻」。

九頁十一行 同 右

卷八

十一頁五行 「綱常」，「綱」，原本訛「剛」。

十一頁十一行 「田綸霞」，「綸」，原本訛「紫」。

二三頁九行 「析羣各千金」，「羣」字下疑脫漏

「第」字。

二五頁^{十九}行 「恂恂然」，「恂」，原本訛「詢」。

三七頁八行 「水漲漂舍」，「漂」，原本訛「飄」。

三八頁九行 「易繫辭」，「辭」，原本訛「詞」。

「砥礪磨礱」，「磨礱」，原本訛「磨
礱」。